

**NATIONAL ASSEMBLY OF
SEYCHELLES**

Tuesday 18th July, 2023

The Assembly met at 0902am

National Anthem

Moment of Reflection

Mr Speaker in the Chair

MR SPEAKER

Bonzour Manm Onorab. Bonzour nou zofisye ki pe asiste nou ozordi. Bonzour bann envite dan Galeri, bann viziter. Nou annan viziter sorti lekol Anse Royale, e osi en group *staff* sorti Divizyon *Family Affairs*. Mon dir zot byenveni, e mersi pou montre lentere dan Lasanble. Nou kontan lankourazman ki zot anmennen pou nou travay.

A se pwen mon ava donn Onorab Lemiel laparol pou dir byenveni son group.

HON SYLVANNE LEMIEL

Mersi Mr Speaker. Bonzour Mr Speaker. Tou mon bann koleg Manm Onorab. Tou bann dimoun ki pe a lekout. E en bonzour spesyal pou nou bann etidyan lekol segonder S3 sorti Anse Royale. E osi Mr Speaker, ou'n anonse ki i annan en

group sorti kot Minister Lafanmir. So, mon swet zot tou labyenveni.

E pou nou bann etidyan Anse Royale, mon espere ki ozordi i ava en zour ki zot ava aprann en pti pe plis lo kote travay ki nou koman bann Manm Lasanble nou fer. E fonksyon en Lasanble; aköz i neserer annan en Lasanble. So, mon swet zot labyenveni. Mersi Mr Speaker.

MR SPEAKER

Mersi Onorab. Madanm Clerk, nou a prosede avek prezantasyon dokiman.

MADAM CLERK

Mersi Mr Speaker. Bonzour Mr Speaker. Bonzour tou bann Manm. Nou bann envite dan Galeri. Nou bann *staff* Lasanble. Tou dimoun ki a lekout. Bann Papye ki pe ganny prezante *ce matin* i;

S.I. 49 of 2023 Nature Reserves and Conservancy (Further Criteria for Classification of Protected Areas) Regulations, 2023.

Report of High-Level Intergenerational dialogue on Women's political participation (WPP) 15-16 May 2023.

The Finance and Public Accounts Committee – Special Report on the Public Utilities Corporation.

The Finance and Public Accounts Committee – Special Report on the FA4JR Scheme.

The Finance and Public Accounts Committee – Committee Activity Report for 2020 to 2023.

Committee on Government Assurances – Report on the visit to Desroches & Coëtivy.

Annual Report of the Committee on Government Assurances 2022.

MR SPEAKER

Mersi Madanm Clerk. Mon remarke ki nou annan plizyer rapor Komite nou annan lo *Order Paper* ozordi. Mon annan 2 Rapor Komite COGA *Government Assurance*. 2 Rapor *Finance and Public Accounts Committee*. E osi rapor lo *High-Level Intergenerational Dialogue on Women’s political participation (WWP)* ki mon krwar i dan non Onorab Esparon.

Nou kapab prosede avek sa bann rapor si zot in apre. Si zot pa ankor pare, nou a kapab

pran li demen *matin*. Mon ava apel Onorab Lemiel premye, si ou’n apre avek rapor ou Komite *Government Assurance*.

HON SYLVANNE LEMIEL

Mersi Mr Speaker. Bonzour ankor enn fwa tou bann dimoun ki a lekout. E osi nou bann envite dan Galeri. Mr Speaker, COGA nou annan nou 2 rapor.

Nou annan enn Rapor Zil ki nou ti fer lo Coëtivy. E nou annan nou osi nou rapor Anyel. So, mon a pas en pti pe lo rapor zil li menm an bref. Komite COGA li menm ti ganny sans pou li al vizit Desroches e Coëtivy. Sa vizit ti ganny fer le 5 Me 2023.

E bi sa vizit se ki nou ti’n al regard en pti pe baze lo bann lasirans ki ti vin ganny donner isi dan Lasanble le 5 Oktob 2021. An sa ki konsern proze lagrikiltir ki ti pou ganny fer lo Desroches.

E an menm tan, proze *Shrimp Farming* ki ti pou ganny fer lo kote Coëtivy. Bann Manm Komite ki ti prezan ladan ti mwan menm koman *Chairperson*, apre nou ti annan nou *Vice Onorab Norbert Loizeau*.

E osi nou bann lezot Manm ordiner ki ti ale, sa i Onorab Philip Monthy, Onorab

Desheila Bastienne, Onorab Richard Labrosse, Onorab Rocky Uranie.

E sel Manm ki pa ti prezan dan sa vizit i ti annan en *apology* aköz i pa ti kapab ale, se Onorab Wallace Cosgrow.

E nou ti ganny asiste par nou 3 sekreter; Ms Thelma Joseph, Ms Linda Gerry e Mrs Thelermont. E lo kote *IDC*, nou ti annan Mr Glenney Savy ki *CEO IDC*. Mr Christian Lionnet koman son depite, Mr Justin Moustache ki *Agriculture project Manager* lo zil. E an menm tan Mr Michael Govinden ki *Public Relation Officer*.

Ler nou'n al lo zil Mr Speaker, nou ti al Desroches avan. E Desroches nou'n kapab vwar en pti pe lo kote zot bann proze lagrikiltir ki zot ti pe fer. Plantasyon zonnyon ki zot ti pe sey dir, zot oule fer li koman en baz *trial* pou gete si i mars byen, apre ki zot ti pou enport tousala Coëtivy, kot zot ti pou fer li lo en *larger scale*.

Nou'n vwar en pti pe osi sa zour, nou ti ganny sans osi pou al... Mr Savy ti profit sa lokazyon letan *COGA* ti la, kot nou ti al vizit lezot letablisman. E bann lezot keksoz ki *IDC* pe fer an sa ki konsern prezervasyon Lanvironnman.

Zot *solar farm* li menm. Nou ti al vizit *Four Seasons*,

bann servis ki zot pe donnen. Bann *reef balls* ki zot sipoze pe vin met sa koman en proze ki zot pe vin enplimante, pou zot fer sir ki zot pa perdi lans aköz lerozyon i bokou lo Desroches.

E alors zot pe pran bann *preventive measures*. Nou ti ganny sans al vizit *ICS Conservation Center* osi laba pou nou vwar en pti pe ki bann travay ki bann resers ki zot pe fer. Lo kote lagrikiltir nou ti ganny sans war lo kote ler zot ti vin dir nou dan Lasanble, an sa ki konsern elevaz zannimo osi.

Zot ti pe mazin fer tomat osi lo en nivo *largest scales*. E an menm tan Mr Speaker, nou ti ganny sans menm zour nou'n al Coëtivy son apremidi.

E Coëtivy nou ti ganny sans al vizit sa *prawns farm* li menm. E *prawns farm* nou ti vwar ki zot ti'n deza ti fek fer en rekolt bann *prawns* li menm. E ki ti'n fini ganny vann avek piblik Seselwa.

E ki mon krwar piblik Seselwa in *enjoy* li byen. E an menm tan nou ti pe vwar en pti pe osi lo kote elarzisman zot bann proze ki zot pe mazin anmenn lo kote Coëtivy plis *prawns farm* ki zot ti pe mazin pe al fer pou zot kapab fer biznes *prawns* lo en... pou li ariv lo marse enternasyonal osi.

Konklizyon e rekomandasyon ki nou nou'n tire dan sa vizit Mr Speaker, menm si *IDC* i pe perform tre byen; i pe fer son bann travay tre byen, me selman komite i santi ki letan nou pe koz lo zil, bokou dimoun petet i *still* ankor napa akse avek zil. Alors i fer ki nou ti a kontan rekomande ki enn; Gouvernman i kontinyen donn sa sipor *IDC*.

An sa ki konsern zot bann nouvo linisyativ ki zot pe vin avek, pou promote sa *economy growth* pou pei. Pou lo kote lanvironnman soutenabilite lanvironnman. E osi prezervasyon nou leritaz natirel ki *IDC* i pe fer sa tre byen.

E nou, nou demande ki nou rekomande ki Gouvernman i kontinyen donn *IDC* sa sipor. E an menm tan nou rekomann avek *IDC* osi, pou li kapab fer en pti pe plis *marketing* lo kote bann diferan servis.

Sirtou an sa ki konsern pou dimoun vizit bann zil. E ki pli bokou dimoun ava kapab *enjoy* lanatir e *enjoy* labote nou bann zil Sesel. Sa i rapor lo kote zil Mr Speaker. E mon kopi rapor in pare pou mwan soumet avek ou.

E mon pa konnen si ou pou permet mwan, pas lo rapor *COGA* en sel Mr Speaker?

MR SPEAKER

Wi, Onorab, mon asire ki ou annan lalenn. Mon asire ki ou ankor kapab kontinyen. So, prosede avek ou rapor.

HON SYLVANNE LEMIEL

Mersi Mr Speaker. Mr Speaker de lapar Komite Lasirans Gouvernman, savedir *COGA*, mon pe prezant nou Lasanble e pep Seselwa rapor lo travay ki *COGA* in fer pou peryod Zanvye 2022 ziska Desanm 2022.

E Mr Speaker, permet mwan pou lenformasyon nou bann etidyan ki la ozordi, petet pou zot konn en pti pe plis ki si sa *COGA*. Komite Lasirans Gouvernman dan Lasanble ki apel *COGA*, i en Komite restren. E son term i ekspire a lafen sak sesyon Lasanble.

Sa Komite i konpri 7 Manm ki ganny nominen par zot parti respektif avek sipor 3 sekreter, 3 manm Sekretarya, ki ed nou lo kote pou pran nou bann rapor e bann diferan rikord osi ki zot garde.

Komite i dirize par mwan menm, Onorab Sylvanne Lemiel koman *Chairman*, Onorab Norbert Loizeau koman mon Vis *Chairman*, Onorab Rocky Uranie ki ozordi i pa dan Lasanble, i lo en misyon aletranze. Onorab Wallace Cosgrow, Onorab Richard

Labrosse, Onorab Philip Monthy e Onorab Desheila Bastienne koman bann manm ordiner.

Stati ek lotorite pou fonksyon letablisman COGA i stipile dan lartik 105 Konstitisyon Repiblik Sesel. E son fonksyon i osi ganny gouvènen par *Standing Orders 2020*, ki fer provizyon pou bann regilasyon e prosedir sa komite. Sa i leksplikasyon ki mon ti oule donn nou bann envite dan Galeri.

Mr Speaker, pandan sa peryod Zanvye 2022 ziska Desanm 2022 Prezidan, Vis Prezidan, bann Minis, PS, CEOs in vin isi dan nou Lasanble pou adres Lepep Seselwa pou reponn kestyon bann Manm. E osi vin fer diferan *statements*.

Dan tousala in annan serten lasirans oubyen promes. Bann aktivite ki komite in fer pandan sa peryod anba revi. Pandan lannen 2022, komite in zwen 17 fwa. Ladan nou'n fer 11 *meeting*. Kot nou'n pas dan bann lasirans, nou'n konsider e adopte 158 lasirans ki'n ganny donnen isi dan sa Lasanble.

5 parmi sa bann lasirans in fini ganny onore. Nou'n fer 3 sesyon *public hearings*, kot nou'n zwenn e kestyonn bann Minis e zot lekip ki ansarz zot bann diferan departman e

lazans. Ki tonm anba zot *portfolio*.

Le 21 Avril 2022, nou ti zwenn avek Minis pou Later ek Lakaz Mr Billy Rangasamy e son lekip dan son Minister.

Le 22 Avril 2022, nou ti zwenn e kestyonn Minis pou Lasante Mrs Peggy Vidot, avek son lekip dan son Minister.

Le 7 Oktob 2022 nou ti zwenn e kestyonn Minis pou Lanplwa e Zafer Sosyal Mrs Patricia Francourt, e son lekip dan son Minister.

I bon note ki tou nou bann sesyon e deliberasyon dan *hearing* ti pas live lo SBC e osi lo YouTube.

Komite in osi fer 3 vizit, pou enspekte bann proze ki ankor pe ganny enplimante, oubyen ki'n konplete. Le 27 Me 2022, Komite ti al kot LWMA Providence pou vizit sa *Waste Shredder Machine*, akoz i pa ti ankor vin an servis pandan sa letan.

Le 23 Septanm 2022, Komite ti al kot Stasyon Teste Veikil ki nou vwar lamazorite lasirans ki zot ti vin donnen dan Lasanble ti'n ganny onore, eksepte Stasyon Veikil lo Praslin ki nou ti ganny enformen pa ti ankor komanse.

Le 14 Oktob 2022, Komite ti al Montagne Posee pou vizit sa landrwa kot proze

agroforestry ti'n sipoze ganny fer. Me nou'n vwar ki sa proze pa ankor demare ziska prezan. Pandan sa bann vizit, Manm Komite in enterakte avek bann o zofisye sa bann departman konsernen e osi lazans pou ganny plis lenformasyon.

E osi vwar ki bann defi sirtou kot bann proze ki zot pa'n kapab enplimante dan sa dele letan ki zot ti'n fer. Komite in osi travay lo bann rapor, apre sak sa bann vizit e fer rekomandasyon pou bann Minister, departman e lazans konsidere.

An konklizyon Mr Speaker, komite i oule remersye ou lofis pou sipor e korperasyon ki zot in donn nou komite pandan lannen 2022. Nou bann sekreter, notaman; Ms Thelma Joseph, Ms Linda Gerry e Mrs Ghislain Thelermont.

Lezot manm *staff* ki'n osi fasilite nou travay pandan lannen 2022. Komite i osi oule remersye tou bann Minister, departman e lazans ki'n mentenir en Polisi laport ouver. Reponn nou bann lasirans a ler. E rann lapel pou vin nou bann sesyon *public hearing* letan ki zot in ganny demande.

Manm Komite i osi rekomande ki sa lespri travay an kolaborasyon e korperasyon avek tou Minster, lazans e

departman i ganny mentenir a toultan. Mersi Mr Speaker.

(APPLAUSE)

MR SPEAKER

Mersi Onorab pou sa rapor. E mersi egalman pou ou travay koman *Chairman* sa komite. E ou bann Manm, e zot sekreter pou travay ki zot in fer pandan sa lannen ki ou rapor in kouver. Onorab Esparon, ou annan laparol pou ou rapor.

HON REGINA ESPARON

Mersi Mr Speaker. Bonzour tou dimoun a lekout. Egalman bonzour tou bann envite dan Galeri.

Mr Speaker, mon annan plezir pou prezant rapor sesyon AWLN ki mon ti asiste *Zimbabwe*, le 15 ek le 16 Me. Ki ti koensid avek lansman *the Zimbabwe Chapter*.

Mr Speaker, AWLN ki reprezant *African Women Leaders Network* - en rezo ki group bann madanm dan rezyon Lafrik. Kot sak pei pe ganny ankouraze pou met an plas zot Sart e i annan pei parey *Zimbabwe* menm, *Ghana*, *Comores* e lezot ki'n fini met pou zot an plas.

E Sesel in deza komanson prosedir avek en *interim* komite, *committee*. E pli tar nou

pou lans avek *the Seychelles Chapter*. E a sa pwen mon envit bann madanm ki annan lentere pou zwenn sa *Seychelles Chapter* pou nou osi kapab fer nou non konte lo lasenn Lafrik laba.

Mr Speaker, bi sa rezo se pou *network* ek bann madanm. Se pou promouvwar sa laspe reprezantasyon madanm dan bann pozisyon kle dan sosyete. Parey nou'n dir i promot bann madanm dan *decision-making procedures*.

Mr Speaker, en sesyon 2 zour ki ti rasanble bann madanm diferan kous sosyete, politik, antreprenner, sosyete sivil e lezot. Kot ti annan diferan prezantasyon lo bann bon pratik.

E mon ti ganny envite sa *High-Level Forum* dan mon rol koman *Chairperson* bann Madanm lo nivo *SADC-PF*. E osi koman *Chairperson Women Caucus* dan Lasanble Nasyonal. Mr Speaker, avek sa 2 mo, mon annan plezir pou mwan prezant sa rapor avek Lasanble. Mersi.

(APPLAUSE)

MR SPEAKER

Mersi Onorab Esparon pou ou rapor e pou ou travay. E ou travay ou bann Manm Komite. Onorab Pillay, *Leader*

Lopozisyon ou kapab pran laparol pou ou bann rapor.

HON SEBASTIEN PILLAY

Mersi Mr Speaker. Bonzour tou bann etidyan ki dan Galeri. Byenveni dan Lasanble Nasyonal. E bonzour tou dimoun ki pe ekout nou. Dir mon'n mank okenn dimoun dan Galeri bonzour osi. Bonzour tou koleg Onorab.

Mr Speaker, *FPAC* pe prezant 3 rapor pli prezizeman en rapor bann aktivite ki nou'n fer depi lannen 2021 ziska 2023. Dezyennman nou annan 2 lezot rapor ki mon pou vin lo la dan en pti moman.

Mr Speaker, pandan son travay depi 2021 *FPAC* in *conduct public hearings* tou bann rapor Oditer Zeneral pou 2019 e 2020. E nou'n osi komans travay lo *public hearings* pou Rapor Oditer Zeneral, an sa ki konsern 2021.

Mr Speaker, nou'n osi fer plizyer *meeting* avek diferan antite. Parmi sa bann antite i enkli bann antite avek ki nou bezwen enterakte. Sa i enkli *Financial Intelligence Unit (FIU)*, Minister Finans, *Public Enterprise Monitoring Commission*. E osi bann *meeting* ki nou'n kontinyelman fer avek *Anti-Corruption Commission (ACCS)*

Bann *meeting* avek *Anti-Corruption Commission* in repete ankor sa lannen. E parmi bann size ki nou'n diskite, se osi bann demann oubyen bann *request* pou lenformasyon ki *ACCS* in deza komans fer avek *FPAC*, an relasyon avek bann lenvestigasyon ki *ACCS* pe fer.

As we speak now, mon konn en demann ki nou'n fini agree avek. Mon krwar i annan en lot ki nou'n gannyen, mon pa konnen si nou'n fini donn lenformasyon an relasyon avek sa *request* pou lenformasyon.

Sa ki nou konnen se ki tou bann *request* pou lenformasyon ki nou ganny demande par *ACCS*, nou tret li avek tou serye posib. E nou donn bann lenformasyon kan i nesaser.

Nou'n osi resevwar en let kot *Ombudsman*, *regarding* serten size kot *PUC*, sa osi mon'n deza enform *PUC* lo sa size. E nou'n komans serten travay an relasyon avek sa. E sa dan rapor i ganny detaye.

Mr Speaker, anplis ki sa, sa rapor aktivite i detay byen travay spesifik ki nou ti fer avek *PUC*, komansman 2021. E lo size *FA4JR* ki mon pou vin lo la en pti moman. Sa i premye rapor lo bann aktivite ki nou'n fer. E ziske prezan tou bann aktivite ki *FPAC* in fer.

An relasyon avek rapor pli spesifik, mon oule pran premye sa rapor lo *PUC* ki lo nou *Order Paper* ozordi bomaten. Mr Speaker, an 2021 *FPAC* ti ganny alerte ki kot *PUC* ti annan en perd lekipman pli spesifikman en vol bann *armored cable* ki ti annan en valer R347mil.

Apré ki *FPAC* ti tann sa, *FPAC* ti zwenn avek *PUC* dan en *in camera meeting* aköz a sa moman ti annan en envestigasyon lapolis ki ti pe ganny fer lo sa size.

Pandan *meeting* avek *PUC*, nou ti kapab ganny en konpran lo bann diferan keksoz ki konnen sa size. E *PUC* ti donn nou bann detay lo kwa egzaktaman ki'n arive. Pou met Lasanble okouran lo kwa ki'n arive, an 2020 *armored cables* ki ti mezir 630 milimet apepre 630 milimet kare e 400milimet kare lo Ile Aurore ti ganny vole dan en *open storage*. Valer sa perd ti R347mil.

Sa zafer ti ganny refer avek lapolis, e sa gard sekirite ti ganny trouve konplisit dan sa vol, ti ganny trouve koupab dan sa vol. E bann lezot parti ti ganny arete.

Bann kab pa ti kapab ganny *recovered*. E en pe bann kab ti ganny konfiske par lapolis. Me larestan ti ganny

vann avek en konpanyen ki fer *recycling*.

Sa size ti ganny met devan *Board PUC*, ki ti aprouve pou sa bann *armored cable* ki vo R347 mil pou ganny *written-off*. Apre ki *FPAC* ti ganny sa size, nou'n fer en lenvestigasyon detaye lo sa size. E sa ki nou'n kapab determinen *is as follows*;

- An relasyon avek sa bann *armoured cables*, *PUC* pa'n kapab *recover* son *cost* R347 mil. Akoz menm lasirans an relasyon avek sa *armoured cable* pa'n kapab ganny *claimed*. *Given* ki lenvestigasyon ki ti pe fer pa'n permet *PUC* pou zot kapab fer sa *claim* lasirans.

Me par kont *FPAC* ti demann *PUC* pou met an plas bann mezir sekirite pli restren, pou anpese ki en lot vol i arive kot *PUC*.

Mon ti a kontan raporte Mr Speaker, ki Vandredi le 14 Zilyet nou ti donn Onorab Georges Romain latas pou fer en *site visit* kot *PUC*, pou konfirman si bann detay ki *PUC* in donn nou lo bann *camera* ki nou'n mete in ganny fer.

E mon kapab konstate dapre rapor ki Onorab Romain in anvoy kot nou, ki i annan bann *cameras* ki'n ganny mete. Me par kont nou pe demann ek

PUC, pou met lavantaz *camera* pou asire ki sa bann *armored cable* pa ganny vole ankor.

En lot size ki nou'n trete lo sa rapor avek *PUC*, se ki nou ti etablir ki domaz ki ti ganny fer avek sa bann kab. Sirtou an relasyon ek sa size kab ki ti ganny mete ant Mahe ek La Digue, ki valer R1.2 milyon ti ganny andomaze.

Sa ki nou'n konstate se ki *Marine Cargo Insurance* avek *SACOS*, pa ti pe kouver domaz ki arive pandan letan ki sa bann kab ti pe ganny *loaded*. Sa bann kab ti ganny asire pou en valer R7.4milyon.

FPAC ti lyez avek *PUC* lo sa size, e demann avek *PUC* pou fer en zefor pou *recover the cost of* sa 1.2 *million* an relasyon avek sa bann kab ki ti'n ganny andomaze. Sa ki mon kapab raport avek Lasanble ozordi Mr Speaker, se ki an size sa 1.2 milyon ki *PUC* ti fer koman en perd lo sa kab, *PUC* in recover R685.216 koman lasirans.

E in *recover* osi atraver *cost* pou *rent* bann *barge* R350mil. Ki fer an tou *PUC* in *recover* R1milyon 35mil.216 an relasyon avek sa perd 1.2 milyon ki zot ti'n fer an relasyon avek sa bann kab.

Swivan sa bann size ki nou'n souleve avek *PUC*, *FPAC*

in fer sa bann rekomandasyon swivan; Premyerman *FPAC* in rekomande ki;

- *PUC Management* i *conduct* en revy peryodik, zot bann sistenm sekirite an plas pou asire ki zot bann *inventory* i ganny *monitored*. E pou anpese ki okenn vol oubyen perd i arive;

- Bann *asset* ki annan en valer tre o, i bezwen ganny *constantly monitored* e veye. *Inventory* i bezwen ganny fer pou asire ki pandan letan ki zot pe bouze naryen pa arive pou zot perdi.

FPAC in osi rekomande ki;

- *Coverage* lasirans pou bann *assets* ki lo *inventory PUC* i ganny fer pou reflekte tou bann evantyalite ki kapab arive.

Nou *mindful* ki sa pou anmenn en kou anplis lo bann *premium*. Me sa i ava asire ki si i annan domaz lo okenn *assets* ki *PUC* pe servi, sa i ava ganny kouver anba lasirans.

Nou osi demande ki Gouvernman i fer en *reporting mechanism* ki pli kler. An relasyon avek bann lenvestigasyon lapolis ki bann antite pe esper rezilta lo la; si sa bann lenvestigasyon i annan *bearing* pou en lasirans ki bezwen ganny rekouver, *recover* Mr Speaker.

Rezon pou sa i aköz si lenvestigasyon i pran tro bokou letan, keksoz i *lapse* apre sa i difisil pou fer *recovery* atraver prosedir lasirans. Sa i dezyenm rapor an sa ki konsern *PUC*.

Lo trwazyenm rapor lo travay ki nou ti fer dan nou rapor aktivite Mr Speaker, i konsern *FA4JR*. Parey nou a rapel *FA4JR* ti size en lodit spesyal par Oditer Zeneral ki ti etabli ki R15 milyon 110 mil ti'n ganny peye anplis, an relasyon avek bann peyman ki'n ganny fer avek bann konpanyen.

Apre sa ti osi etabli ki i annan en valer R1.7 milyon ki ti'n ganny peye anplis avek bann dimoun ki ti'n vo plis ki en *payroll*. *FPAC* ti fer en *hearing* avek Minister Finans, e apre sa Minister Finans ti donn langazman pou apwent bann konsiltan ki pou fer en revy lo bann *over payment FA4JR*, pou etabli konbyen larzan ki'n ganny peye an relasyon avek *FA4JR*. E konbyen ki bann antite oubyen endividi i bezwen repeye.

Mr Speaker, lo sa premye *assessment* R15milyon, Minister Finans in retourn en 2enm *assessment*, ki ti annan R10milyon a pepre ki ti'n ganny peye anplis an relasyon avek *FA4JR*.

An sa ki konsern sa 1.7milyon, en lot *assessment* in ganny fer. E sa in ganny rekouver pou vin *R1.52* milyon. Savedir *R1milyon 520mil 596.51sou*. Sa ki mon kapab raport avek Lasanble Mr Speaker, se ki apre ki in *focus* son zefor lo fer *recovery*. 76poursan sa *amount* *R10milyon 99 mil 589*, in ganny *recovered*.

Savedir *R7.6milyon* in ganny *recover* dan larzan *FA4JR* ki ti'n peye lo sa nouvo *assessment* *R10milyon*. An sa ki konsern sa *assessment* lo sa *R1.5milyon*. *R1.2milyon* in fini ganny *recovered* ki vedir i annan en total *300mil* ki reste *outstanding*.

Sa rapor ki nou pe fer lo *FA4JR* Mr Speaker, i en rapor enterim. Akoz Lasanble li menm ki ti demann *FPAC* pou regard dan sa size pou swiv *recovery* bann larzan ki pe ganny fer.

An konklizyon lo sa size *FA4JR* Mr Speaker, nou ti deza fer bann rekomandasyon avek Minister Finans. Me sa ki nou'n osi fer se ki pou demann avek Minister Finans pou fer mitigasyon bann *risk* an relasyon ek bann *scheme* ki Gouvernman i met an plas.

Pou asire ki bann baz lenformasyon lo ki peyman i ganny fer i bezwen ganny

retyeke. Souvandfwa nou pe konstate ki baz lenformasyon ki'n ganny donner pou peyman par serten endividi, i pa zot lafot dan lafason ki lenformasyon i ganny pou *compute*.

E prezan zot pe ganny demande pou fer repeyman. Me i osi annan sirkonstans kot dimoun i aparet lo *2 payroll*. E sa i bezwen ganny eklersi ankor. Sa ki nou kapab note Mr Speaker, se ki Minister Finans in donn son langazman an relasyon avek sa *3milyon* ki reste *outstanding* pou zot rekolekte sa larzan.

E ki pou fer baze lo sa *assessment* *10milyon* lamazorite larzan i ganny *recovered*. Sa ki mon osi kapab raport ek Lasanble Mr Speaker, se ki Minister Finans in osi ekrire Oditer Zeneral, pou li etabli si son premye *assessment* *R15milyon* an relasyon avek bann nouvo lenformasyon ki Minister Finans ek bann konsiltan pe *provide* i ankor *stand*.

Nou pou regard sa size Mr Speaker, e prezant en lot rapor avek Lasanble pou vwar ki zistans nou'n arive avek sa size. Mr Speaker, *FPAC* in kontiny son travay pou 2023 avek rapor Oditer Zeneral, e nou ankor an se moman pe fer bann *public hearings*.

Malerezman Vandredi nou pou napa *public hearings*, akoz se COGA ki pe fer *public hearings*. Mon ava soumet sa 3 rapor avek ou Mr Speaker. Mersi.

(APPLAUSE)

MR SPEAKER

Mersi Onorab Pillay, *Leader* Lopozisyon pou ou rapor premyerman. E osi pou travay lo Komite, avek ou bann Manm Komite e *staff* ki asiste ou.

Mon apresye ki nou'n ganny sa bann rapor ozordi, ki temway en volim travay ki Lasanble i fer dan son fonksyon. E sirtou son fonksyon *oversight*, lo aktivite Gouvernman.

Bon, pou nou prosede avek nou prosen biznes lo *Order Paper*, mon bezwen propoze ki nou fer en sanzman dan lord biznes abityel, ki nou pran bann biznes Lasanble ozordi bomaten.

Rezon i se ki Minis pou Zafer Entern Errol Fonseka ki'n ganny apele pou reponn *PNQ* ozordi, i enplike dan en fonksyon kot Prizon, ki i pa kapab absante.

Akoz i zofisyen prensipal ki konsernen dan sa fonksyon. Alor mon pe propoz ek Lasanble, ki nou pran *PNQ*

premye dan biznes apremidi. Kot nou annan ankor kestyon. E savedir ki nou fer en sanzman lord ki nou pa pran *PNQ* dan komansman *Question Time* bomaten.

E ki sa i pou demann ki nou sispann *Standing Order*, pou nou kapab fer sa. Mon a apel pou en Manm anmenn Mosyon pou nou sispann *Standing Order*, pou nou kapab prosede avek sa biznes.

Onorab... les, mon a les Onorab Pillay adrese avan. Akoz mon sipoze i pe adres lo mon propozisyon ki mon'n fer. Onorab Pillay?

HON SEBASTIEN PILLAY

Mersi Mr Speaker. Mr Speaker, mon war sa en pe drol. Akoz *Order 35* nou Lasanble, i dir ki *Leader* Lopozisyon i ganny akorde privez pou met pwen avek en Minis en *Private Notice Question*. E i anvoy sa an ekrir avek Clerk, *at least 6 hours before Question Time*.

E *Private Notice Question* i partisip en kestyon, me i devret ganny pran *at the start of Question Time*. Sa ki mon war pe arive, nou *still* annan en *start of Question Time*, me ou oule sispann *Standing Order* pou pa pran mon *Private Notice Question*.

E sa ki mon pe war dan Lasanble pe arive, se ki sak fwa mon annan en *Private Notice Question*, en problem i leve. En problem i leve ki swa nou pa kapab demann kestyon lo mon *Private Notice Question*; swa nou pa kapab ganny lenformasyon.

Ler nou demann lenformasyon lo en *Private Notice Question* nou pa gannyen. Konmsi mon ti a kontan ganny en konpran? Ki sak fwa nou pou ganny en *PNQ* nou pou ganny sa problem. E nou pa ganny en konpran.

Me prezan ou pe dir mwan ou pe sispann *Standing Order*, me ou bezwen sispann *Order 35* osi! Akoz la ki mannyer in arive savedir ou pe dir mwan mazorite dan Lasanble pou deside kan mon privez i ganny aplike. Me sa i pa mars koumsa Mr Speaker.

E mwan mon krwar i annan keksoz ki pe arive ki bomaten rezon nou pa pe pran sa *PNQ*. E sa *PNQ* in ganny donner a Minis Fonseka se akoz *State House* ti konnen ki Minis Fonseka pa pe la bomaten. Zot ti konnen ki sa kestyon i en kestyon enportan, en kestyon ki pou anbaras Gouvernman.

Ozordi bomaten zot pa oule sa kestyon ganny pran

ozordi bomaten! Zot pa oule dimoun tande ki i annan poudir lo sa kestyon, e alors zot pe met li lo apremidi. Zot pe fer ekspre pou met li apremidi...

(Interruption)

MR SPEAKER

Order! Atann Onorab.

HON SEBASTIEN PILLAY

Sa ki enteresan Mr Speaker, se Vis Prezidan...

(Interruption)

MR SPEAKER

Atann, Onorab. Bann Manm *LDS* nou komansman lasemenn. E mon pe demann zot gard antet silvouple pou pa enteronp en Manm ler i pe koze. Mon tann bokou lavwa pe leve, mon pa konnen lekel ki pe lev lavwa. Silvouple lord.

E mon fer... mon profite fer remark ki mon'n war en kantite amelyorasyon lo mannyer lo kote Lopozisyon i apros sa size. E mon felisit zot, ki dernyerman mon pa'n war okenn enteripsyon. So, mon pe enplor bann Manm mazorite pou zot osi donn legzanp e fer parey. Apre sa lenteripsyon, Onorab Pillay si ou kapab terminen.

HON SEBASTIEN PILLAY

Mersi Mr Speaker. Mr Speaker, sa ki nou pe dir se ki nou pa kapab kontinyen avek sa fason fer keksoz. Sa *PNQ* in ganny anvoye kot *State House* depi yer bomaten. Depi yer bomaten in ganny anvoye kot *State House*. Ou annan ou Minis Derjaques ki ti siny lagreman ant Nizerya avek Sesel.

Ou annan ou *VP*, ki li ki'n vin donn raportaz lo tou sa bann size. me *State House* i deside dan tou sa bann dimoun pou donn sa *PNQ* en Minis ki zot konnen pa pou la bomaten dan Lasanble.

Alors Konklizyon i senp, konklizyon i zot pa anvi sa kestyon i pase bomaten pase. Akoz? Akoz demografik Lasanble in montre poudir lamazorite, dimoun i regard Lasanble bomaten.

E apremidi dimoun pa regarde Lasanble parey labitid. E sa ki kler Mr Speaker, sa ki kler, sa ki kler i se ki i en *attempt* lo lapar *State House* pou anpes sa kestyon pase ler ki i sipoze pase!

E mon met devan ou Mr Speaker - mon met devan ou ki si ou allow mazorite pou *move* en Mosyon pou sispann *Standing Order*. *But not only that*, ou sispann *Order 35* ki mon privez koman *Leader*

Lopozisyon, sa i vedir ki ou pe montre ou pa pe reazir koman Speaker Lasanble Nasyonal. Me ou pe azir koman *Leader LDS!* I senp sa Mr Speaker.

MR SPEAKER

Mersi Onorab. Mersi.

HON SEBASTIEN PILLAY

Vwala ki pe arive ozordi bomaten!

HON WALLACE COSGROW

(Off-Mic)

MR SPEAKER

Mersi. Onorab Cosgrow, mon pa pe antre dan deba lo sa pwen. Mon pa pe antre dan deba lo sa pwen. *Leader* Lopozisyon in fer son pwen ki mon respekte. E mon deklare ankor poudir napa okenn move lentansyon.

E piblik e Manm i kapab tann tou repons, tou lenformasyon ki i annan pou donner lo sa kestyon apre midi. I vre ki i en dekalaz avek ki manner nou *Order Paper*. Manner *Standing Orders* i endike ki nou pran biznes.

Me selman i en nesesite ki mon krwar in arive e ki mon krwar ki nou kapab *accommodate*. Mon a pran Mosyon pou nou *suspend*

*Standing Order, Onorab Leader
Biznes Gouvernman.*

HON BERNARD GEORGES

Mersi Mr Speaker. Bonzour Mr Speaker. Bonzour tou bann viziter dan Galeri. E tou bann dimoun ki pe swiv nou dan lakour. Mr Speaker lo lapar nou kote Lasanble, mon ti a kontan ofer nou leskiz avek bann zenn etidyan dan Lekol Anse Royale pou sa ki nou fek war ozordi.

Sa se

(Interruption)

MR SPEAKER

Onorab! Onorab Georges. Onorab Pillay in fer son pwen lo mon desizyon. I permisib. Silvouple annou pran Mosyon.

HON SEBASTIEN PILLAY

(Off-Mic)

HON BERNARD GEORGES

Avek Mr Speaker, mon Mosyon bomaten i en Mosyon anba *Order 97(1)*. E sa Mosyon se pou demann ou permisyon, parey sa *Order* i ganny demande pou sispann de *Order* bomaten. *Order 25* ki *set out* lord dan lekel travay Lasanble i pou swiv.

E dezyenmman Lord 35 ki *provide* ki *Leader* Lopozisyon, son keston son *PNQ* pou ganny

pran at the start of Question Time.

MR SPEAKER

Thank you.

HON BERNARD GEORGES

Mr Speaker, mon pa ankor fini. Mon pe zis esper Onorab Pillay fini son remark. Mersi.

MR SPEAKER

Kontinyen.

HON BERNARD GEORGES

Ou fini donn Mr Speaker, rezon pou sispann *Standing Orders*. Mon pa bezwen antre ladan. Malgre ki *Order 97* i *provide* ki en rezon i bezwen ganny donner. Rezon ou'n fini donner Mr Speaker, e mon *move* alor ki sa 2 *Order* i ganny sispann pou ki *Question Time* i kontinyen ozordi.

E ki *PNQ* i ava ganny pran en pe pli tar dan lazournen, pou bann rezon ki ou'n fini donner. Mersi Mr Speaker.

MR SPEAKER

Mersi. Mon a ganny segonnman lo sa Mosyon silvouple? Onorab Arissol Sandy.

HON SANDY ARISSOL

Mersi Mr Speaker. Bonzour tou bann Manm. Bonzour tou bann zanfan dan Galeri. Tou dimoun

ki pe ekout nou. Mr Speaker mon pou siport segonn sa Mosyon.

Parske ozordi bomaten mwan koman en Manm Komite Defans mon ti ganny envite kot prizon——atraver sekreter Madanm Clerk ki asiz dan nou Lasanble Nasyonal - Gillian.

An relasyon avek en levennman ki i annan “*The Launching of International Nelson Mandela Day in collaboration with The University of Seychelles.*” So, ki Onorab Adelaide ki in al reprezant nou lo Komite Defans laba.

Se pou sa rezon mon pou siport sa. Parske Minis pa’n kapab la avek nou bomaten. E i pou la avek nou taler, pou ki Onorab Pillay i ava ganny sans demann son keston. Alor, mon siport Mosyon prezante par Onorab Georges. Mersi Mr Speaker.

MR SPEAKER

Mersi. Manm i ava vot lo sa Mosyon. Manm ki an faver lev lanmen silvouple? Mersi. Manm ki kont?

Lo Mosyon pou *suspend Standing Order 35 e Standing Order 25*, 22 Manm in vot pour, 9 in vot kont e 0 in *abstain*. So, nou Lasanble in aprouv sa

Mosyon. Onorab Pillay ou annan en *point of order*?

HON SEBASTIEN PILLAY

Definitivman Mr Speaker. Mr Speaker, nou *Standing Order* i prevwar ki ler ou annan viziter dan Galeri - en viziter dan Galeri pa form parti deba oubyen size ki devan Lasanble, *ok?*

I fer lapenn pou vwar en avoka ki sipoze konn tou sa bann keksoz, pa konnen. E i bezwen servi lensilt pou fer son pwen.

(Interruption)

MR SPEAKER

Annou pa antre dan lakizasyon. *State point of order, please.*

HON SEBASTIEN PILLAY

Sa ki enportan pou tou dimoun konpran poudir ler ou konnen poudir ou byen dan en keksoz, ou bezwen lager. Ou bezwen lager pou ou drwa. E sa i mon drwa. I mon drwa sa, e ou pe servi ou mazorite pou pyetin lo mon drwa.

(Interruption)

MR SPEAKER

Mersi pou ou lakizasyon.

HON SEBASTIEN PILLAY

Se sa ki pe arive. E li...

(Interruption)

MR SPEAKER

Onorab, Onorab, ekout mwan. Ou lakizasyon i *out of order*. Ou pe fer en lakizasyon, kont kondwit Speaker ki pa merite. E ki pa annord avek kondwit Lasanble.

So, mon pe dir ou, mon pe dir ou evite fer li. Mon'n ekout ou *point of order*. mon'n ekout ou *point of order*, mon aksepte ki Manm dan ga.... Viziter dan Galeri pa devret ganny adrese lo en size ki pe pas lo *floor*. Sa i kler. Mersi bokou.

Ou pa ankor fini avek ou *point of order* Onorab?

HON SEBASTIEN PILLAY

Avek ou permisyon Mr Speaker, mon a fer en *retraction* ki mon'n fer alegasyon ki konmkwa mon pe ou pe sa.

MR SPEAKER

Mersi.

HON SEBASTIEN PILLAY

Me selman mon napa swa Mr Speaker. Ou pe anmenn mwan dan sa pozisyon.

MR SPEAKER

Ok. Thank you.

HON SEBASTIEN PILLAY

Ou ki pe anmenn mwan dan sa pozisyon.

MR SPEAKER

Thank you. Onorab. *The matter is concluded.* Nou pou prosed avek *Question time*. Madanm Raporter, ou ava apel Minis ek son delegasyon pou kestyon silvouple.

Non. Onorab Lopozisyon, in *deal* tre byen avek son pwen ki i nesaser. E mon krwar sa *matter* in ganny egzaminen konpletman par li mersi.

Mersi. Mon pa pe pran okenn *matter of privilege* a se pwen. Mersi, bann Onorab mon apel pou lord silvouple. *Ok*, bann Onorab mon fek felisit zot pou pa kri atraver lasal. Evite. Mersi.

(

MR SPEAKER

Bon. Bonzour e byenveni Minis pou lafanmir, Lazenes e Sport Mrs Marie-Celine Zialor ki avek nou pou kestyon. E mon swet byenveni egalman Mr Clive Roucou, Sekreter Prensipal dan Departman Lafanmir Mr Albert Duncan *CEO Seychelles National Youth Council*.

E nou, zot avek nou pou pran kestyon bann Manm. E nou a komans avek kestyon

limero 106. Dan non Onorab Egbert Aglae.

HON EGBERT AGLAE

Mersi Mr Speaker. Bonzour Minis, *PS* e *CEO*. E osi bann zanfan Anse Royale ki dan Galeri. E tou Manm Onorab. Mr Speaker, osi mon rekonnèt ki ozordi nou pe selebre *Nelson Mandela International Day*.

E mon mazin osi nou bann prizonyen osi ki enport ki zot in fer, me selman nou mazin zot aköz zot en imen.

Mon kestasyon i konm swivan; Eski Minis i kapab dir ek sa Lasanble ki rol *SNYC* san sa ki konsern aktivite lazenes lo nivo distrik? Mersi.

MR SPEAKER

Mersi Onorab pou ou kestasyon. Minis, ou repons silvouple.

MINISTER MARIE-CELINE ZIALOR

Mersi Mr Speaker. Bonzour Mr Speaker ek ou lekip. E bonzour 2 dirizan dan Lasanble. E bonzour tou bann Manm Onorab. E bonzour tou bann dimoun ki a lekout.

Mr Speaker, nou stratezi se pou fasilite e sipòrt formasyon bann groupman zenn ki ganny dirize, sirtou par bann zenn. E ki target spesifikman bann zenn.

Sa bann groupman tel ki bann klib diferan klib lentere. Bann klib bann klib ki promouvwar bon valer e *savoir vivre*, i pe ganny formen baze lo lentere bann zenn.

E aktyelman Mr Speaker, nou annan a pepre 36 diferan klib lentere ki *SNYC* pe asiste atraver 2 seksyon *Youth Engagement and Support*. E *Youth Empowerment and Wellbeing*. E *SNYC* pe travay etrwatman sirtou sa lannen avek Gouvernman Lokal, pou asire ki sak distrik i annan en plan aktivite.

I enportan note Mr Speaker, ki en sesyon travay in ganny planifye pandan mwan Out, avek tou bann zofisye ki fer program e bann Administrater Distrik.

Pou osi annan en legzersis pandan lannen pou zwenn ek sak *MNA* ek *DA* lo nivo distrik pou kapab determin bann lentere. E bann bezwen spesifik.

E dayer mon konnen ki poudir i annan ki'n komanse. Nou osi apresye Mr Speaker, pou vwar ki i annan pa mal antite Gouvernman e lezot antite ki osi pe form bann group zenn pou fer aktivite pozitiv. E nou ankouraz zot pou kontinyen, e pou osi desantralize.

Zot kapab sa bann antite apros *SNYC* ki zot ava kontan en pe sipor pou zot kapab fer sa bann desantralizasyon. Mr Speaker, tou bann program ki pou inisye par *SNYC* lo nivo distrik i pou baze lo bann priorite e plan devlopman nasyonal.

En lot stratezi ki nou'n adopte, se po revitaliz bann *Youth Services Bureau*. E konverti zot pou vin bann *regional youth hub*. Atraver sa *hub*, bann zenn ava ganny loportinite pou zwenn avek zot bann lezot koleg dan bann diferan distrik. E form parti bann diferan aktivite desantralize ki ava a zot dispozisyon. Mersi Mr Speaker.

MR SPEAKER

Mersi Minis. Onorab Aglae i kapab prezant son kestyon siplemanter.

HON EGBERT AGLAE

Mersi Mr Speaker. Minis, mersi pou ou larepons. Menm si i annan parti ki mon ava demann ou lo siplemanter. Minis, an sa ki konsern zot in fer serten transformasyon ek sanzman dan lafason ki *SNYC* i fonksyonnen.

Sa ki mon anvi konnen lo kote distrik an term sa koneksyon, sa *linkage* ki *SNYC*

i bezwen fer avek bann distrik sirtou atraver *Local Government*, lo kote resours imen premyerman Minis, mon ti a kontan konnen dan ki kad ki sa *linkage* i ganny fer?

E atraver ki, vi ki i annan en, i pa dir en travayer lazenes ki ganny mete dan en nivo rezyon.

So, mon ti a kontan konnen en pe ki mannyer sa pou marse pou fonksyonnen?

Dezyenmman Minis, eski zot annan en bidze osi pou siporte? Akoz i annan diferan deba dan sa Lasanble lo kote parti *US* e *LDS* menm ki dir problem pou enplimant aktivite akoz resours.

Eski *SNYC* i ankor pe annan sa bann resours pou zot kapab siport? Akoz mon war poudir lo nivo nasyonal i annan serten aktivite ki zot fer e zot deza annan *funding*. *But when it come to the district*, nou ganny dir napa resours.

So, ou kapab eksplik nou Minis pou nou kapab konnen ki nou pou fer? Mersi.

MR SPEAKER

Mersi Onorab. Minis ou repons silvouple?

MINSTER **MARIE-CELINE**
ZIALOR

Mersi Mr Speaker. Avek ou permisyon mon ti a kontan ki *CEO SNYC* i reponn sa bann kestyon teknik. Mersi.

MR SPEAKER

Mersi. *CEO*, ou annan laparol.

CEO SNYC ALBERT DUNCAN

Bonzour Mr Speaker. Bonzour tou Onorab. Bonzour tou dimoun a lekout, e sirtou bann zenn sorti dan distrik Anse Royale.

Pou pran premye *part* ou kestyon lo kote resours imen. *SNYC* an se moman i annan 48 *staff*. E dan sa departman ki fer langaz ki *actually* travay dan kominote, dan distrik i annan apepre 8 *staff*.

So, ler ou gete 26 distrik. So, en *program officer* i kouver apepre 3 distrik.

So, ler ou pran sa *in consideration* ou war ki nou bezwen travay dan en fason ki efikas. E *pull* bann *resources* ansanm. E se pou sa rezon ki bann premye keksoz ki nou'n fer se rod fason travay lanmen dan lanmen avek *Local Government*. Ki *Local Government* zot osi annan bann *program officer*.

So, nou'n fer plizyer *meeting*. E se pou sa rezon ki nou pe fer bann *one-to-one meetings* avek sak *DA* dan son

distrik. Avek en sesyon kot tou bann *program officers Local Government* ek tou *program officer SNYC* pou zwenn ansanm. Ki i annan en *action plan* pou sak distrik, *ok?*

So, parey nou'n koz lo bann klib lentere e bann aktivite osi ki pou deroule dan distrik. So, nou pou annan en *calendar hopefully* pou larestan sa lannen. E pou lannen prosen pou nou konnen tou le mwan oubyen tou le *quarter* ki aktivite spesifik nou pe fer.

E sa osi lo kote nou pe koz resours finans, program, fasilitater. Wi, nou annan en Bidze pou program. E *Local Government* mon krwar i annan sa Bidze ki pey fasilitater ki anim sa bann group lentere.

Par egzanz si ou annan en group lentere, dizon parey nou annan bann klib *basketball, videography*, i annan en dimoun, en animater oubyen en fasilitater ki ganny en *allowance* pou soutenir sa klib lentere.

So, zis pou *summarise* lo kote resours, nou bezwen travay lo en fason pli efikas. Pou nou travay osi ek nou bann *partners*. Parey *NAC* osi, *NSC* ki donn en koudmen.

So, wi nou bezwen travay an tim. E nou osi pe *tap in* dan *private sector* pou ede ek bann

programm ganny idantifye. So, tou sa bann keksoz nou pe met ansanm pou annan en plan konkret pou sak distrik. Mersi.

MR SPEAKER

Mersi *CEO*. Mon a pran Ou annan? Silvouple annou gard klarifikasyon lo klarifikasyon. Onorab Aglae?

HON EGBERT AGLAE

Mersi *CEO* pou ou larepons. *CEO* mon dernyen klarifikasyon i ou pe nonm nou ki pou annan plan ki pou ganny... Me selman mwan mon kestyon petet ou pa pe abord li lo kote sa sinerzi ki merit annan, pou fer sa bann keksoz bouze.

Letan nou pe koz *SNYC*, ou'n nonm mwan *Local Government*, ou'n koz *program officers* prezan ki zot pe al zwenn sa. So, mwan mon ti a kontan petet konnen kan ki petet lenplimantasyon i bezwen ganny komanse.

Akoz nou pe... menm si ou pou dir *Local Government DA* i kapab fer en aktivite petet en *one-off*. Be kontinite ki enportan.

So, kontinite i bezwen atraver zot departman ek sa bann *staff*. So, sa ki nou anvi war komanse. Mersi.

MR SPEAKER

Mersi. *CEO*, ou kapab adres...? Minis mon pas kestyon avek *CEO*, vi ki li ki'n komanse?

MINISTER MARIE-CELINE ZIALOR

Wi. Mersi Mr Speaker. Selman permet mwan petet kekfwa pou mwan avan *CEO* kekfwa i eksplik sa detay lo kan pou komanse, pou mwan profit lokazyon Mr Speaker, pou eksplik serten keksoz avek Lasanble.

Sa bann travay ki pe ganny fer pou kolaborasyon, pa zis pou lazenes. Pou nou *portfolio*, nou bezwen kolaborasyon avek bokou plis antite.

Pou li kapab marse, pou li annan en lenpak. Pa zis aktivite Mr Speaker *for the sake of* zis fer aktivite, fer dimoun kontan tik en bwat.

Nou bezwen sa bann aktivite nou bezwen al organize ki *CEO* pa'n eksplike, son fason ki mannyer nou pou evalye li avan ler nou al komans fer.

Pou ki eski i annan en lenpak? Kwa lobzektif? Akoz nou pe fer en aktivite desantralize? Ki nou anvi *achieve* avek sa? Tousala i bezwen en louvraz ki'n bezwen ganny fer. Apre nou'n bezwen kapab pran letan pou anmenn

nou bann dimoun pou anmennen pou travay ansanm.

I en kalite kiltir ki'n bezwen ganny devlope. Nou tou nou konnen, pou fer sa malerezman i pran en pe letan, in pran en pe letan. E la mon ava pas laparol avek *CEO*, i ava kapab eksplike petet kan ki bann dat ki nou ava kapab demare.

E nou bezwen demare dousman, evalye regarde ki mannyer i ale pou nou kapab. Fodre ki i annan en lenpak lo nou bann dimoun, lo nou bann zenn. Nou pa kapab zis fer aktivite pou fer aktivite diverti-kontan, nou bezwen rod lobzektif annan en lenpak pou nou bann zenn. Mersi Mr Speaker.

MR SPEAKER

Mersi Minis. *CEO* i kapab kontinyen.

CEO SNYC ALBERT DUNCAN

Mersi Minis. Mersi Onorab pou ou kestyon siplemanter. Zis pou azout ankor lo sa ki Minis in dir. Wi, sa lenpak osi i enportan osi ki statistik. Os i nou pe pran kont ki sak distrik i diferan. Nou napa en solisyon *one-size-fits all*.

Parey ou konnen petet lo *Inner Islands*, bann zenn ki kontan *watersports*. Lezot

distrik i annan bann zenn i annan diferan lentere. *but* selman sa sesyon i sipoze ganny organize an Out pandan *Youth Festival*.

So, by lafen Out nou sipoze annan en bon plan. Petet komans sa bann plan spesifik pou sak distrik an Septanm. Mersi.

MR SPEAKER

Mersi *CEO*. Kestyon Onorab Wavel Woodcock.

HON WAVEL WOODCOCK

Mr Speaker, mikro pa pe marse. *Ok*, bonzour Minis, *CEO*. Tou Manm e tou dimoun a lekout. Minis, mon apresye resaman desizyon ou Minister. Annefe *SNYC* pou tir sa *Youth Service Bureau* ki ti dan en batiman pou en parti politik, i ti en konklir lentere pou bouz Grand Anse.

Mon kestyon i *CEO* in dir ki en *Youth Service Bureau* pou nepli egziste. Me i pou plito en *regional*, i pou annan bann *regional Youth Service Bureau*, ki pou sa *focal point* ki pou kontiny bann aktivite lo nivo rezyonal. Mon kestyon; eski sa bann *program officers* ki pou baze dan sa bann *Youth Service Bureaus* zot annan sa konpetans?

Ouswa, eski ou Minister i annan lentansyon fer bann *training*, bann *capacity building* pou sa bann *program officers*? Akoz normalman ti pe travay lo plito nivo distrik. Me la pou rezyonal i pou en pli gro responsabilite. Eski i annan serten travay demars ki'n ganny fer pou *build* zot kapasite?

Akoz vizit ki nou Komite ti fer laba i ti kler ki poudir ti annan zot sa bann *youth*, bann *program officers* zot menm, zot in admet poudir i mank zot serten bagaz, zot bezwen serten *training*.

E mon dezyenm kestyon i dan lepase SNYC, ti ganny bokou servi koman en zouti politik par Gouvernman presedan. E eski parey zot in fer avek SNYC, SNYA kot eleksyon in ganny fer pou fer li pli endepandan pli enparsyal?

Eski dan le fitir bann aktivite ki pou ganny fer i pou napa sa konotasyon, ouswa sa bann afilyasyon, ouswa bann aktivite ki plito *gear towards* bann azanda politik?

Eski nou pe tir sa pou fer ki bann aktivite i plito pou benefis bann zenn, i pa pou benefis en parti politik? Mersi bokou.

MR SPEAKER

Mersi Onorab. Minis ou repons silvouple.

MINISTER MARIE-CELINE ZIALOR

Mersi Mr Speaker. Mon ava reponn sa dezyenm kestyon apre avek ou permisyon. Mon a pas laparol avek CEO, i a reponn premye kestyon.

Definitivman Onorab, nou anvizaze - sanmenm sa ki ou vwar petet kekfwa nou a pe demann en pti pe sipor Lasanble pou zot konpran nou ki nou pe pran en pe letan, pou nou kapab regard sa bann aktivite; fer en pe resers,

Aprè pa nou ki pou decide ki kalite lentere aktivite ki pou ganny fer Mr Speaker. I bezwen sa bann zenn, sanmenm sa ki nou a pe fer lapel avek bann zenn dirizan dan tou bann distrik partou.

E nou'n fer bann rankont avek pa mal, mon'n mansyonn 36 group zot 36 la. Ki zot ki bezwen decide ki kalite aktivite zot anvi vwar.

E nou lo kote nasyonal nou pe regard lentere nasyonal. Par egzanp la yer, nou'n vwar lansman *youth* avek *Blue Economy*. Akoz Gouvernman i annan en azanda *Blue Economy* lentere nasyonal. E nou definitivman retir politik dan tou sa bann aktivite. E mon ava

pas laparol Mr Speaker, avek *CEO* pou reponn premye kestyon. Mersi.

MR SPEAKER

CEO, silvouple.

CEO SNYC ALBERT DUNCAN

Mersi Minister. Mersi Onorab pou ou kestyon. Definitivman i pou bezwen annan *capacity building* pou sa bann *staff*. Enn, akoz ou war lentere zenn sa ki zot enterese ladan in evolye. So, sak *staff* sa lannen nou pe fer sir ki zot annan en *training plan*. E pa zis bann *training* ki *available* lokalman.

Me selman nou osi nou pe travay nou pe esey travay avek *Udemy*. Ki kapab donn bann *short courses* sirtou ler nou get lo kote lazenes, i annan en kantite lentere dan teknolozi, *entrepreneurship* ki mank nou en pe sa kapasite.

Par egzanp *artificial intelligence*, *e-commerce* bann keksoz koumsa, ki nou, nou *staff* i bezwen *on top of* sa pou zot kapab ed bann zenn avek. So, i annan en *training plan* pou tou nou bann *staff*. E *training* pe ganny idantifye lokalman e *online* tou. Mersi bokou.

MR SPEAKER

Mersi *CEO*. Kestyon Onorab Romain.

HON GEORGES ROMAIN

Mersi Mr Speaker. Bonzour Minis ek ou delegasyon. Minis, mon kestyon i viz koumsa,

An vi ki mon'n tann *CEO* mansyonnen ki i annan apepre en *staff* pou trwa distrik, ki en pti pe bokou. E eski zot pe konsider travay avek bann lezot groupman zenn?

Parey legzanp *Emergency Crew*. Akoz atraver Anse Etoile zot in deza organiz en Festival Ladans kot i ti vreman en sikse.

E zot annan ankor en lot zot pe al fer la. E alor mon santi ki o nivo distrik kekfwa zot a kapab ganny lasistans ek sa bann zenn. Mon ti a kontan kekfwa ganny zot pwennvi lo la. Mersi Mr Speaker.

MR SPEAKER

Mersi Onorab. Minis?

CEO SNYC ALBERT DUNCAN

Mersi Onorab. Definitivman. En *council* i sipoze *representative of* bann lazenes. I en legzersis ki nou'n fer, se pou re al kot nou bann *youth organizations*. Sirtou bann ki'n register kot *Registrar*, zis parey *Emergency Crew*.

So, atraver sa nou pe travay lo en *Advisory Committee* osi ki tou sa bann diferan *affiliated groups*, kote lazenes

pou annan en lavwa pou donn nou zot lopinyon.

E pou osi ed nou. Parey nou annan *Youth Festival* ki pe vini an Out, e zisteman *Emergency Crew* pe ed nou avek lorganizasyon *opening ceremony*. So, nou pe angaz en kantite avek tou sa bann group. Mersi bokou.

MR SPEAKER

Mersi *CEO*. Onorab Vidot ou kestyon silvouple.

HON AUDREY VIDOT

Mersi Mr Speaker. Bonzour Mr Speaker, tou ban Manm Onorab. Minis ek ou delegasyon. E tou bann envite dan Galeri. Ek tou Manm piblik ki a lekout.

Mon kestyon pou Minis Mr Speaker. Minis, eski ou pe dir ek Lasanble efikasite ou ladministrasyon in pran zot plis ki 2an, pou zot kapab konsilte avek bann zenn, fer bann plan pou zot kapab anmenn sa bann aktivite ki bann distrik pe demande lo nivo distrik?

E si ou pe dir nou zot ankor pe diskite, zot le kalite aktivite sorti lo nivo distrik sorti kot bann zenn, ki mezir ki zot pe met an plas pou asire ki nou kapab nou koman en Lasanble donn sa sipor parey nou pe ganny demande, avek pou

siport *SNYC*, pou ki vremen nou kapab dir keksoz pe ganny fer pou angaz nou bann zenn dan bann program lo nivo distrik? Mersi.

MR SPEAKER

Mersi Onorab. Minis larepons *please*.

MINISTER MARIE-CELINE ZIALOR

Mersi Mr Speaker. Mr Speaker, letan nou ti antre dan Gouvernman 2020, i annan en fason fer avek *SNYC* ki nou'n bezwen fer restriktirasyon.

Refer sa lazans, revwar son manda, revwar bann keksoz. E wi, sa bann keksoz i pran letan. Akoz dimoun i annan en labitid fer -fer. E lekspektasyon, enkli bann Manm Lasanble Nasyonal bann distrik i bezwen.

E apre dan Gouvernman ansyen, ti napa en kiltir travay ansanm avek kanmarad. Si ti annan, nou pa'n vin zwenn. E pou devlop en kiltir pou fer dimoun pa zis anvi travay ansanm avek en lot antite ki dan Gouvernman.

Me selman-me selman pou fer ki bann dimoun ki dan en lorganizasyon non-gouvernmental i osi kapab aport son kontribisyon pou son pei, ek son lazenes; ki sa i pa

reste en responsabilite ouswa en keksoz ki Gouvernman i gard zis pou li.

Lazenes pa pou *SNYC*, i pou Lepep Seselwa an antye. Pou Lepep! pou nou tou sa. E nou fitir - i pou nou fitir, nou prezan, nou demen. E fodre ki nou angaze. E letan nou pa'n abitye fer sa, nou *wander* pou nou abitye travay avek sa bann dimoun. E-e pou nou fer bon plan anmas lenformasyon osi.

Parey mon pe dir, fodre nou regarde Mr Speaker, ki lenpak nou anvi. Ki lobzektif nou anvi, si nou anvi kontinyen parey nou ti ete oparavan fer kantite aktivite en pe partou dan distrik bokou lwazir, bokou rekreasyonnel.

Ki malerezman nou zenn, i kontinyen al pran drog. Zot kontinyen annan problem lasante, zot kontinyen annan problem mantal. Tou sa bann problem ki nou'n vwar ki Lasante, kot Zafer Entern partou, pe anvoy kot nou. Akoz nou dan prevansyon nou, pou nou kapab. En sistenm antye ki nou pe sanze. I en sistenm antye.

E sa Mr Speaker, nou kapab kritik ki mannyer nou anvi lefikasite ensidswit. Si nou pe fer keksoz byen ki pou annan lenpak ankor ki *result-*

based, ki pa zis fer aktivite, fer aktivite.

Me ki nou lapopilasyon nou bann zenn dan ankor detrwa lannen, prodiktiv e ki an bonn sante ki kapab form bann fanmir for e solid pou Sesel demen.

Nou pou bezwen pran nou letan fer li. Fer li byen pa zis bann aktivite. I enportan lwazir *sports* tousala, me selman fodre nou fer li ansanm. "Si ou anvi al vit al ou tousel", i en vye proverb Afriken sa. Si ou anvi al lwen kot nou, nou anvi ale, ou bezwen anmenn bann dimoun ansanm.

E fer bann dimoun ansanm i pran plis letan, me selman Mr Speaker i annan bokou plis retonbe. Mersi.

MR SPEAKER

Mersi. Mon a pran kestyon Onorab Roucou. E apre mon a termin avek Onorab Pillay. Nou a terminen lo sa kestyon. Onorab Roucou.

HON MICHEL ROUCOU

Mersi Mr Speaker. Bonzour a tous. Minis, *CEO* in koz en pti pe lo kote travay ki zot pe fer avek *Local Government*. Si mon pa tronpe in tous en pti pe bann ki tonm anba sa *Animator Scheme*.

E si zot kapab dir avek nou, si osi sa bann dimoun ki pe ganny ankadre anba sa *scheme* si sa osi tou *SNYC* osi tou pou apros zot pou anmenn zot ansanm? Mersi.

MR SPEAKER

Mersi. Minis, *CEO* pou reponn? *CEO*, Minis in balans latet a ou direksyon.

CEO SNYC ALBERT DUNCAN

Mersi Minis. Mersi Onorab pou ou kestyon. Wi, nou pe travay ansanm. Zisteman 2 semenn pase nou ti annan en *meeting* avek tou sa bann klib lentere, ansanm avek *Local Government*. Ansanm avek sa bann animater pou *Local Government* in vini in eksplik en pe kote sa *scheme* in arive.

Ki bann prosedir pou *embark* lo sa *scheme*, ki mannyer zot pou *monitor*. E zot in reponn en bon pe kestyon. So, sanmenm sa ki mon dir sa *synergy*, kot nou pe anmenn tou sa bann *partners* ansanm pou nou kapab bouz devan. Mersi.

MR SPEAKER

Mersi. Onorab Pillay, ou kestyon.

HON SEBASTIEN PILLAY

Mersi Mr Speaker. Mr Speaker, mon pe ekout Minis e mon pe regard son bann *verbatim* ki la devan mwan. E son *verbatim* i *almost* li *word forward* menm keksoz ki i pe dir nou la.

Every time i vin dan Lasanble i lo plan. I lo plan depi 2an edmi pase la li. E sak fwa i vini par egzanp lo *sports complex*. *Sport complex* ti'n avarye, pa ti bon! 2an edmi, mon pa konnen ki in fer. Menm parey ek lazenes sa bann dimoun pa ti travay ansanm, napa naryen ansanm.

Mon kestyon pou ou, parey nou'n nonm nou sa vye proverb Afriken, Kan ki ou pou deside bouze egzakteman? Pou fer, kan ki ou pou vin devan Lasanble ou poudir ek nou koumsa poudir la, la nou plan, la, la nou *rollout plan* ki nou annan - la, la ki nou pe fer.

Akoz sa ki ou vini ou donn nou menm litani, menm leskiz. La ou demann nou leskiz ankor ki ou ti pe demann nou Zilyet 2022 an relasyon avek lazenes. So, Lasanble son rol se fer ou *accountable* pou bann keksoz ki ou'n dir.

So, eski ou kapab dir nou egzakteman kwa ki zot pou *rollout* an relasyon avek sa ki Onorab Aglae in demande?

E an se ki konsern, par egzanp bann *DYC* bann lezot

komite, bann lezot sistenm striktir ki zot ti annan an plas, si sa bann ki ti la avan pa ti bon, kwa ki pli bon ki ou pe met an plas ki pou fer li marse? E kan eski nou ekspekte i komans marse? Mersi Mr Speaker.

MR SPEAKER

Mersi. Minis ou repons silvouple.

MINISTER MARIE-CELINE ZIALOR

Mersi Mr Speaker. Mr Speaker, si in fer referans avek lenfrastriktir lot keksoz. Si, letan nou ti vini, nou ti vin zwenn en kantite bann keksoz ki'n fini met an plas Mr Speaker, i pa ti pou pran sa kantite letan.

Kantmenm-kantmenm lanmwatye sa ki nou bezwen fer la parey atraver, atraver devlopman e donn *training*, donn kapasite nou bann dimoun dan bann diferan domenn. Sirtou dan *portfolio* kot mon ete, wi i pou pran en pe letan. I pou pran en pe letan Mr Speaker.

Nou ava agree pou dezagree si fodre. E keksoz pou fer pou montre kwa ki ou'n fer, i pa neserman fodre en *building* i monte.

Souvandfwa nou dir fodre fondasyon lo ki nou fonn nou

bann prensip, nou bann program, nou bann proze, fodre i for, sansan i pou tonm ankor.

E letan ou dan fondasyon, ou a pe fouye, ou a pe re aranz fondasyon - vre ou pa war en *building* pe monte. I pa vedir ki ou pa pe fer naryen Mr Speaker. I pa vedir ou pa pe fer naryen Mr Speaker. I pa vedir ou pa pe fer naryen. Wi, be akoz sa pwa domaz ki ti annan dan sa fondasyon.

Sa pwa domaz ki'n annan, kekfwa petet nou, nou pa pe koz bokou lo sa kantite domaz dan sa fondasyon anmezir toulezour ou rode pou vwar, akoz i pa bouze. Akoz keksoz i pa arive. Se sa ki nou a pe fer Mr Speaker.

Wi, i pa pou vwar en *building* pe monte. I pa pou vwar ki poudir aktivite pe ganny fer. E *verbatim* fodre nou osi tou nou get tou *verbatim*. Pa get zis en bout. La sa ki mon a pe dir sa bann laranzman tou sa bann preparasyon ki nou pe bezwen fer toulezour.

Sa bann restriktirasyon ki nou'n bezwen fer. Tou sa bann travay ki nou pe fer, wi, byensir i pa ankor de-koul dan distrik. Lo nivo nasyonal, nou'n fer en gran eleksyon preparasyon pou Lasanble Lazenés. In pran en pe letan, in pran apepre lan pou

nou kapab fer. Akoz? Nou bann dimoun pa'n abitye al fer sa, al fer konpany pou ou lekor.

Abitye avek sa sistenm demokrasi. Nou'n abitye dikte, nou'n abitye zis dir ki pou fer, ale pran fer. Nou pa'n abitye koze ek nou bann dimoun, pran pou ekout zot pou ganny zot. I pran en pe letan, i pran en pe letan. E mon konpran akoz Lopozisyon pa pou konpran sa, akoz zot pa ti abitye fer.

Zot pa ti abitye fer. Letan ou pa abitye fer, ou pa konpran. Akoz zot pa'n zanmen fer. So-

E si parey mon pe dir Mr Speaker, nou pe vir en gro bato pou ou vir li. Pli i pli gro, pli i pran plis letan pou ou kapab sey vire. Ler in fini vire ki ou pou vwar.

Mwan Mr Speaker, mon byen apresye. Mwan mon progre ki nou'n fer pandan sa bann letan. Wi, avek sa resours ki nou gannyen avek nou kapasite ki nou annan, nou'n nobou kapab fer sa. E nou pou fer ankor an mezir ki nou ale.

E letan nou'n fini avek fondasyon pou *building* monte, nou, zot ava vwar. E bann diferan groupman ki nou travay avek lo nivo nasyonal, nou ape travay lo nivo nasyonal. I pa ankor desann dan bann distrik.

Nou'n fer pa mal lo nivo nasyonal. E nou, nou satisfè

avek sa ki nou'n fer. Menm si Lopozisyon pa pou satisfè. Me selman Mr Speaker, mon pa tro, tro sirprann. Mersi.

MR SPEAKER

Mersi. Onorab Pillay mon pou termin sa keston la. Akoz mon pa oule ki zot antre dan en deba ant ou avek Minis. Si ou, *ok* en klarifikasyon. Si ou poz li koman en klarifikasyon mon a respekte.

HON SEBASTIEN PILLAY

Mersi Mr Speaker. Mr Speaker, mon *go back to verbatim* Lasanble. E mon pran depi 2020 ler ou'n vini, an relasyon ek restriktirasyon *SNYC*. Mon kontinyen, mon war ou ou'n vini 2021 an relasyon ankor enn fwa avek *SNYC* keston lo lazenes.

22 parey, 23 parey. Ou dir nou koumsa nou abitye dikte dan plas sey reponn keston ki ou pe fer, ou plifere atak mwan. *Ok*.

Mon keston pou ou; sa plan ki ou'n dir nou ou pe devlope la, sa plan travay ki ou sipoze annan la, kan eski ou annan lentansyon met li an pratik? Kan eski bann distrik pou vwar bann aktivite vin kot zot?

Sa ki mon pe rode vizavi bann *statement* ki'n ganny fer.

Akoz *short of* sa Mr Speaker, mon pa pe al dan okenn deba politik ki Minis. Mwan mon oule konnen kan ki son plan pou materyalize, setou!

MR SPEAKER

Mersi. Minis si ou annan en repons pou kan, nou a termin avek sa.

MINISTER MARIE-CELINE ZIALOR

Mr Speaker, mersi. Ankor mon pa pe ekspekte sa si Onorab pou dakor ouswa i pou konpran ki mon a pe sey dir. Mwan mon pe al ver konklizyon pou agree pou dezagree lo sa pwen.

Lo plan i pa neseler tou lo plan zis fer aktivite. Lo nou plan, nou'n annan preparasyon, fer kolaborasyon avek lezot aksyon lo plan. Aksyon lo plan. Lo nivo nasyonal nou'n bezwen fer lot standar nasyonal avan ler ki i tonm dan distrik.

Savedir nou plan pou desann dan distrik i pa ti depi 2020 li. I pa ti depi 2020. Plan ki *CEO* in dir pe desann dan distrik 2020, apre ki in vwar sa 36 pou komans avek. In fini dir Mr Speaker, in dir Out sa lannen. Mersi.

MR SPEAKER

Tre byen. Out sa lannen. Mersi pou sa kestyon. Nou a pas lo lot kestyon limero 107, dan non Onorab Andy Labonte.

HON ANDY LABONTE

Mersi Mr Speaker. Bonzour Minis, *CEO*, avek *PS*. Bonzour tou Manm koleg Onorab. Kestyon i lir koumsa; Dimoun aze ek dimoun otreman kapab i reste en kous nou popilasyon ki bezwen bokou latansyon spesyal.

Eski Minis ou kapab eksplik nou ki son Minister pe fer pou aport zot sa soutyen neseler, ki reponn a zot bezwen mantalman, emosyonnel, sosyal e spirityel pou asire ki zot dinyite imen i ganny respekte? Mersi.

MR SPEAKER

Mersi Onorab. Minis ou repons?

MINISTER MARIE-CELINE ZIALOR

Mersi Mr Speaker. Mr Speaker, depi ki nou'n pran ladministrasyon 2020, Nou Minister in konstate ki sa 2 group dimoun mon pou koz lo zot diferaman. Sa premye group nou pe dekri koman dimoun otreman kapab.

Zot ti bezwen bokou sipor. E nou ti remarke ki bann servis

ki zot ti bezwen ti nesesit en gran amelyorasyon. Se pou sa bann rezon ki nou ti zwenn avek bann diferan lorganizasyon pou ekout zot bann konsern, e osi zot bann rekomandasyon.

E an sa ki konsern bann dimoun aze, bann letid demografik lo popilasyon, ti ape endik nou ki popilasyon ti a pe vyei. E alors nou ti pou bezwen revwar nou bann Polisi, pou ki bann servis i osi swiv dan sa bann tandans demografik.

Alors, an 2021 Mr Speaker, nou ti komans fer reform striktirel ki'n permet nou ozordi annan en seksyon kot Departman Lafanmir, pou dimoun ki viv avek dezabilite. E en seksyon pou bann dimoun aze. Nou'n al rod en pe plis lenformasyon pou ki nou pli konpran bezwen sa 2 group dimoun.

Me nou pa ankor fini fer sa latas. E i mank nou serten lenformasyon ki nou a pe fer bann demars pou nou gannnen. Nou'n osi apersevwar ki i mank nou kapasite, pou nou kapab donn sa bann servis.

E la bann demars in komanse avek bann diferan antite nasyonal, osi byen ki enternasyonal, pou ki sa bann servis i annan en lenpak pozitiv

lo kalite *de vie* sa bann dimoun ansanm avek zot fanmir.

Me malgre ki nou napa tou lenformasyon, i annan serten proze e program ki nou'n fer ansanm avek nou bann diferan *partner*. Mon a nonm detrwa;

- Bann proze pou amelyor,

fer *maintenance* lo tou nou bann *Elderly Home*. E osi akoz sa servis i bezwen, nou a pe fer bokou kozri avek Departman Later pou idantifye bann landrwa pou kapab vwar posibilite fer konstriksyon plis.

- *Fast Track Card*, pou sa bann group dimoun.
- Proze Lasante, ki par egzantp organiz bann *pedicure* ansanm

avek bann antite prive pou bann pasyan ki ganny dyabet.

- Zwenn program koalisyon

enternasyonal pou bann dimoun otreman kapab. E sa letan nou'n zwenn *cabinet* in donn laprouvasyon. I pou anmenn bokou kapasite ki nou manke.

- Nouvo Lalwa *Home Care*, e en nouvo *Home Care Agency* pou nou kapab revwar sa bann swen pou li pli spesyalize, pli modernize. Akoz sa 2 group dimoun ki servi plis bezwen *home care*.

- Ofer swen lasante mantal par

Departman Lafanmir. E nou komans fer bann aktivite lwazir atraver bann klib trwazyenmman az pou nou bann dimoun aze.

Mr Speaker, nou kontinyen lans lapel avek tou endividi ek bann manm lorganizasyon pou zwenn nou, pou donn en koudmen ede amelyor lavi sa bann dimoun. Akoz sa demars pa merit zis responsabilite Gouvernman.

Mon pe enplor bann fanmir, sirtou pou nou bann dimoun aze. Se nou bann manman sa, se nou bann papa ki ti la ler zot ti kapab zot ti sonny nou, zot in ed nou.

E nou osi nou bezwen tou sa sipor letan nou pou vin zot laz. Alors, annou pa abiz zot, e letan zot bezwen led ek sipor pran bon swen avek zot. E pa les sa zis en zafer Gouvernman. Mersi Mr Speaker.

MR SPEAKER

Mersi Minis. wi, Onorab Labonte, ou siplemanter?

HON ANDY LABONTE

Mersi Minis pou ou larepons ase detaye. Mon vreman apresye ki parey ou'n dir, ozordi zot annan 2 seksyon pou aze separe avek pou dezabilite.

Minis, parey i annan en sesyon ki nou ti annan avek Minister Lasante, kot nou ti pe koz lo *Health in all policies*. So, eski zot pe mazin osi al en pti pe dan sa laliny ler nou pe koz ladan?

Akoz nou war poudir bann fasilite ki nou annan pou fer en dimoun dezabilite en pe pli kapab lo son *own*, i vreman limite.

So, eski zot pe mazin osi pou al en pti pe dan sa laliny ki sa bann dimoun i a kapab pli lib lo zot *own*? Pou zot kapab devlope san lasistans endividi pou kontinyen siport zot.

MR SPEAKER

Mersi Onorab. Minis, repons.

MINISTER MARIE-CELINE ZIALOR

Mersi Mr Speaker. Mon ti ava ek ou permisyon demann *PS Roucou* pou reponn silvouple.

MR SPEAKER

Byen. *PS*, ou annan laparol.

PS CLIVE ROUCOU

Mersi Mr Speaker. Bonzour Mr Speaker. Bonzour tou Manm Onorab. Mersi Onorab pou ou kestasyon. Wi, Onorab Minister Lasante i reste enn nou *partner* kle ler i vin lo sa nivo lasante. E Swen Lasante Pou Tou, i reste

en keksoz pri mondyal pou Departman Lafanmir.

So, Departman Lafanmir i travay tre pros avek Minister Lasante pou sa 2 group dimoun spesifik. Par egzanp parey Minis in dir taler, en program ki nou ti komanse an term dyabet dan bann dimoun aze, kot nou ti pe ofer sa servi *pedicure*, pou asire ki nou ti pe vwar ki en kantite nou bann dimoun aze pe ganny boubou dan lipye. Pe perdi lipye.

Sa i en servis ki'n an kolaborasyon avek Departman Lafanmir e Minister Lasante. An term pou fer nou bann dimoun dezabilite vin en pe pli kapab depan lo zot menm, Sa i en keksoz ki pri mondyal pou nou departman. E Departman Lafanmir atraver VTC ki pou annan bann kestyon pe vin lo la apre.

Nou pe vwar ki bann *training* ki pou ofer akademik ou vokasyonnel, *life skills*, pou permet nou bann dimoun ki pe viv ek en dezabilite viv en lavi pli byen. E pli ki zot kapab kontribye. E sa i ava en benefis pou zot menm e en benefis pou Gouvernman. Mersi.

MR SPEAKER

Mersi *PS*. Onorab Labonte, ou ganny permet en klarifikasyon.

HON ANDY LABONTE

Mon a dir ou mersi Mr Speaker pou donn mwan sa privez. Zis ler zot in koz parey *PS* ler in koz *in terms of* bann prive. *What about* bann *private daycare*, eski i ankor annan sa lankourazman pou met bann *scheme* pou ankouraz bann dimoun pou antre dan *private day care* pou nou bann *elderly*?

MR SPEAKER

Mersi Onorab. Minis, nou a kontinyen avek *PS*? Mersi.

PS CLIVE ROUCOU

Mersi Mr Speaker. Mersi Onorab. Wi, Onorab sa i en plan nou departman sa ki nou pou apel li en ... In deza dan diskisyon, Departman Lafanmir avek *SIA*, kot nou pe idantifye en *building* ki deza North East Point, pou nou kapab ofer sa servis pou bann dimoun. Ki zot pou kapab met zot bann dimoun la, e pi vin i 4er ki zot kapab al travay. Wi, sa servis in deza dan plan pou nou fer. Mersi.

MR SPEAKER

Mersi. Kestyon Onorab Pillay?

HON SEBASTIEN PILLAY

Mersi Mr Speaker. Mr Speaker, mon ti a kontan demann en kestyon 2 kestyon lo sa size.

Premyerman an relasyon ek sa size pou bann dimoun aze. E sirtou sityasyon e kondisyon ki zot pe viv ladan.

Lefe ki nou'n war laz Sekirite Sosyal monte, pou vin 65an, eski ou Minister pe fer okenn travay pou ganny lenformasyon oubyen pwennvi bann dimoun aze, lo si sa Sekirite Sosyal ki zot pe gannye ozordi ki R5750 i reprezantativ kondisyon lavi ki zot ladan?

Si sa R5750 Sekirite Sosyal pa devret ogmante pou reflekte en pti pe pli byen kou pri lavi ozordi dan nou pei, ki aa fer ban dimoun aze viv avek en pti pe plis dinyite?

Dezyenm pwen Mr Speaker, mon ti a kontan met devan, an relasyon avek bann dimoun otreman kapab e ki bann paran ki pe cater pou zot. Sirtou bann paran ki *carer*.

Bokou paran pe eksprim konsern ek sa size konze, vizavi *carer*. Akoz zot dir si ou pran konze zot pou *still* kot zot lakour, zot pa pou kapab. Lefe ki; Eski nou Minister pe revwar sirkonstans sa desizyon oubyen sa Polisi pou fer ki bann dimoun ki pe *care* pou zot, i annan ki pe *care* pou bann dimoun aze.

En kantite paran pe *care* pou zot zanfan dezabilite. Eski

zot pe revwar sa pou rod en fason sipor pou sa bann paran an relasyon avek sa? E mon trwazyenm pwen Mr Speaker...

MR SPEAKER

Ale.

HON SEBASTIEN PILLAY

Mersi Mr Speaker. Mon pa konnen ki Onorab Henrie i gannye.

MR SPEAKER

Non, non, non Onorab. I en pe bokou...

HON SEBASTIEN PILLAY

Mr Speaker, *PS* Roucou in koz lo size dyabet. Eski ou'n servi bann groupman trwazyenm az dan bann distrik, pou vwar si i annan difikilte par egzanp an relasyon ek bann medikaman ki zot pe gannye, ki swa pou dyabet ou swa pou *hypertension*?

Akoz par egzanp Mr McGaw, i dir mwan *clonidine* i pa pe gannye. So, eski ou annan sa bann baz lenformasyon ki ou pe etabli. Mersi Mr Speaker.

MR SPEAKER

Mersi. Minis.

MINISTER MARIE-CELINE ZIALOR

Mersi Mr Speaker. Mon pou reponn sa dezyenm kestyon apre avek ou permisyon, apre demann *PS Roucou* i ava pran sa premye ek sa enn trwazyenm. Akoz *home care* i tonm anba en nouvo Lazans *Home Care* ki *CEO Kallee* ki pe ansarz.

E zisteman yer Mr Speaker nou fek annan en gran konversasyon *State House* avek Prezidan pou revwar bann diferan model pou moderniz *home care* avek zot *Board*, pou nou ganny en stratezi lo diferan model.

E sa ki Onorab Pillay pe koz lo la, sa definitivman i pou ganny pran an konsiderasyon lo sa bann model *carer*.

E sirtou mon mazine ki i annan en bout osi, ki i *respite* osi en dimoun ki *carer* avek en lot dimoun petet sirtou si i bezwen 24erdtan swen, i osi annan en landrwa kot i respire.

E sa osi i bann keksoz ki tonm en pe kot lafanmir sa bout. Me selman lo kote *carer*, avek bann model sa i pou tonm lo *home care* ki nou pe travay lo la Mr Speaker.

E avek ou permisyon, mon ava pas laparol avek *PS Roucou* pou reponn larestan. Mersi.

MR SPEAKER

PS, ou annan laparol.

PS CLIVE ROUCOU

Mersi Mr Speaker. Mersi Minis. Mersi Onorab pou ou kestyon. Onorab an term desizyon Gouvernman pou fer laz monte pou 65an. So, in en desizyon Gouvernman. I pa'n en prerogativ i pa'n en desizyon Departman Lafanmir.

E nou'n napa okenn diskisyon ki'n arive avek okenn groupman dimoun aze, pou vwar si 63an oubyen 65an i dan zot lavantaz oubyen non.

E pou an term ler ou'n fer referans avek dyabet. Sa i pa en desizyon Departman Lafanmir pou mwan dir ou si i pou monte oubyen non.

An sa ki konsern lasante dyabet, e ou'n fer referans avek bann medikaman ki bann dimoun aze pe pran pou dyabet avek pou tansyon. Ankor si i efektiv oubyen si i pa efektiv, sa i en keksoz Lasante pou vwar zot kalite latizann ki zot pe fer antre dan pei. Sa i en desizyon Lasante.

Me sa ki konsern Departman Lafanmir, nou, nou asire ki nou bann servis e nou bann servis prevansyon nou kontinyen met lanfaz lo la, pou vwar nou bann dimoun aze, pou nou fer sa diskisyon avek zot. Pou vwar *what is best* pou zot. Mersi Mr Speaker.

MR SPEAKER

Mersi. Nou'n arive 10er edmi. Me mon annan 3 Manm ki'n lev lanmen pou kestyon. Nou pou prosede avek sa 3. E nou a termin la. Onorab Samynadin.

HON KELLY SAMYNADIN

Mersi Mr Speaker. Bonzour Minis, *CEO* e *PS*. E tou dimoun a lekout. Minis, mon'n tann ou pe lans en lapel avek bann fanmir bann dimoun ki pe reste dan bann *homes*. Pou zot met en lizye en pti pe pli pros lo zot bann fanmir.

Me antretan nou annan sa group dimoun dan bann *homes* ki pe pas atraver serten petet en trauma emosyonnel, ki i annan pou fer avek la solitud. Anvi ki zot in ganny *somewhat* abandonnen, par zot bann manm fanmir.

Petet kwa ki pe ganny fer lo nivo Departman Lafanmir, pou kapab soulaz sa bann dimoun ki dan bann *homes* ki pe pas atraver sa bann *trauma* petet?

E dezyenman, nou annan nou bann *carers* byensir. Nou fek annan lansman nou *Home Care Agency*. Petet lo nivo lankadreman kwa ki pe ganny fer ant Minister Lafanmir, avek *Home Care Agency* pou kapab zwenn sa bann diferan bezwen

ki Onorab Labonte i mansyonnen dan son kestyon orizinal, bezwen mantal, emosyonnel, sosyal e spirityel.

Kwa ki pe ganny fer lo nivo lankadreman par pou bann *carers* pou zwenn sa bann diferan bezwen? Mersi.

MR SPEAKER

Mersi Onorab. Minis repons.

MINSITER MARIE-CELINE ZIALOR

Mersi Mr Speaker. Mon pou pran en bout dans a dezyenm kestyon, apre *PS* Roucou avek ou permisyon i ava reponn larestan. Mon pou reponn *home care*, aköz son *CEO* pa la.

Definitivman lyen ki pou ganny fer in deza komans fer. Aköz pou met sa *home care* ansanm, in en travay bokou Departman Lafanmir ek Departman Sosyal ansanm. E la prezan *home care* in fini ganny etabli, pou li prezan ganny son ki mannyer i pou kwa ki i bezwen pran avan.

E lantrenman avek bann dimoun definitivman. E lantrenman i pou bezwen *match* avek sa bann model ki sa bann deskripsyon sa bann diferan louvraz, ki nou ava vin avek byento pou pran konsiderasyon. Mersi Mr Speaker.

MR SPEAKER

Mersi. Onorab Labrosse, kestyon.

HON RICHARD LABROSSE

Mersi Mr Speaker.

MR SPEAKER

Kontinyen Onorab Labrosse.

HON RICHARD LABROSSE

Bonzour Mr speaker. Bonzour Minis ek ou delegasyon. Bonzour bann zenn anler dan Galeri. Tou dimoun ki a lekout.

Minis dan ou larepons ou'n fer resorti ki, ou Minister osi i ede ler nou pe koz lo bann dimoun otreman kapab. Ki ou Minister pe osi ede aktyelman avek sistenm pou zot ganny kart bis? I annan enn de *enquiries* dan mon distrik ek bann paran sirtou lo sa kote ki mannyer sa prosedir pe ale.

Annefe ki nou pe ganny en konpran, zot pe ganny demande pou zot refer en lot *medical test* pou zot retournen.

E sa i anmenn mwan lo en lot kestyon. I eski zot Minister an se moman zot pe fer okenn travay pou revwar lalis bann dimoun ki sipoze lo lalis annan dimoun otreman kapab? Mersi.

MR SPEAKER

Mersi. *PS Roucou* ou a pran laparol.

PS CLIVE ROUCOU

Mersi Mr Speaker. Mersi Onorab pou ou kestyon. Wi, Onorab an term ki nou pe apel sa *fast-track card*, i en legzersis ki pe ganny fer la pou le moman. *In fact*, nou pe fer li lo en baz rezyonnal. Ozordi menm la zot dan distrik Anse Etoile.

An term bann demann ki nou pe demann en *medical paper*. Problenm ki'n arive ki nou pa ti'n vwar me ki nou vwar pe arive la, se lalis ti ganny anvoye sorti kot *ASP*. So, i annan en pe bann dimoun ki pa ti pe aparet lo nou lalis.

Me selman sa in ganny rektifye, akoz nou Divizyon Dezabilite nou konn sa bann dimoun. So, ler zot pe vini nou pa pe fer zot trounen, nou pe ofer zot, zot kart. Akoz nou, nou deza konn zot, e zot dan nou sistenm.

Me *from* bann ki sorti kot *ASP*, ki zot pa ti pe aparet la kot ti annan en pti pe mal konprenezon. Me mon asir ou ki tousala in ganny rektifye. Mersi Onorab.

MR SPEAKER

Mersi. Onorab Henrie ou kestyon.

HON GERVAIS HENRIE

Mersi Mr Speaker. Bonzour tou dimoun. Mon annan 2 pti pwen. Premyerman Nasyon-z-Ini in deklar *from* 2021 ziska 2030 deseni pou ankouraz dimoun pou vyei an bonn sante.

E zot dir pou sa arive fodre i annan en kantite dimoun ki travay ansanm pou sa lorganizasyon medya, sekter prive pou ankouraz nou bann dimoun vyei an bonn sante.

Donk, mon anvi konnen dan sa nouvo restriktirasyon ki manner sa i pran kont. Akoz lasante i anmenn en kou enorm lo lekonomi pei. Sa i mon premye pwen.

Dezyenm pwen, baze lo en kestyon ki'n leve ozordi bokou dimoun aze zot pe ganny zot Sekirite Sosyal apre zot ganny Fon Pansyon.

I annan bann ki pa pe ganny sa *full* Fon Pansyon, zot ganny en kontribisyon R3000mil ki Gouvernman i peye atraver Fon Pansyon.

E menm ti annan sa lazisteman saler ki Gouvernman ti pe donn ziska R500 apre i redwir. So, i annan bokou dimoun aze ki pe ganny plis, mon repete plis ki dimoun ki lo *minimum wage* dan Sesel.

E se la kot lanfaz i merit vini, *minimum wage* akoz dimoun ki lo *minimum wage* i al

travay i annan zanfan, i pey bis. Ki konpare avek dimoun aze zot depans i diferan.

Donk, ki manner nou ankouraz bann dimoun aze pou ankouraz nou bann dimoun ki pli zenn, pou devlop en kiltir apresye sa ki nou annan. Travay plis pou lavenir e konsyan ki ler ou ariv en laz ou pou bezwen en pti mwenz.

Donk, travay en pey ou pansyon, olye zis demann anplis, demann anplis, demann anplis ki en politik en pe popilis. Mersi.

MR SPEAKER

Mersi Onorab. Minis, ou annan repons?

MINISTER MARIE-CELINE ZIALOR

Mersi Mr Speaker. Mon pou pran sa dernyen bout e apre bann kolaborasyon lo sa tenm Nasyon-z-Ini, mon ava les *PS Roucou* reponn.

Mr Speaker, definitivman sa ki Onorab Henrie pe dir, i egzaktaman dan sa loptik ki nou a pe fer sa bann diferan kolaborasyon avek plito nou pe fer diferan proze, avek program lo sa kote lo bann dimoun aze dan plas fer bann keksoz nasyonal.

E nou travay tre, tre pres la avek bann diferan

lorganizasyon ki ankadre sa bann dimoun aze, zisteman pou nou vwar pa zis zot bezwen zot osi tou. Me selman parey mon a donn ou avek biro *First Lady*, nou annan en program kot bann dimoun ki'n *retired* sirtou *nurse* ek *teachers*.

Kot zot osi form bann group voluntarya kot zot fer lo kote bann demann lafanmir. Zot fer bann diferan proze lo pou bann demann lafanmir. Petet kekfwa nou bezwen fer en pti pe plis vizibilite, e fer konnen.

Me selman parfwa i annan bann dimoun ki fer keksoz ki bon pou serten group dimoun i pa anvi. E aköz sirtou letan nou pe koz lo zanfan lo larestan travay sosyal ki pe ganny fer pou prevansyon. Zot pa tro, tro anvi, e nou pa anvi en pe sansib pou toultan anmenn lo medya toultan an vizibilite.

Me selman sa i bann travay ki nou'n komans vwar ganny enplimante. Nou'n komans vwar sa bann diferan lorganizasyon. Nou, nou bezwen prezan mezire ki lenpak sa i ava annan.

E mon kontan ki ou'n mansyonnen ki nou bezwen annan responsabilite pou nou bann dimoun. Zot osi vyei avek en dinyite, aköz i ou responsabilite osi tou pou fer li.

E mon mazine sa konversasyon pansyon, *minimum wage* i enn ki Gouvernman, atraver Minis Finans i pou anmennen i pou kontinyen anmennen pou revwar tousala.

E vwar dapre bezwen. Ou konnen nou bezwen regarde pou bezwen finansyel, aköz nou pe koz bezwen an zeneral.

Bann bezwen finansyel ki sorti dan sa fason tradisyonnell vwar li, kot tou dimoun i dir mwan mon *entitled* tel ler 65an. *Whether* mon en milyonner, mon en *businessman* milyonner, mwan osi mon bezwen ganny sa pansyon, konpare avek enn ki ti pou bezwen ganny en pti pe plis, kekfwa aköz son kondisyon.

Tousala i bann diskisyon ki nou bezwen pe komans fer.

E, nou, nou... mersi bokou pou anmenn sa konversasyon pou nou kapab koz lo la. Mr Speaker, mon ti a kontan pas laparol avek PS Roucou pou pran sa 2 lezot pwen. Mersi.

MR SPEAKER

PS Roucou, ou ava adrese silvouple.

PS CLIVE ROUCOU

Mersi Mr Speaker. Mersi Onorab pou ou kestyon.

Onorab an term sa nasyon-z Ini vyei an bonn sante, Departman Lafanmir i reste li angaze avek nou bann dimoun an deor ki mon pe dir ki pa pe reste dan nou bann *Elderly Homes*. E nou bann dimoun ki reste dan *Elderly Homes*.

So, avek Lasosyasyon Bann Dimoun Aze, nou travay tre pros avek zot. Nou pran kont lo nou bann dimoun aze an term zot eleman fizik e eleman mantal. Nou departman i annan sa bout servis psiko sosyal ki nou ofer nou bann dimoun aze.

E i enportan pou note, ki nou'n vwar an term nou bann statistik ki nou bann dimoun aze spesifikman dan nou bann *homes*, zot pe viv en pe pli lontan. Nou annan nou bann dimoun ki dan *home* la, ki'n ganny 15an, ki'n ganny 20an dan nou *home*.

E nou'n vwar amelyorasyon an term nou bann servis ki nou pe donner e kalite servis ki nou pe ofer. E taler Minis in met lanfaz lo nou bann *home carers* ki pou dan nou bann *homes*. Ki zot pe ganny sa bann *training* spesifik, e ankadre zot pou ofer bann servis spesyal ek teknik pou nou bann dimoun aze.

Prenan kont Polisi Gouvernman pou fer nou bann

dimoun aze vyei e viv byen. Mersi.

MR SPEAKER

Mersi PS, pou larepons. E Minis nou ava pran poz la. E nou apel li en poz lasante konmela. So, nou a pran nou poz lasante. E nou a rebran kekyon 11.10. Mersi.

(BREAK)

MR SPEAKER

Bon, nou ava pas lo kekyon limero 108 Onorab Andy Labonte.

HON ANDY LABONTE

Mersi Mr Speaker. Kestyon i lir koumsa;

Eski Minis ou kapab eksplik relasyon travay ant son Minister ek Lasosyasyon Dezabilite Sesel vi ki zot annan lobzektif komen?

MR SPEAKER

Mersi Onorab. Minis?

MINISTER MARIE-CELINE ZIALOR

Mersi Mr Speaker. Divizyon pou bann dimoun aze ek dezabilite, i travay pros avek tou bann lasosyasyon ki afilye avek bann dimoun ki pe viv avek en dezabilite.

E parmi sa bann lorganizasyon se zisteman Mr Speaker, Lasosyasyon pou bann dimoun ki pe viv avek dezabilite. E i osi annan lyen pros avek lezot lasosyasyon; par egzanp Lasosyasyon bann dimoun Aveg ek Sourd, Lasosyasyon Otizm ek lezot ankor.

Lasosyasyon Dezabilite i zis enn parmi bann ki nou travay avek. E Departman Lafanmir i konsider son relasyon travay koman enn ki bon; sirtou sa lannen kot nou a pe santi ki i annan plis kolaborasyon ki nou a pe kapab fer avek bann diferan lasosyasyon.

Byensir Mr Speaker, napa naryen ki perfe. E an mezir ki nou idantifye bann febles nou travay lo la. Mersi.

MR SPEAKER

Onorab Labonte. Ou siplemanter?

HON ANDY LABONTE

Mersi Minis. Mon krwar ou'n ase direk. Me selman zis en pti leklersisman, parey ou'n dir Lasosyasyon Dezabilite i zis enn sa bann lasosyasyon. E i annan lezot ankor, ki vedir ou pe konfirman ki bann lezot lasosyasyon enkli dezabilite zot travay ansanm dan lentere sa

bann dimoun ki pe viv avek dezabilite?

MR SPEAKER

Mersi Onorab. Minis?

MINISTER MARIE-CELINE ZIALOR

Wi, Mr Speaker mon ti ava petet avek ou permisyon demann PS Roucou pou donn en pti pe plis detay. Mersi.

MR SPEAKER

PS ou annan laparol.

PS CLIVE ROUCOU

Mersi Minis. Mersi Mr Speaker. Mersi Onorab. Wi Onorab Departman Lafanmir i travay avek tou sa bann lasosyasyon. E avan nou'n deza annan bann *meetings* kot nou'n zwenn zot tou ansanm *under* menm *roof*, pou nou diskite. E vwar ki mannyer Departman Lafanmir avek zot bann lasosyasyon spesifik nou kapab ofer bann program, bann proze.

E vwar zot demann pou nou ki Gouvernman ek Departman Lafanmir spesifikman i kapab asiste zot antyerman. So, nou travay an kolaborasyon, e nou travay tre pros avek zot. Mersi Mr Speaker.

MR SPEAKER

Mersi *PS*. Onorab Naddy Zialor.

HON NADDY ZIALOR

Mersi Mr Speaker. Bonzour Minis e *PS* e tou bann ki a lekout. Zisteman *PS* ou'n tous lo program. Dan lespri diversifikasyon, e pou vreman ganny langazman *involvement* tou lasosyasyon. Eski Minister dan le fitir i pe mazine petet annan en *sort of MOU*, ki kapab ant Minister avek sa bann lasosyasyon kot i ava annan en pli bon letalaz *partnership*.

E an menm tan devlopman bann diferan program, an vi ki souvandfwa i annan bann *NGOs* ki soule ganny serten lasistans *in terms of grant*, program i kapab petet travay an pli etrwat kolaborasyon avek zot Minister. Mersi Mr Speaker.

MR SPEAKER

Mersi Onorab. *PS* ou'n ganny envite pou adrese.

PS CLIVE ROUCOU

Mersi Mr Speaker. Mersi Onorab. Onorab, travay an kolaborasyon i reste en keksoz primordyal pou Departman Lafanmir. E Departman Lafanmir, nou toulta lanmen ouver pou nou atrap lanmen sa bann lasosyasyon an term bann program, bann proze.

E parey ou konnen i annan bann *grant* ki vini. E Departman Lafanmir dan nou kapasite, nou toulta pare. E nou vwar dan ki bann *angle* ki nou kapab antre e ed bann lasosyasyon.

Me sa travay an kolaborasyon avek nou bann lasosyasyon spesifik i toulta reste en keksoz primordyal an lespri *of* sa travay kolaborasyon. Mersi Mr Speaker.

MR SPEAKER

Mersi *PS*. Nou a pas lo prosen kestyon i limero 109. E mon apel Onorab Naddy Zialor pou son kestyon.

HON NADDY ZIALOR

Mersi Mr Speaker. Mersi Minis. E bonzour Minis avek ou *PS*. Kestyon 109 i lir koumsa;

Eski Minis i kapab enform Lasanble Nasyonal ki zistans son Minister in arive konsernan *profiling* bann dimoun ki pe viv avek en dezabilite? Mersi.

MR SPEAKER

Mersi Onorab. Minis ou repons?

MINISTER MARIE-CELINE ZIALOR

Mersi Mr Speaker. Mr Speaker, dernyen fwa ki nou ti vin

reponn sa kestyon lo sa proze *profiling*, nou ti donn lenformasyon lo bann travay bann kestyonner e bann lezot zouti ki zot metodoloji pou fer sa resers.

E nou ti an kontak avek Biro Statistik, pou nou ganny zot sipor pou zot bann zofisyede nou anmans sa bann lenformasyon tre spesifik. Me malerezman zot pa'n kapab enkli li dan zot resers nasyonal, ki zot in fini fer.

E alors nou pa ankor kapab arive anmas sa bann lenformasyon ki nou bezwen pou konplet sa legzersis. Me Mr Speaker, mon ti ava anvi enform Lasanble ki tou keksoz in pare an term pou al fer sa *profiling*. La nou bezwen zis finansman.

Nou'n apros Minister Finans pou ganny sipor. E zot pe eksplor tou bann posibilite pou vwar ki mannyer zot a kapab asiste nou. E koman nou ganny finansman Mr Speaker, nou komans anmas sa bann lenformasyon. Mersi.

MR SPEAKER

Onorab Zialor, ou siplemanter.

HON NADDY ZIALOR

Mersi Mr speaker. Zisteman anliny avek larepons ki Minis in donnen. E mon mazine

kestyon *previous* osi i kapab mars ansanm.

Eski ou Minister pe regar dan posibilite pou travay avek bann diferan groupman e mouvman pou fer sir ki pandan letan petet ki nou pe esper en finansman pou regarde ki bann posibilite ki annan pou komans materyaliz sa *profiling*.

E osi eksplor bann diferan Lorganizasyon Enternasyonal ki kapab asiste Sesel, pou annan sa proper *profiling*? Mersi.

MR SPEAKER

Mersi Onorab. Minis i pas laparol avek PS Roucou.

PS CLIVE ROUCOU

Mersi Mr Speaker. Mersi pou ou kestyon Onorab. Wi Onorab, mon vin dernyen pwen ou kestyon Departman Lafanmir in travay i ankor pe travay avek *Commonwealth* ki enn nou partner kle enternasyonalman, ki pe ed nou avek sa legzersis.

Me *the profiling* li menm nou'n fini planifye li ki *by next year*, i pou en keksoz ki lo nou plan aksyon pou fer li arive. E nou plan se pou travay avek bann lezot *partners* e menm bann lezot lekol pos segonder, ki pou ed nou avek anmas lenformasyon spesifik.

Parey Minis in dir sa bann lenformasyon i vreman spesifik. Alors nou pou bezwen fer sir ler nou pe ganny sa bann lenformasyon ki pou kapab ed nou atraver nou bann desizyon lo bann *Policies* ki nou bezwen met an plas. Mersi Mr Speaker.

MR SPEAKER

Mersi *PS*. Bon, nou a pas lo kestyon 110. Mon apel Onorab Naddy Zialor pou son kestyon.

HON NADDY ZIALOR

Mersi Mr Speaker. Mr Speaker kestyon 110 i lir koumsa; Eski Minis i kapab met Lasanble a-zour an se ki konsern Sant Vokasyonnel North East Point:

A. Ki zistans son Minister in arive avek renovasyon sa sant?

B. Ki plan son Minister i annan pou sa sant letan sa sant i re-ouver an se ki konsern laprantisaz pour sa group dimoun ki pour pe vin servi sa sant? Mersi Mr Speaker.

MR SPEAKER

Mersi Onorab. Minis?

MINISTER MARIE-CELINE ZIALOR

Mersi Mr Speaker. Mr Speaker, nou tre kontan pou anonse ki travay renovasyon lo Sant

Vokasyonnel North East Point in komanse le 11Avril 2023, apre sa kantite letan ki nou'n espere pou kapab bouze ek sa proze. E travay in mont ase vit, in fer ase vit.

E sa bann travay renovasyon Mr Speaker, i sipoze dapre kontrakter terminen an Out sa lannen. E nou'n fer vizit souvan pou vwar ki mannyer travay pe ale. Me apre dernyen vizit ki Departman Lafanmir in fer, zot in vwar ki i annan i annan ankor lezot travay adisyonnal ki merit ganny fer.

E diskisyon in ganny fer avek Sef Egzekitif Lazans Lenfrastruktir. E pou idantifye Bidze pou kouver sa bann travay adisyonnal. E sa i fer Mr Speaker ki i tre probab ki sa proze i pou al pti pe pli an deor, pou li fini fer menm an Out.

Lo konsernan laprantisaz Mr Speaker, pou sa group dimoun ki pou servi sa sant. Apre diskisyon avek Minister Ledikasyon ki dayer nou ti komanse depi lannen pase, avan ki travay renovasyon ti komanse.

Zot in tonm dakor ki tou sa ki konsern program, e sa ki nou dir *curriculum* skoler, pou vin anba responsabilite Minister Ledikasyon. E zot pe travay lo la pou ki zot pli byen

pase pou defini ki kalite program letid ki neser ki nou fer laba.

E Departman Lafanmir li i travay an etwat kolaborasyon avek zot, pou responsab pou mentenir sa lenfrastruktir. Mersi Mr Speaker.

MR SPEAKER

Ou siplemanter Onorab Zialor?

HON NADDY ZIALOR

Mersi Mr Speaker. Mersi Minis pou ou larepons. Mon mazine ki bann dimoun ki pe ekoute, i ava annan en pti pe plis lespwar. Zisteman Minis, ou ti annan en group bann dimoun ki ti travay avek dezabilite ki ti dan sa sant.

E ou'n nonmen ki se Minister Ledikasyon ki pou pe pran en *curriculum*, *curriculum* sa sant li menm. E zot, zot pou pe *manage* zis lenfrastruktir. Eski ouswa petet ki metafor ki pou annan an plas an sa ki konsern sa group dimoun ki ti la?

Eski zot pou re ganny entegre dan sant otomatikman? Oubyen i pou annan en serten prosedir ki pou pe ganny fer? E mon mazine sa bout *curriculum*, letan Minis Ledikasyon i ava vin dan nou Lasanble, mon ava annan en kestyon spesifik pou li. Mersi.

MR SPEAKER

Mersi Onorab. *PS* ou ava adrese silvouple.

PS CLIVE ROUCOU

Mersi Mr Speaker. Mersi Onorab. Onorab an term bann eskiz mwan. An term bann *ex*, mon dir bann *ex*-etidyan, wi i annan prosedir ki pou an plas.

Prenan kont ki pandan sa 2an la i annan en kantite sa bann etidyan ki ti kot *VTC*, ki'n ganny *involved* dan sa program *re-skilling* ki'n antre dan kek lanplwa kelkonk. Me Departman Lafanmir in fer sa *assessment* lo detrwa ki'n reste; apepre en 10zenn. Ki zot, zot po re ganny abzorbe kot Lekol *VTC* ler i pare.

Prenan kont ki zot pa'n ganny okenn *training within* sa 2an. E dan nou lot *assessment* ki nou'n vwar ki sorti kot Lekol Eksepsyonnell pou 2024, kekfwa nou pou annan apepre ankor en 15zenn ki pou antre.

Me sa travay kolaborasyon e sa diskisyon avek Departman Lafanmir e Minister Ledikasyon, i en keksoz ki vremen onnet, fran kot nou'n war demann. E demann in ganny *assessed* dapre lentere ki sa bann zanfan pou prezant avek.

Alors tou sa ki nou pe fer, Departman Lafanmir e Minister Ledikasyon prenan kont, ki dezabilite i tonm anba nou *portfolio*. Nou kontinyen annan sa kominikasyon, sa travay, sa sinerzi ant sa 2 Minister.

So, nou garanti parey ou'n dir mon garanti e mon dir ek bann paran ek bann zanfan, ki wi, 2024 zot pou antre dan en nouvo lekol, en nouvo program. E enn ki pou *build* zot pou demen. Mersi Mr Speaker.

MR SPEAKER

Mersi *PS*. Onorab Esparon ou kestyon.

HON REGINA ESPARON

Mersi Mr Speaker. Mr Speaker, mon ti a kontan demann Minis oubyen *PS*; an vi ki zot in dir aprezan *curriculum* li menm li ki *VTC* pou tonm anba Minister Ledikasyon.

Eski annan sa sinerzi parey ou'n eksplike? Pou dir i annan sa sinerzi pou lo kote *curriculum*.

Me mon kestyon i par lefe ki sa bann zanfan i annan en *entrance criteria* pou antre *VTC*, me selman dan lepase in napa en *exit criteria*. Eski zot ep travay lo la, pou ki sa bann etidyan ki antre laba i pa war zot vyei laba kot *VTC*?

Me i annan sa etrwat kolaborasyon ant Minister Lafanmir, Minister Ledikasyon e osi Minister Lanplwa, pou ki demen sa bann zanfan i kapab *build* en karyer pou zot kapab ganny en lanplwa. Mersi.

MR SPEAKER

Mersi *PS* ou ava adrese silvouple?

PS CLIVE ROUCOU

Mersi Mr Speaker. Mersi Onorab pou ou kestyon. Onorab ou konnen tou nou bann etidyan zot bezwen i pou ganny *assess e curriculum* i sa bout vokasyonnel pou travay tre pros *of* demann, *of* ki mannyer sa bann etidyan pou kapab aprann.

Sa i bann diskisyon ledikasyon avek nou lo sa bann bout vokasyonnel. Kwa ki zot pou anvi partisip ladan? Me selman i en keksoz konpreansiv ki nou pe fer. I pa en keksoz a la lezer, prenan kont ki nou anvi *build* sa bann etidyan sa bann dimoun pou zot benefis ki zot kapab kontribye dan lasosyete.

E en kontribisyon pou zot menm. E *curriculum* ledikasyon i pou baze lo sa striktir lekol avek sa bout vokasyonnel *parallel*.

So, tou keksoz pe met an plas pou sa benefis sa bann zanfan. Prenan kont ki nou bezwen zot pou sorti kot VTC, pa ki zot pou reste la pou leternite.

So, *the training* ki nou pou pe ofer pou *build* zot kapasite, pou *build* sa ki nou dir sa zot bann aktivite *of daily living* ki zot pou kapab pe fer. So, i pou parey en lekòl pos-segonder ki zot pou antre. *The training is done and then* i pou annan en *exit*. Mersi Onorab.

MR SPEAKER

Mersi PS. Bon sa i konklir nou peryod kestyon pou bomaten. Mon remersye Minis pou son partisipasyon. E son bann zofisye egalman. Mon pa'n rapel pou remersye CEO avan son depar. Me zot a pas li nou apresyasyon. Mersi bann Manm pou zot kestyon. Nou aret la e nou a rebran 2er apremidi.

(BREAK)

MR SPEAKER

Bonn apre midi tou dimoun, Manm Lasanble e nou zofisye, e nou piblik. Madanm raporter, nou ava apel Minis pour kestyon.

MR SPEAKER

Bonn apre midi e byenveni Minis pour Zafer Entern - Mr Errol Fonseka. E egalman avek li Mr Alain Volcere - *Principal Secretary* pour *Immigration* ek *Civil Status*. E Mrs Erica Dufresne - *Chief Immigration Officer*.

Minis, e Manm, nou a konmans avek *Private Notice Question*, e apre nou a swiv par lezot kestyon an ekrir par bann Manm. E osi nou annan en *Question Without Notice* – non. *Well*, nou annan en *Question Without Notice*.

Onorab *Leader* Lopozisyon, mon ava apel ou pour ou *Private Notice Question*.

HON SEBASTIEN PILLAY

Mersi Mr Speaker. Bonn apre midi Mr Speaker. Bonn apre midi Minis ek ou delegasyon e bonn apre midi tou koleg Onorab. E byensir bonn apre midi tou dimoun ki a lekout.

Mr Speaker, mon kestyon i lir koumsa;

Eski Minis i kapab dir sa Lasanble akòz se *Travizory* ki'n premye antite pou met a latansyon piblik, ki dimoun avek paspor Nizeryen napa drwa antre Sesel.

E pou ki rezon in pran Gouvernman plis ki kat zour pou donn en leksplikasyon ofisyel? Akòz sa pa ti ganny

diskite lo nivo diplomasi ant le de Gouvernman? Mersi Mr Speaker.

MR SPEAKER

Mersi Onorab. Minis, ou repons silvouple?

MINISTER ERROL FONSEKA

Bonn apre midi Mr Speaker, *Leader Business* Gouvernman, *Leader* Lopozisyon, tou Manm Lasanble e tou manm piblik i a lekout.

E zis avan mon konmans mon larepons, Mr Speaker mon oule remerisi ou ek byensir *Leader Government Business* ek *Leader* Lopozisyon pou ki zot in ase zantiyes bomaten pou *move* sa *PNQ* apre midi.

Lefe ki mon ti annan en vizit kot prizon, ki ti'n ganny planifye en bon pe letan lo *Nelson Mandela Day*. En program enportan. E mon remerisi zot ki zot in konpran sa sityasyon. Mersi pour sa.

Mr Speaker, – e mersi Onorab pour ou kestyon. Mr Speaker, premyerman mon oule fer resorti ki sa ki Onorab pe dir dan sa kestyon i pa korek. Zanmen sa Gouvernman in donn lenstriksyon en lazans prive pou fer en tel lanons avek manm piblik.

Se Vis Prezidan ki ti fer premye deklarasyon lo sa size

apre *meeting Conseil des Ministres* semenn pase.

Mr Speaker, mon osi oule fer resorti ki sa ki Onorab i dir dan dezyenm parti kestyon, i osi fo. Diskisyon ant Minister responsab pour Zafer Etranze e son ekivalan aletranze, i en demars kontinyel lo plizyer size.

Mr Speaker, zis pandan sa dernyen de semenn, nou'n eksperyans en latak ardyese kont nou pei dan en fason. E nou, nou pa pou toler bann tel lodasite ozordi.

Dan sa bann tel sityasyon, sa ki'n ganny demande se aksyon vit, aksyon ferm, aksyon kler, e *decisive*. E sa ki nou'n fer.

Servis Imigrasyon i annan en manda pou pran desizyon irzan dan lentere nasyonal pou protez frontyer larepiblik. E se sa ki nou'n fer konman en Gouvernman responsab.

Ozordi nou annan en total 29 prizonnyen etranze ki'n kondannen pour lofans trafik drog. Ladan 5 nasyonalite Nizeryen. 33 etranze i an rimann pour lofans trafik drog. Ladan 13 i annan nasyonalite Nizeryen. Pa ti zanmen annan okenn lord ki anpes Nizeryen antre dan nou pei.

Lo ki baz nou kapab anpes nenport ki Nizeryen ki annan en permi legal pou antre dan pei?

Eski zot vreman krwar nou kapab refiz bann ka *emergency*? Bann ki form par bann delegasyon ofisyel? Bann ki annan *GOP*? Bann pasaze ki lo *transit* - ensidswit?

Larepons se non. Larepons se non. Nou lenstriksyon par kont ti pou ogmant sirveyans lo nou lafrontyer kont tou menas krim organize. E gard en lizye pli for – pli for lo bann aplikasyon sorti Nizerya, baze lo tandans ki nou pe war pe arive lo nou bann larantre viziter.

Mr Speaker, nou bann lenstriksyon ver nou bann zofisyé *border control* lo nou *Seychelles Electronic Border System – SEBS*, i reste touzour entern pour rezon sekirite.

Mr Speaker, ek sa gran konba ki pei pe fer fas avek, espesyalman sa fleo krim organize - la i en moman kot nou devret pe koste zepol e mars annavan ansanm.

I responsabilite nou tou pou efas sa move zimaz ki sa drog in anmenn lo nou pei. Mon krwar – mon war li koumsa Mr Speaker. Nou kapab annan nou diferans politik oubyen pwennvi lo plizyer size.

Me sa ki nou bezwen fer a tou pri se kan moman in arive, pou nou koste ansanm pou lager kont drog, kriminalite e

vol, ki afekte nou lendistri prensipal dan sa pei, nou bezwen montre linite konman en pei.

Ozordi, mon ganny lenpresyon ki olye montre avek lemonn ki nou pa pou toler kriminalite, Onorab i plito vwar sa koman en loportinite, pou fer politik - ki esey fer serten dimoun krwar ki Gouvernman pe azir an move fwa.

Sa Mr Speaker, i pa en semen ki nou devret pe ale. Alors mon demann tou Manm pou ankouraz tou bann *Lazans Law Enforcement* pou kontinyen fer sa bon travay, pou anpes kriminel, nenport ki pei zot sorti – pou rantre dan nou pei.

Annou ranforsi nou lafrontyer. Annou pronons nou lekor kler – nou tou. E anvoy en sel mesaz avek tou kriminel; Pa anmenn zot biznes sal dan nou pei. Mersi Mr Speaker.

(APPLAUSE)

MR SPEAKER

Mersi Minis. Nou a konmans avek kestyon siplemanter bann Manm parey labitid. Onorab Lemiel?

ONORAB SYLVANNE LEMIEL

Mersi Mr Speaker. Bonn apre midi Mr Speaker. Bonn apre

midi Minis avek ou delegasyon, e tou dimoun ki pe ekout nou.

Mr Speaker, permet mwan atraver ou, pou mon dir avek Minis; mwan Sylvanne Lemiel, mon enn parmi sa bann Manm dan Lasanble ki pou dir ou ozordi mon pronons mon lekor pou dir, “non a drog!” E annou kontinyen anmenn sa lalit asarnen kont drog.

(APPLAUSE)

HON SYLVANNE LEMIEL

Me selman Mr Speaker. Mr Speaker, an repondan kekyon LOTO ki Minis in vin reponn, mon annan en dokiman dan mon lanmen. Ozordi, permet mwan Mr Speaker pou mwan pas lo la avan mon vin lo mon kekyon.

Akoz Minis in dir ki sa parti kekyon ki LOTO in anmennen, i pa vre. Sa dokiman ki dan mon lanmen i ti ganny fer sorti le 3 Zilyet, 2023.

I lir;” *Team Alert. We have a directive from the State House. With immediate effect, please deny TAS to all Nigerian nationality – to all Nigerian nationals applying as visitors, regardless of age, gender or country of residence.*

The only exception is for Nigerians in possession of a valid GOP. The exception applies

only to the GOP permit holder, not to any travelling companions or family members who may be approved only if they have their own GOP.

For your information, over 30 Nigerian drug runners have been taken into custody in the past two months. Give me a shout if you have any question. To be sure to be alert the next shift. Thanks”. Sa i sa dokiman.

MR SPEAKER

En moman Onorab Lemiel. Mon pa tro konnen ki mannyer nou pou pran sa dokiman ki ou'n lir. E mon pe reflexir sirtou lo sa lenstriksyon lo *Standing Orders*, ki nou pa baz kekyon lo rapor dan medya oubyen - So, mon pa konnen ki soz.

Selman mon a demann ou pou tenir sa an kont. Mon pa anvi – mon pa anvi ferm laport kekyon. E mon pa anvi ki kekyon pa ganny reponn. Selman mon pe dir ou tenir an kont, nesosite ki rapor dan medya i kapab ganny enterprete diferan mannyer. Me selman si ou poz ou kekyon, Minis i a kapab adrese.

HON SYLVANNE LEMIEL

Mr Speaker, mersi. Ki pe fer mwan lir sa, se ki sa en *alert* ki ti sorti kot *Travizory*. Ok. Sa letan la le 3 Zilyet i ti ankor

Travizory, i pa ti ankor sanz son non.

So se sa ki mon'n dir, akoz Minis in fer nou konpran poudir i pa vre sa bout lenformasyon.

(APPLAUSE)

HON SYLVANNE LEMIEL

So, mon'n lir sa angiz pou fer war poudir ti annan serten keksoz ki ti'n ganny fer sorti. Akoz i bezwen annan en aksyon pou annan en reaksyon lo la.

So, Mr Speaker, mon kestyon i direk. Letan nou pe regard tou sa lansanm mannyer keksoz pe pase la, an sa ki konsern sa zafer *Nigérien*. Nou konnen ki Minis Derjacques ti siny en Lakor avek son omolog Nigérien, pou fer ki pou annan bann *flight* direk ant Sesel avek *Nigeria*.

Mon pe regarde dan lansanm la, ki fason *or* ki lenpak ki sa desizyon la ki Gouvernman pe pran, petet pou kapab annan ant Sesel avek *Nigeria* baze lo sa bann lensidan pour le moman ki pe pase? Mersi Mr Speaker.

MR SPEAKER

Mersi Onorab. Minis?

MINISTER ERROL FONSEKA

Mersi Mr Speaker. Mr Speaker, sa Gouvernman pa fer – donn

okenn direktiv lo pti bout papye ki dimoun a pran lo *social* medya ou okenn keksoz.

(APPLAUSE)

MINISTER ERROL FONSEKA

Sa i pa nou fason travay. E dan Imigrasyon nou travay lo nou bann *Law Enforcement Agencies* ki nou donn nou bann lenstriksyon.

E parey mon'n dir pli boner, sa bann lenstriksyon ki nou donn nou bann *Law Enforcement Agencies* i bann keksoz konfidansyel. Alor Mr Speaker, mon krwar Onorab avek tou respe, ou pou bezwen al rod sa kot in sorti. I pa pe sorti kot Gouvernman.

Mr Speaker, mon le fer resorti *SEBS* in anmars depi menm avan Septanm lannen pase, i pe marse. E sa platform *GOVTAS* in egziste en bon pe letan lo nou servis Imigrasyon pou nou, *obviously* donn sa servis pou dimoun *apply* pou *process*, pou vin dan pei.

Mon krwar mon'n reponn tou lede ou kestyon Onorab. E mon remerci ou osi pou ou siport, sa ki ou'n mansyonnen lo sa lalit ki nou fer kont drog. E mon siport sa ki nou tou nou pe travay ansanm lo sa rezon. Mersi Onorab.

MR SPEAKER

Wi, Onorab Lemiel, mon pou permit ou klarifikasyon lo ou premye kestyon.

HON SYLVANNE LEMIEL

Mr Speaker, mersi. Sa dokiman i ti en *WhatsApp message* sorti kot Mr Tom Marten, *ok?* E mon krwar i en zofisye tre o kot sa letan la *Travizory*, se li ki ti fer sorti sa lenformasyon pou al kot tou son *staff*, pou donn zot sa *alert*. I pa en nenport ki pti bout papye Mr Speaker!

E an menm tan mon pou dir Minis mon pa santi mon kestyon in ganny reponn, an sa ki konsern lenpak lo sa lakor ki'n ganny sinyen ant sa de Gouvernman.

Ant Gouvernman *Nigeria* avek Sesel, an sa ki konsern sa *issue* permit avyon vin dan pei kanmarad. Mon santi sa pti bout pa'n ganny reponn. Mersi Mr Speaker.

MR SPEAKER

Tre byen. Minis, ou ava adres son kestyon please?

MINISTER ERROL FONSEKA

Mersi Mr Speaker. Okenn kestyon ki Onorab i annan kot in ganny sa dokiman, sa i ava kapab apros sa dimoun. Me an menm tan ki mon ti a dir ou, demann sa dimoun oli okenn

direktiv Gouvernman ki'n vin kot li?

Nou dezyenm keksoz i lo sa

accord – i la. Sa *accord* i touzour la. Me selman nou bann kontrol Imigrasyon, kontrol sekirite lo okenn mouvman dimoun dan pei i en keksoz ki kontinyen ale. E nou bezwen *heighten* li ler nou bezwen *heighten*, e aranz li dapre menas ki pei pe sorti ladan. Mersi Mr Speaker.

MR SPEAKER

Mersi Minis. Onorab Cosgrow, ou kestyon?

HON WALLACE COSGROW

Mersi Mr Speaker. Mr Speaker, mon pe war en *pattern* avek Gouvernman kot zot fer serten desizyon, apre detrwa semenn - mwan pli tar zot *reverse* desizyon. Apre konmans dir ou kestyon pa laverite, apre nou montre zot laverite.

An relasyon avek sa kestyon ki Onorab Lemiel in demande Mr Speaker; eski Minis i kapab dir nou ki aksyon ozordi zot pou pran avek *Travizory*, ou sa dimoun ki reprezant *Travizory* ki'n fer sorti sa mesaz?

E si zot pe dir pa vre, ki aksyon konman Minis Imigrasyon ozordi - ou, ou pou

al pran pou kapab rektifye sa sityasyon?

Mon dezyenm kestyon Minis; zot in dir ki poudir i annan plis ki 30 – apepre 30 Nizeryen. E dayer ou'n donn detrwa sif lo bann ki dan rimann avek bann ki kondannen. Plis ki 30 in ganny tyonbo avek drog.

Eski Minis i kapab dir nou kote sa bann dimoun i ete? Ki'n arive avek sa bann dimoun? Akoz Lakour Siprenm napa rikord sa bann dimoun? Ki zot in fer avek sa bann dimoun?

E in osi annan Mr Speaker, alegasyon konmkwa 62 Nizeryen in swadizan vol en lotel. E ozordi nou pe koz lo *cashless*. Mon pe prezimen, si in vol lotel, i pa'n kapab antre pou vol sez, latab. In bezwen annan en *issue* larzan.

So, eski Minis i kapab dir nou; ki'n arive dan sa ka, e lekel sa lotel ouswa sa bann lotel an partikilye ki'n ganny sa lensidan arive? Akoz Minis in dir nou en latak lo nou pei, ler in konmans reponn kestyon.

So, Minis donn nou sa bann lenformasyon. E nou swete ki ou donn nou, ou pa dir nou ou a fer nou gannyen apre, ki apre nou pa ganny lenformasyon avek Gouvernman. Mersi bokou Mr Speaker.

MR SPEAKER

Mersi. Minis, mon krwar i annan 3 pwen dan son kestyon.

MINISTER ERROL FONSEKA

Mersi Mr Speaker. Premyerman Mr Speaker, ankor en fwa Onorab pe met en sityasyon ki mon pa konn naryen lo la mwan. Me ki en antite prive in fer en deklarasyon. Me i pa'n fer okenn deklarasyon ek nou sa.

Nou, nou pa'n donn li okenn lenstriksyon pou fer en tel deklarasyon. Alor, si sa i leka – si sa i leka, fodre li i a vin la devan nou, i a dir nou ki nou'n donn li. Akoz nou pa'n donn li okenn deklarasyon.

Me, lo ou dezyenm kestyon, Mr Speaker - lo ki kantite dimoun. Mon'n fek mansyonnen taler, bann prizonyen. En bann i kondannen, en bann i lo rimann dan sa bann ka.

E lo sa lensidan ki ti ganny raporte par en lotel – mon pa pou mansyonn okenn lotel. Be i ti annan en tel lotel ti mansyonnen ki ti annan sitan Nizeryen ki'n vin la, apre zot in kapab sov pei san pey zot bann *bill*.

E sa ti ariv en pe letan pase. E zot in kit pei, *disappear* koumsa. E sa lensidan nou ti ganny konnen apre ki sa lotel ti

dir nou, apre. Mersi Mr Speaker.

MR SPEAKER

Onorab, wi? Si ou pou klarifikasyon, sey reste lo ou kestyon. Sirtou si ou'n santi ki en parti pa'n ganny reponn, pou nou kapab permit lezot dimoun. Ale, Onorab Cosgrow?

HON WALLACE COSGROW

Yes, Mr Speaker, Minis in dir nou poudir i annan 5 sa bann Nizeryen ki'n ganny kondannen. Dan sa ki nou'n dir li, i dir i annan apepre 30 sa bann Nizeryen ki'n fer ganny tyonbo avek lofans drog.

Minis statistik pa azoute. Ou bezwen kler avek nou. E ou bezwen dir nou ki ou konman Minis Imigrasyon e osi Minis Lafors Lord ek Lape dan Sesel, ki ou pe fer pou *sort out* sa bann...? Akoz ou pa ankor dir mwan ki ou pe fer pou *sort out* sa sityasyon.

Si oule dokiman, nou pou donn ou nou. Me selman nou ekspekte ou dir nou ki mezir ou pe al pran pou protez pep Seselwa kont sa bann zafer!

Ou bezwen dir nou Minis. Sa ki ou bezwen dir nou. Ou pa ankor kapab dir mwan. Mersi.

MR SPEAKER

Bon, sa i en nouvo kestyon Onorab.

MINISTER ERROL FONSEKA

Mr Speaker, mezir nou pe pran. Se zot ki pe lalit pou anpes nou pran nou mezir ki nou pe pran!

(APPLAUSE)

MINISTER ERROL FONSEKA

Mezir nou pe pran. Nou pe arete.

MR SPEAKER

Order!

MINISTER ERROL FONSEKA

E pou koriz ou...

MR SPEAKER

Silvouple!

MINISTER ERROL FONSEKA

E pou koriz ou Onorab, mon dir ou i annan 33 etranze lo rimann. Mon pa'n dir ou 33 Nizeryen. Mon dir ou ladan i annan 13 – 13 ki annan nasyonalitye Nizeryen, *ok?*

So, sa i le sif ki mon'n donn ou akoz i ekrir la devan mwan. *Ok. Pardon?*

HON WALLACE COSGROW

Sa bann lot osi nou pou *ban* zot pou anpes zot antre Sesel? Ki mezir ou pe pran ek sa bann lezot dimoun? Mersi.

MINISTER ERROL FONSEKA

Mezir i annan Lalwa ki pe arive!

(Interruption)

MR SPEAKER

Silvouple! Silvouple. Manm ou koze ler Speaker i donn ou laparol. Minis, silvouple pa angaz direktman avek Manm, ziskan ler zot in met en kestyon annord parey...

MINISTER ERROL FONSEKA

Wi, Mr Speaker, zis pou re anforsi – mon'n mansyonn sa 33 ki vedir i 33 etranze ki lo rimann. E ladan i annan 13 ki i annan nasyonalitye Nizeryen. Mersi Mr Speaker.

MR SPEAKER

Mersi. Onorab Gabriel, ou kestyon?

HON CONRAD GABRIEL

Mersi Mr Speaker. Bonn apre midi tou dimoun a lekout, spesyalman zabitan Pointe Larue.

Minis, si ti annan en tel desizyon pou pran – zis mon repete - si ti annan en tel desizyon pou pran, akoz Leta Sesel, pa ti angaz li direk avek Leta Nizeryen, dan plas fer tou sa bann vatevyen?

Mon a zis note Mr Speaker, atraver ou ki, sa i tipikman LDS. Zot vin fer dezord apre zot vin sey aranze, konmsi napa naryen ki'n arive. Mersi.

(Interruption)

MR SPEAKER

Order! Bann Manm silvouple, gard zot kestyon annord. Onorab Gabriel, sa dernyen bout pa ti neser. Ou'n demann ou kestyon, les Minis reponn.

MINISTER ERROL FONSEKA

Mr Speaker, mersi pour sa. Mon krwar diferans ki zot pe soufer laba, i ler nou annan en desizyon pou pran, nou pa tola, tola isi – tola, tola laba. E ler nou war en menas pe arive dan sa pei, nou pou pran desizyon toudswit!

(APPLAUSE)

MINISTER ERROL FONSEKA

E nou pa pou sorti pou vin isi pou demann isi, demann laba, akoz nou annan sa manda pou nou protez nou pei. E nou pou kontinyen fer sa!

E nou pa bezwen a se moman al eksplik tou keksoz akoz nou pe travay dapre Lalwa nou pei. E *border control* en

keksoz – si zot pa ankor realize - si zot pa ankor realize sa sityasyon ki pe arive dan nou pei, e pou rezon osi ki sa bann ki koupab e sa ki pa'n fer naryen pou sey kontrol sa sityasyon.

E ozordi bann manman, bann fanmir pe soufer ek sa zafer drog. E rezon sa i koumsa, akoz zot lo zot kote zot pa'n fer naryen ler zot ti kapab fer li kontrole! Mersi Mr Speaker.

(APPLAUSE)

MR SPEAKER

Onorab Aglae, ou kestyon?

HON EGBERT AGLAE

Mersi Mr Speaker. Bonn apre midi Minis. Minis, ennlér mon krwar ou en pti pe egzazere letan ou'n dir latak ardyese. Mon pa konnen si ou le rekalière sa fraz ki ou'n fer, Minis?

Mon kestyon Minis; ou'n dir poudir ou pa okouran si Gouvernman ti annan en desizyon ki ti pran pou dir *Travizory* met sa alert. Petet Minis pa ou ki pran sa desizyon, si ou pa okouran.

So, baze lo sa Minis; eski ou kapab dir nou si premyerman; *Travizory* – son non fek sanze la li dernyerman la, koman sa zouti *border*

control, ki dirize par en lakonpanyen enternasyonal prive.

Eski okenn dimoun dan Gouvernman, ki swa Minis, ouswa Prezidan – pa'n zanmen fer sorti okenn direktiv pou kapab inisyé en alert parey?

Si non, eski *Travizory* i mandate pou pran desizyon lo li menm, lo lapar Seselwa e lakonpanyen prive, pou kapab *disseminate* sa alert? Sa i enn.

Dezyenmman Minis, mon ti a kontan petet demann ou; An vi ki osi i annan bann Nizeryen ki pe travay isi Sesel. E ou'n fer kler dan zot kominikasyon ki si ou annan en *valid GOP* ou kapab antre, fini ou *GOP*.

So, lo sa Minis, ki pou arive letan tou sa bann *GOP* i fini? Eski tou *Nigerian* pou ganny dir; be ou bezwen kit pei pou ale? E ki arive avek bann ki'n marye ek en Seselwa isi Sesel? Mersi.

MR SPEAKER

Mersi. Onorab, mon krwar serten pwen la, Minis in deza adrese. Me mon a les li fraz son repons.

MINISTER ERROL FONSEKA

Mersi Mr Speaker. Les mon fer li kler ankor. Ti napa okenn lenstriksyon sorti kot

Gouvernman pou aret tou Nizeryen parey zot pe sey dir.

Nou lenstriksyon ki mon fek dir ou pli boner, ti pou ogmant sirveyans lo nou lafrontyer kont menas krim organize. E gard en lizye pli o lo bann aplikasyon sorti Nizerya baze lo sa tandans ki nou pe war resaman. Setou. Setou.

Okenn lezot lenstriksyon ki zot, zot annan, sa i pou zot al rod rasin kot sa in sorti. E i pa sorti isi kot Gouvernman.

Mr Speaker, mon pa konnen si mon kapab fer sa pli kler. Parey mon'n dir, nou lenstriksyon i byen kler. E si okenn Onorab i annan okenn sours ki sa lenstriksyon i diferan, sa i pou zot al rod sa. Mersi Mr Speaker.

MR SPEAKER

Mersi Minis. Onorab Woodcock, ou kestyon?

HON WAVEL WOODCOCK

Minis, mon personnelman demann ou en leskiz de la pa par nou Lasanble Nasyonal. Minis eski ou pou dakor avek mwan ki sak fwa ki Gouvernman i pe anmenn en lalit - en lalit asarnen kot drog i annan bann kestyon ki vin devan sa Lasanble, swa kot ki konsern kot pour deport en trafikant etranze, swa kot i

konsern pour fer en *raid* dan bann *hot spot*, dan bann landrwa kot i annan bann gran *volume* trafik drog, swa ler nou pe met kontrol lo *border* pour anpes drog rantre dan nou pei?

Mr Speaker, Minis mon kestyon,

Ou'n dir poudir i annan 30 etranze, ki dan prizon aktyel ki annan pour fer avek bann tranzaksyon drog, ou konnen i annan plizyer pei, i annan bann ki'n met serten kondisyon pour serten nasyonalite antre dan zot pei.

Sirtou bann nasyonalite ki zot *involve* avek bann tranzaksyon swa bann tranzaksyon finansyel, ouswa bann tranzaksyon parey mon'n dir trafik drog.

Eski going *forward* nou Gouvernman i kapab konsidere, si nou osi nou kapab vin ek en sistenm, sirtou ler nou fer nou fer nou bann analiz nou bann statistik, sa bann nasyonalite ki devret vin dan nou pei, si ou kapab osi klarifye lo bann statistik ki ou annan aktyel la; lekel sa bann nasyonalite dan sa bann dernyen mwan ki depi komansman lannen ki vwar volim - nivo kriminalite pe ogmante sirtou kot i konsern bann tranzaksyon finansyel, kot i konsern drog?

E eski parey bann pei parey Lanmerik ouswa Langleter, nou kapab osi konsider pour sa bann dimoun olye ganny - dan sa bann pei, olye ganny *visa upon arrival*, nou kapab konsidere pour zot *apply visa*, parey dan lezot pei pe fer?

Akoz Seselwa nou i annan pei ki ler nou *travel* nou *apply visa* pour nou antre dan sa bann pei. Si nou vwar poudir i annan serten nasyonalite pe vin Sesel ki ozordi pe *involve* avek bokou sa bann aksyon ilegal, eski nou Gouvernman pa kapab konsidere pour demann sa bann nasyonalite pour *apply* en *visa* pour vin Sesel, pour protez nou lafrontyer?

Akoz nou pa kapab les sa bann etranze kontinyen antre dan nou pei avek drog avek sa bann - se zans pour touy nou zanfan e *US* tou kou zot ki pe anmenn kestyon dan Lasanble Nasyonal pour defann eskobar, defann sa bann trafikant!

MR SPEAKER

Onorab!

HON WAVEL WOODCOCK

Sak fwa nou anmenn en lalit kont drog, zot ki anmenn kestyon pour defann sa bann aktivite...

MR SPEAKER

Onorab! *Hold on- Hold on.*

HON WAVEL WOODCOCK

...kriminel dan nou pei Mr Speaker.

MR SPEAKER

Onorab! *Hold on.*

HON WAVEL WOODCOCK

Mersi.

MR SPEAKER

Hold on. Mon bezwen fer kler, mon bezwen fer kler ki Manm pa devret akiz bann Manm ki dan sa Lasanble. Sa i kler? Minis i annan en kestyon ki'n demande, lo viza pour serten pei si ou adrese silvouple.

MINISTER ERROL FONSEKA

Mersi Mr Speaker. Onorab mersi pour ou kestyon. Mon kontan ou pasyon ki nou bezwen travay kont sa sityasyon drog dan pei. E i vre! *Ok*, ozordi parey mon ti a pe dir Onorab lo lot kote latab, zanmen nou'n donn en lenstriksyon pour aret tou Nizeryen antre dan pei, me selman nou ti pour ogmant nou sirveyans e gete mannyer sityasyon i arive.

Nou annan drwa ogmant sa plis osi, si nou vwar nou bezwen fer sa e zis pour donn

zot en lenformasyon, sa lannen - ou kestasyon ti demann sa, sa lannen ziske Zanvye ziske Zilyet, nou'n *P.I*, 55 Nizeryen, sa i larealite. Rezon plizyer rezon, me laplipar lo bann sityasyon ki pa annord, ki pa ti pour bon, pour nou pei, sa i sityasyon ozordi ki la devan nou.

E sanmenm sa zot pe vwar sa Gouvernman pe pran aksyon, e mon pa kontan, mon pa konnen si en bann i siporte, si en bann pa siporte. Me parfwa i donn mwan en dout!

Sanmenm mon ti kontan ki Onorab Lemiel i dir i donn tou son sipor lo la, me selman mon pa pe santi sa pe vin partou kote. Mersi Mr Speaker.

MR SPEAKER

Mersi Minis. Mon annan de Manm ki reste pour siplemanter. Zot ti'n lev lanmen? Non, non mon pe get partou mwan. *Ok*, mon a met zot me selman mon pour aret siplemanter 10minit avan 3er, pour mwan pas lo *Leader* Lopozisyon. Onorab Loze ou kestasyon.

HON JOHAN LOZE

Mersi Mr Speaker. Mr Speaker, mon santi petet ki sa deba in ganny kale zis lo son laspe drog e *law enforcement*. Me i annan en dimansyon ki Onorab Aglae

in sey entrodwir e ki'n ganny ignore,

Onorab Aglae in poz en kestasyon lo bann, *Nigerian* - bann resortisan Nizeryen, ki'n marye avek Seselwa, ki'n fond zot fanmir isi Sesel e ki posibleman zot, zot pa *involve* dan drog.

Prezan kestasyon eski tou *GOP* bann resortisan *Nigerien* Sesel pe ganny *revoked*? Mr Speaker nou ler nou koze, nou annan let dan nou lanmen, e sa ki nou nou'n ganny fer konpran par serten lakonpanyen se ki zot ganny zot *GOP* 2an, me sa ki zot fer normalman zot pey pour 1an, apre zot ale zot pey pour sa lot lannen aköz vi kestasyon *cashflow*.

Be la ki'n arive zot pe ganny en let,

“ I wish to inform you that the Gainful Occupation Permit of the above listed employees is currently holding will expire on”, i donn dat e sa bann dimoun ki'n ganny peye pour 1an,

“The department is requesting that the company makes necessary arrangement for their replacement by the end of the expiry date. The company should therefore make necessary arrangements for their immediate removal upon expiry of their permit. Failure will result in all of the subject

being declared prohibited immigrants”.

E la ladan i annan sa bann - resortisan Nizeryen ki'n marye avek Seselwa. *Further* Mr Speaker, mon annan mon *case* kot Seselwa ki'n marye pandan 5an avek resortisan Nizeryen, in pey son *processing fee* pour ganny rezidans depi le 26 Avril, *interview* in ganny fer depi le 8 *May* e larepons ziske ozordi zot pa ankor gannyen.

Mr Speaker sa, mon ti zis anvi kadre kestyon dan en lot direksyon kot apard drog, wi nou siport lalit kont drog. Mr Speaker mon dernyen pwen, sa lenformasyon ki Onorab Lemiel in met a laklerte ti osi ganny met devan par *SBC*, alors i pa nou ki'n rode, ti lo medya nasyonal e *State House* ti refize *comment* lo la.

Be *further* Mr Speaker, si Gouvernman Sesel pe dir ki li i pa'n donn okenn direktiv en lakonpanyen prive pour *tarnish* e sali non Sesel parey zot in fer, be sa bann zans en bann dimoun fou, ki pa devret annan nanryen pour fer dan *border control* Sesel Mr Speaker! Ki *Travizory* pe foute Sesel si i *rogue* e kas lord Gouvernman. Be zot fou! Fou zot deor Mr Speaker!

MR SPEAKER

Mersi. Mersi Onorab Minis i adrese.

MINISTER ERROL FONSEKA

Mersi Mr Speaker. Mr Speaker *P.I*ouswa *rejection of GOP* i baze lo en sityasyon endividuelman, i kapab Nizeryen i kapab *Kenyan* i kapab Nepale i kapab nenport nasyon ki vin isi, e definitivman parey mon'n dir lo sa kantite *P.I* ki nou'n donn bann Nizeryen i tousala, i tousala an relasyon ek krim organize.

Sa fleo krim organize i al dan plis domenn. I vre sa ki ou dir Onorab i pa zis drog, i tou lezot keksoz, menm *trafficking* e plizyer lezot zafer.

So nou pa pour al an detay me selman sak endividi lo son *GOP* si i ganny refize, i baze lo konportman sa dimoun, ouswa keksoz ki pa pe fer ki bon pour pei. Mersi Mr Speaker.

MR SPEAKER

Mersi. Ou kestyon in ganny reponn Onorab Loze. Enn pti leklersisman, mon annan 3 Manm ki reste pour demann kestyon. Ale, klarifikasyon vitman.

HON JOHAN LOZE

Mr Speaker, mon ti le zis met devan Lasanble Minis in dir nou in donn - aköz in reponn mwan *P.I.*, Minis in dir nou ki in donn

55 *P.I* depi sa lannen. Be Minis i ava note in napa en sel kestyon ki'n monte *over 55 PI*.

Mon pe *presume* ki zot in fer zot louvraz byen dan lord e dapre Lalwa, be akoz i annan en kestyon la devan Lasanble? Akoz i annan en keksoz ki'n mars mal! E repitasyon Sesel in ganny sali par en lakonpanyen prive, ki dir se *State House* ki'n donn zot lord! Mersi Mr Speaker.

MR SPEAKER

Mersi. Nou a pas lo lot kestyon Onorab Herminie.

HON WILBERT HERMINIE

Mersi Mr Speaker. Bonn apre midi Mr Speaker Minis avek ou delegasyon. Mr Speaker mon anvi met lo rikord i fer trwazyenm fwa ki menm kestyon i ganny demande Minis i refize reponn.

Onorab Cosgrow, Onorab Aglae avek Onorab Loze i demande li sa kestyon. Ki aksyon ki Gouvernman pour pran kont *Travizory* pour distribye fo lenformasyon lo Sesel? I pa'n zanmen reponn sa Mr Speaker.

Mon pe rode kwa ki zot pe sey kasyet eski i annan en serten dezord ki nou pa konnen i pe arive?

MR SPEAKER

Onorab!

HON WILBERT HERMINIE

Kestyon i senp....

MR SPEAKER

Onorab!

HON WILBERT HERMINIE

...ou reponn. Mon dezyenm kestyon...

MR SPEAKER

Si ou annan en kestyon poze silvouple.

HON WILBERT HERMINIE

Mon dezyenm kestyon nou, nou napa okenn problem kont lalit drog, nou siporte. Be akoz tel aksyon sever pa'n ganny pran ek bann Iranyen ki dayer anmenn plis drog dan sa pei ki tou lezot nasyonalite o *monde*. Akoz napa okenn aksyon ki'n ganny pran avek zot? Kwa ki nou pe kasyet?

Mon dernyen kestyon, eski i Polisi Gouvernman pour *ban* sitwayen okenn pei ki fer frod Sesel, tel ki Kenyan Eziptyen eksetera? Mersi mon annan 3 kestyon Mr Speaker, fotespere mon ganny larepons pour tou le 3.

MR SPEAKER

Ou annan drwa, ou annan drwa 2 kestyon. Ou premye kestyon ou premye kestyon Minis adrese plizyer fwa. Minis? Minis son bann kestyon.

MINISTER ERROL FONSEKA

En keksoz enteresan la Mr Speaker – *sorry* Mr Speaker. Mersi Onorab pour kestyon. Be akoz nou pa pe pran aksyon? Nou pe pran aksyon ek tou dimoun, lontan ki zot pa ti pran aksyon! Sa i diferans ki pe arive, nou pe pran aksyon ek Iranyen, ek nenport – dan sa –

Mon'n fek donn sa bann, sa bann kantite etranze ki dan prizon, tousala aksyon ki nou pe pran! Tousala aksyon ki nou pe pran! Dan bal kafe napa triyaz, nou pe fer sa koumsa.

Lontan ki pa ti ganny marse koumsa, dimoun ti antre partou dan nou *border*, ti napa okenn kontrol ozordi nou pe pran aksyon. Si nou pe pran plis lo en kalite, lo en lot e akoz i annan plis sa kalite.

Me aksyon pe ganny pran ek tou dimoun! Mersi Mr Speaker.

MR SPEAKER

Mersi. Onorab! Onorab ou kestyon in ganny reponn. Mon pour repas lo soz. Onorab Vidot ou kestyon.

HON AUDREY VIDOT

Mersi Mr Speaker. Mr Speaker avek tou respe, si Minis ti'n reponn kestyon, mon pa krwar Manm lo nou kote ti pour repet ankor. Minis i bezwen kler. Minis kestyon ti senp li. Kwa ki ou pe fer? Reponn li senp, sa i enn.

Dezyenmman Minis ou'n dir dan bal kafe napa triyaz, nou ankor lo sa kote napa personn la anndan ki al defann okenn droger dan Lakour, devan Lakour. E i enportan Minis ou dir ek nou akoz ki serten i ganny deporte deswit swa an group, swa an endividi me selman en bann i ganny pas devan Lakour? I pa kapab annan en pwa de mezir Minis, klersi sa avek nou.

Dezyenmman Minis, ou'n dir avek nou letan de Manm in demann ou kestyon an referans konsernan bann fanmir, mon pour al pli lwen ki sa Minis. Ki arive? Prezidan in dir resaman lo medya enternasyonal kalite group touris ki li i anvi vwar Sesel.

E si nou annan serten nasyonalite ki swa son - i napa nanryen pour fer avek trafik drog son mwayen, son - baze lo sa bann group kalite dimoun ki Prezidan i dir i anvi Sesel i vin touris – fer touris vin Sesel.

Akoz ki zis en group ki ganny konsidere pour anpese pour li kapab antre Sesel? Ou bezwen kler, si ou pe target pour drog napa problem Minis me ou bezwen klersi ki prosedir ki ganny fer pour anpese ki demen repitasyon Sesel i kontinyelman ganny *tarnish*, akoz i annan zis serten group dimoun ki ganny targete. Mersi.

MR SPEAKER

Mersi Onorab. Minis ou repons?

MINISTER ERROL FONSEKA

Mr Speaker. Mersi Onorab pour kestyon. Mon pa ganny en konpran ler i pe dir zis en group. Nou fek, nou fek eksplike la ki kantite diferan nasyonalitye ki nou pe *deal* avek e i ganny repete ki zis en group.

Me i vre ki resaman i annan en ogmantasyon byen kler lo dimoun sorti Nizerya, e san menm nou'n ogmant nou, nou sirveyans lo sa group dimoun. E lo kestyon *GOP*, lafanmir, si en fanmir pe viv byen isi, napa okenn *issue*.

Ou pa kapab vin dan en pei, mal viv komans fer bann krim organize e nou zis nou pour *ok* kit sa lanmenm, non! Nou pour pran aksyon!

(APPLAUSE)

MINISTER ERROL FONSEKA

Lontan ki zot pa ti pran aksyon, nou pour pran aksyon.

Akoz nou *border* i ouver pour dimoun vini, vin byen sorti byen - sa ki nou pe dir. Si zot konpran sa nou pour mars byen ansanm, nou pour kapab travay ansanm. *Border* i ouver, nou kontan dimoun.

I vre nou annan en *line agreement* ek *Nigeria*, akoz? I annan en kantite bon *Nigerian* osi ki vini, i annan! Selman parmi sa i annan en kantite fouter dezord.

Sa ki - sa ki sityasyon i ete, i pa konplike sa e nou, nou bezwen servi nou leksperyans, nou sirveyans e nou bezwen fer desizyon a se moman en bann i an ganny *P.I* toudswit, en bann i ava al Lakour, sa i nou desizyon. Dapre nou bann Regilasyon *Law Enforcement* sityasyon ki nou pour fer.

E nou pa pour bezwen vin la dan Lasanble pour dir ou toultan la, "non nou pou al met sa enn isi". Non! I pa koumsa ki marse sa! *Ok*. Nou pe fer louvraz serye, zot, zot pa'n fer sa louvraz, e la nou pe pran sa louvraz les nou travay! Mersi Mr Speaker.

(APPLAUSE)

MR SPEAKER

Mersi. Onorab Vidot permet Onorab - i reste mwan 2 minit, 2 minit. Permet Onorab Gill demann son kestyon.

HON AUDREY VIDOT

Zis en leklersisman Mr Speaker.

MR SPEAKER

Onorab Gill.

HON CHURCHILL GILL

Mersi Mr Speaker. Minis travay ou'n ganny met la ou, travay ou, nou pa pour *disturb* ou nou.

(APPLAUSE)

HON CHURCHILL GILL

Selman nou pour demann kestyon. Mon kestyon i, ou'n dir nou poudir zot pe ogmant sirveyans, akoz zot santi poudir i annan serten group, zot pa vin onnet.

Mon kestyon sete nou osi annan parey isi Sesel i annan nou osi annan dimoun ki zot, zot *genuine* apre nou annan bann lezot osi ki ou bezwen kit en lizye lo la. Pour sa bann Nizerya ki zot, zot vini *genuinely*, bann *celebrities*, bann lezot dimoun ki annan

potansyel koman touris, vi ki ou pe ogmant ou sirveyans.

Eski sa bann dimoun potansyel i pour ankor kapab antre Sesel apre ki ou'n verifie, ou'n vwar poudir sa bann dimoun zot prop? Mersi.

MR SPEAKER

Mersi. Minis, ou kestyon silvouple.

MINISTER ERROL FONSEKA

Mersi Mr Speaker. Mon le asir sa Onorab – mersi pour ou kestyon *by the way* Onorab - mersi pour ou kestyon.

Mon le asir ou ki menm ki nou pe fer sa louvraz serye, nou pran bann desizyon serye, pour anpes en dimoun antre dan en pei, pour retourn en dimoun lo en *aircraft*, pa en keksoz, en gro zafer sa! Ou pa kapab pran sa bann desizyon konmsi koumsa; keksoz serye tousala.

E nou fer sa osi ek respe, ek en serten respe. E nou pa oule okenn sityasyon ki nou fer sa ek en dimoun ki pa devret ganny *label* koumsa.

So i annan en serten, en serten *maturity* ki nou bezwen, dan nou bann, dan nou bann *profiling*, dan bann louvraz koumsa pour fer sir ki nou ganny sa byen. e sanmenm sa nou pe demann zot, zot sipor lo la zot tou. E annou ankouraz sa

- akoz i pa en louvraz tro senp osi sa.

I pa en louvraz tro senp en louvraz serye pour pei, nou pe - e mon pa kontan osi ki nou vin la dan Lasanble nou pa pe donn sa louvraz sa lanplèr enportan ki i nesese nou fer.

I pa en zwe foutbol sa, i pa en zwe tap isi, tap laba gete si score en gol. Non! I annan - i annan serten difikilte ki dimoun i bezwen pran sa desizyon ki la devan, e nou bezwen konpran sa.

E i kapab arive osi, zot ganny enn mal osi. Ok pa tou dimoun ki parfe. Ki mon pe dir zot louvraz i serye; louvraz i serye, i vin dan diferan palto si oule, diferan fason, i vin ek diferan figir e nou, nou bezwen kapab triyaz sa.

Me an menm tan nou bezwen fer desizyon vit, desizyon apropriye e sa nou bann *enforcement officers*, i annan sa *training* e nou bezwen donn zot toultan plis *training*.

So, mon konpran ou ki ou pe dir, lo bann zafer en dimoun ki vin byen ki ganny resevwar, *but* tousala osi nou bezwen pran konsiderasyon. Mersi Mr Speaker.

MR SPEAKER

Mersi Minis. Onorab Pillay, ou siplemanter prezan.

HON SEBASTIEN PILLAY

Mersi Mr Speaker, e mersi pour bann larepons ki ganny donn ziska la. Mr Speaker, mon bezwen dir poudir sa i en Gouvernman dezord. Mon pour eksplik ou aköz.

Tom Marten i fer sorti en alert entern ki dir tou *staff Travizory*, e sa bann *staff Imigrasyon* ki la zot konn sa tre byen aköz mon pour vin lo sa ki Imigrasyon li menm in dir mon annan la.

I fer sorti i dir zot pe *denied Travel Authorization to all Nigerian*, tou lotorizasyon pour tou *Nigerian* pa pe ganny drwa antre. Sa i *Tom Marten* ki ansarz *Travizory*.

Following sa *Travizory* prezan i fer sorti en lot sa lo son *chat* i dir, "*We regret to inform you that your application has been declined as per Immigration Regulation, for now we are not accepting any Nigerian passport*".

Savedir menm *Aliko Dangote* ki enn bann zonn pli ris dan lemonn, *Ruger* ki en santer tre popiler, ok, lezot foutboler *Nigerian* ki abitye vin dan bann gran lotel, bann dalon Minis pa kapab antre Sesel, dapre sa ki in dir *unless* zot, zot mars pe en lot fason.

E sa se an relasyon avek Regilasyon Imigrasyon - e i nou - e i dir, “*Kindly contact httpwww.ics.gov.sc*” ki zot *website* Imigrasyon, lo nimero telefonn 248 4293636 Imigrasyon.

Prezan VP dan son *interview* – (sanmenm sa mon dir zot, zot en Gouvernman dezord e Minis pa'n ekout son prop Vis Prezidan) VP i admet ki poudir in annan en mesaz entern ki'n *leak*, e sa pa ti devret ganny *leak* e alor zot bezwen sorti pour eksplike.

Savedir *Travizory* in *Act rogue*! E Minis pe *mislead* Lasanble! So kestyon retournen pour Minis, si *Travizory* in *rogue*, in fer en desizyon ki i pa devret fer, ki aksyon ki pour ganny pran ek *Travizory*?

Pa bliye Mr Speaker, ler sa kote latab nou ti lager pour Seselwa aret ranpli *Travel Authorization* lot kote ti bat lanmen kont. La ozordi Gouvernman in *go back* lo son desizyon, so ki Gouvernman pe fer an relasyon avek sa *Travizory* ki'n deside fer sa aksyon *rogue*, ki VP in konfirman ti annan mesaz entern - pa mwan VP?

Dezyenm kestyon Mr Speaker, ankor Minis i vin *mislead* Lasanble. Mon annan dan mon lanmen la de let, ki

mon'n al rode, mon'n al sourse pour bann konpanyen sekirite. Ladan i annan an tou 10 travayer *Nigerian involve* e mon konpran tou lezot konpanyen sekirite in ganny menm let.

Imigrasyon i kapab *denied* la devan zot la Mr Speaker, permet zot pour reponn zot ava dir si wi oubyen non. Dan zot let - sa bann - dan sa bann landrwa travay sa bann dimoun ti'n ganny *GOP* pour 2an. Dan sa let i dir, ou konpanyen i devret fer laranzman pour fer *immediate removal*, savedir tir sa dimoun dan nou pei *at the expiry of* sa enn *permit* malgre ou annan 2an, ou pa kapab *renew* ou permit.

Minis i *mislead* nou i dir nou sa bann dimoun in fer lofans. Sa i zis bann travayer *Nigerian* ki sa bann lakonpanyen sekirite i annan lala let la. Dezyenm Fwa! So ankor enn fwa Mr Speaker, eski Minis i kapab dir nou prezan eski sa bann konpanyen sekirite pour kapab fer *renewal GOP permit* pour zot bann travayer ki pe travay ek zot ki pa, *involve* dan okenn krim organize?

Mon dernyen kestyon...

MR SPEAKER

Ale.

HON SEBASTIEN PILLAY

Mr Speaker.

MR SPEAKER

Fer li dernyen silvouple.

HON SEBASTIEN PILLAY

An relasyon avek lenformasyon ki nou pe gannye ozordi e bann *statement* ki pe ganny fer. Lo kantite tonaz e lakantite Iranyen ki'n anmenn drog dan nou pei *far outstrip*, oubyen i bokou plis ki lakantite *Nigerian* - e pa nou ki defann Iranyen lo sa kote demann lot kote latab, lekel ki fer *ok*. *I far exceed*, i bokou plis ki Seselwa.

Akoz alor ki Gouvernman Sesel pa'n fer en menm kalite zizman ou determinasyon? *Unless* ki nou bezwen krwar ki poudir *Nigerian* i annan lapo nwanr e lezot napa lapo nwanr? *That's all it comes down to* Mr Speaker!

(APPLAUSE)

MR SPEAKER

Ok.

HON SEBASTIEN PILLAY

Nou bezwen *call a spade a spade!*

MR SPEAKER

Ale. Mersi. Bann Onorab permet Minis reponn. Minis?

MINISTER ERROL FONSEKA

Mersi Mr Speaker. Mon a reponn dernyen kestyon Onorab premye Gouvernman pa fer zizman, Lakour ki fer zizman. Ou dir akoz Gouvernman pa fer diferan zizman pour diferan dimoun, Gouvernman pa fer zizman, Lakour ki fer zizman! Lakour ki fer zizman, *ok?* So sa mon'n fini reponn ou kestyon lo la.

Lo kestyon *Nigerian* ek *GOP* i senp, si dimoun pa pe fer okenn *organized crime*, ouswa pa enkli, pa *involve* ladan, i pa pour ganny okenn *issue*. Me selman si ou vwar en dimoun in ganny nonmen ladan, i akoz i annan serten *issue* sekirite avek zot. E nou pa pour kapab al dan detay e krwar mwan i annan en kantite lanz ki pe fer keksoz mal dan sa pei.

So sa ou bezwen les sa ek nou, akoz nou, nou pa oule okenn moman zis pour *blacklist* en kalite dimoun, zis akoz i tonm dan sa group. Non! *Organized crime* i sa label ki nou met lo okenn dimoun e ki nou donn en *P I*. I pa, i pa neserman kot i pe travay e ki fanmir i ladan.

Mr Speaker lo son premye kestyon ki'n demande ki mon

kontinyen - mon kontinyen repete, Gouvernman zanmen in donn en tel lenstriksyon, sa lakonpanyen prive. E si sa lakonpanyen prive in fer en tel deklarasyon, nou bezwen demann li kote in ganny sa lenformasyon, akoz Gouvernman li menm pa'n donn li okenn sa tel lenformasyon. Mersi Mr Speaker.

MR SPEAKER

Onorab nou bezwen terminen. Mon a permet ou en klarifikasyon, nou pe al termin sa peryod kestyon. Mersi Onorab ou klarifikasyon.

HON SEBASTIEN PILLAY

Mersi Mr Speaker. Mr Speaker, konmsi annou sey kapab ganny en konpran ki nou rol dan sa - isi anndan? Akoz mon annan mwan en konpanyen, ki son sif *affair dan* 10an, pou'n desot R500milyon, ki pran desizyon kan Seselwa i devret antre, kan Seselwa i devret pa antre, nou'n bezwen lager pour arete; e ozordi i desid lo li menm (dapre sa ki Minis pe dir) i desid lo li menm pour met en *Travel Advisory* kont en lot pei.

Ki nou Vis Prezidan in admet i annan kominikasyon entern. Vis Prezidan admet, ki i annan kominikasyon entern. E

mon ganny en Minis sinyor dan sa Gouvernman ki pa konnen? Ki sipoze ansarz Minis Zafer Entern, me eski mon sipoze krwar li avek sekirite pei?

Me sa en dezord Mr Speaker! I en dezord total! So kestyon pour Minis. Minis R500milyon larzan *taxpayers* Seselwa i *due* sa, akoz sa larzan i sipoze en porsyon larzan ki al pour nou pei, eski ou Gouvernman pour pran aksyon ek *Travizory* pour lefe ki'n kree enn - ki'n anmenn *disrepute* lo non Sesel enternasyonalman?

E dezyenmman in pran en desizyon, san ki'n ganny lenstriksyon? Me prezan mon ti a kontan ou eksplik mwan, vi ki ou ki Minis Zafer Entern lekel ki'n donn lenstriksyon pour *issue* sa *notice* ki dir kontakte ou Minister? Pa ou osi sa enn? Mersi Mr Speaker.

MR SPEAKER

Mersi. Minis, nou a terminen avek sa.

MINISTER ERROL FONSEKA

Mr Speaker, parey mon'n eksplike pli boner, nou bann lenstriksyon sorti kot Imigrasyon i al vizavi nou bann *enforcement officers*. Sa bann lenformasyon e lenstriksyon pour ogmant sirveyans, in al atraver nou bann zofisye, ki

deal ek sa bann sityasyon lo nou bann *border control*. E pa okenn lezot lazans dan sa ki Onorab pe koz lo la.

Lo sa kestyon-lo sa kestyon aksyon ek en antite prive, sa i pour depan lo sityasyon ek sa dapre sa Kontra ki sa antite i lo la e pour lenstan parey mon'n dir tel lenformasyon ki nou ti donn, ki ti sorti kot Gouvernman ti lenstriksyon pour ogmant sirveyans e pa pour donn okenn *blanket ban* lo okenn pei. Mersi Mr Speaker.

HON SEBASTIEN PILLAY

(Off-Mic)

MR SPEAKER

Mersi-Mersi nou'n terminen. Minis. Onorab, Onorab ou pe koz ek Minis direkteman? Pa soz. Non!

(Interruption off-mic)

MR SPEAKER

Nou'n terminen lo sa peryod - lo sa kestyon annou, annou pas lo lezot kestyon.

Mon krwar mon annan menm delegasyon, wi Onorab Desheila Bastienne ou kestyon 111. *Ok.*

(Interruption off-mic)

MR SPEAKER

Order! Order! Onorab Pillay toultan ou lev *point of order*, ou lev *point of order* pour bann pwen ki napa validite dan soz. Poz ou *point of order*. Silvouple fer li bref.

HON SEBASTIEN PILLAY

Mr Speaker, ki son problem sa enn?

MR SPEAKER

Ale! Silvouple.

HON SEBASTIEN PILLAY

Mr Speaker, i senp sa Konstitisyon i dir ki en Minis i vin Lasanble i vin reponn en keksoz ki tonm anba son responsabilite, in vin reponn. *Standing Order* i dir koumsa poudir Minis i bezwen donn nou lenformasyon. Minis i donn nou de *set* lenformasyon.

Premye kou i dir nou napa okenn lenstriksyon ki'n al kot *Travizory*, dezyenm kou i dir nou i annan en lenstriksyon ki'n ale e zot in dir *Travizory* pour met serten kontrol, so ki nou kapab konpran la. In annan in napa?

Short of mon bezwen demann ou Mr Speaker eski ou pour pare pour fer Lasanble fer en lenvestigasyon dan sa size *Travizory*, pour determinen lekel ki donn lord pour fer

Travizory issue sa travel advisory lo Seychelles, lo Sesel? Sel fason pour nou konn laverite Mr Speaker nou bezwen konn laverite! Mon met dan ou lanmen.

MR SPEAKER

Mersi. Mersi, Minis in ganny demande en kestyon, in reponn sa kestyon, son kestyon i lo rikord. Mon pa pe adres li plis ki sa. Onorab Vidot ki ou *point of order?*

HON AUDREY VIDOT

Mr Speaker, mwan mon le zis en laklerte sorti kot ou, ler en Manm lo ou kote latab espesyalman toultan nou ki ganny targete. Si i annan en keksoz ki nou'n dir nou'n *mislead* Lasanble, ou demann sa Manm swa pour *retract*, oubyen pour li *apologize*.

La dan Lasanble ler Minis i vini si Minis ki'n *mislead*, nou Manm Parlman nou pa annan drwa ganny okenn *apology*, oubyen okenn leklersisman avek Minis. Konmsi ki bor nou pe ale?

MR SPEAKER

Mersi. *Ok pour ou point of order. Mislead* Lasanble par Minis i ou enterpretasyon, mwan mon pa konsidere ki Minis in *mislead* Lasanble.

Mersi. Onorab Bastienne ou kestyon 111.

HON DESHIELA BASTIENNE

Mersi Mr Speaker. Bonn apre midi Mr Speaker. Bonn apre midi Minis avek ou delegasyon e bonn apre midi tou dimoun ki a lekout.

Eski Minis pou Zafer Entern i kapab eksplik Lasanble ki dele letan ki en etranze i annan pou kit pei apre ki in ganny *issued* avek en *P.I (Prohibited Immigrant) Notice* par Lotorite konsernen?

a. Eski sa etranze ki'n resevwar en *P.I Notice* i annan drwa fer rapel kont sa *P.I Notice* e lo ki ground ki sa rapel i kapab ganny permet? Mersi.

MR SPEAKER

Mersi. Minis, ou repons.

MINISTER ERROL FONSEKA

Mersi Mr Speaker pour sa. Mon a les *CIO* reponn sa kestyon Mr Speaker.

MR SPEAKER

E wi mersi. *CIO* wi?

CHIEF IMMIGRATION OFFICER ERICA DUFRESNE

Bonn apre midi Mr Speaker. Bonn apre midi tou Manm Onorab. Mersi Onorab pour ou kestyon.

Mr Speaker prosedir pour deklar en etranze *P.I.* en *Prohibited Immigrant* parey nou dir an Angle, ou en dimoun non dezirab, i ganny trouve anba seksyon 19 Lalwa Imigrasyon.

Sa seksyon i eksplik bann lofans ki en etranze i kapab fer ki pour otoriz Departman Imigrasyon pour deklar sa etranze koman en dimoun non dezirab dan pei.

Sa i kapab par egzantp pour tel rezon:-

En etranze ki fourni fo lenformasyon, ou kasyet lenformasyon avek en zofisye Imigrasyon lo son motif pou antre Sesel. Ouswa en lot legzanp;

En etranze ki son abilite finansyer pa pour permet li pour kapab soutenir, son lekor ler i pour antre e reste Sesel sa i de legzanp, me anba Lalwa Imigrasyon i annan bokou lezot.

Prezan seksyon 20 Lalwa Imigrasyon, i donn leksplikasyon ki fason en *P.I Notice* i bezwen ganny *served* lo sa etranze e pour ki en *Notice* Deportasyon i bezwen ganny sorti klerman sa bann pwen swivan;

Premyerman, rezon ki sa etranze pe ganny deklare koman en dimoun non dezirab.

Dezyenmman, sa peryod letan ki sa etranze i ganny donnen pour kit pei.

Trwazyenmman, lafason ki i pour bezwen servi pour kit pei.

Par egzantp swa i pour kit pei par avyon, ouswa par bato.

Bon ou dezyenm parti kestyon Onorab, ki ou pe demande dele letan avek rapel.

Premyerman sa dele letan ki sa etranze i ganny donnen pour kit pei i 48er, apre ki'n ganny *served* son *P.I Notice*. Me byensir si sa *P.I* pe ganny *serve* lo en etranze ki pe antre dan pei pour vin vakans par egzantp, la normalman, mwayen pli fasil se pour li retourn lo menm avyon si sa *flight* pe retourn dan sa destinasyon ki i sorti.

Lot seksyon Imigrasyon seksyon 21 ki swiv seksyon 19 ek seksyon 20; Lalwa Imigrasyon i eksplike ki apre ki sa etranze in ganny *serve* son *P.I Notice* i annan 48er pour li fer en repertwar reprezantasyon an ekrir e donn rezon aköz i krwar Departman Imigrasyon i merit revwar son desizyon. Son rapel i bezwen adres Minis, pour Zafer Entern.

San okenn dele letan, Minis ou en zofisye ki Minis in *delegate* son lotorite avek, i bezwen notifie sa etranze lo

desizyon ki'n ganny pran konsernan son rapel.

Bon rezon pour rapel i varye, i kapab akòz pour rezon linyorans Lalwa ou prosedir ki an plas, i kapab akòz sa etranze i santi ki sa desizyon i tro sever, i santi en serten lenzistis, e ki son drwa pa'n ganny respekte par - sa en dezyenm rezon normalman. Me i bon fer resorti ki anba Lalwa Imigrasyon desizyon Minis i final.

Me mon bezwen osi fer resorti ki i annan lenstans, ki sa etranze olye fer rapel par Lofis Minis i deside demann, en *judicial review* lo sa desizyon ki'n ganny pran, pour *serve* li *P.I.*

E lemoman ki sa i ganny fer Lakour i normalman fer sorti en lord ki anpes Departman Imigrasyon retir sa dimoun dan pei ziskan ler son ka in fini ganny rezourd.

Onorab mon pour pas lo enn de bann *statistics* - mon krwar Minis in tous lo sa enn ki pli signifikan mon kapab dir. Statistik konsernan etranze non dirab i montre ki *on arrival*, depi Zanvyè ziska le 9 Zilyet 2023, in annan 120 pasaze, ki'n ganny deporte ladan e ladan sif pli signifikan i sa 55 *Nigerians*, parey Minis in koz lo la pli boner.

Rezon pour zot deportasyon i, rezon pli komen ki mon kapab dir i *comme* swivan:-

Mwayen finansyer pa permet zot pour kapab soutenir zot lekor Sesel,

I annan ki'n fourni fo lenformasyon avek en zofisyè Imigrasyon avek bi pour antre Sesel

I annan osi, ki'n antre - *attempt* pour antre dan pei avek fo paspor,

I annan ki pa'n fer okenn prosedir legal, pa rapor avek zot motif pour antre dan pei, sa par egzantp Onorab ou pe vin travay, ou sipoze annan en *GOP*. Lalwa Imigrasyon i dir ou si ou en etranze, ou anvi vin travay Sesel, ou bezwen annan en *GOP* avan ou antre.

E ou napa en *GOP* savedir ou pa'n fer prosedir pour ganny en *GOP* e ou pou ganny deklare en *P.I.* Par kont lo *departure* depi Zanvyè, menm letan depi Zanvyè ziska Zilyet 2023, in annan 192 etranze ki'n ganny deporte, pour rezon normalman pour rezon *overstay* lo zot permi viziter, ouswa zot permi travay. Mersi Onorab. Mr Speaker.

MR SPEAKER

Mersi *CIO*. Onorab ou annan siplemanter?

HON DESHIELA BASTIENNE

Mersi Mr Speaker. Mersi Mrs Dufresne pour ou bann leksplikasyon. Minis vi ki i annan plizyer ka kot parey in mon'n ganny eksplike ki en dimoun i kapab ganny en *issue P.I Notice*, mon pou pran en ka spesifik dan lenstans kot en etranze isi dan pei, in ganny trouve koupab, pour koz dimal en endividi, e apre lenvestigasyon i ganny *issue* en *P.I Notice*.

Eski pandan letan ki i ankor dan pei, i annan drwa annan kontak avek sa viktim, ou menm al kot sa lakour, kot sa lensidan arive e osi eski en etranze ki'n ganny demande pour kit pei atraver en *P.I Notice*, i annan drwa retourn dan pei?

E si wi, apre ki kantite letan e osi ki rezon ki pour permet li reganny permisyon pour antre ankor dan pei? Mersi.

MR SPEAKER

Mersi Onorab. Minis, lekel ki pour reponn?

MINISTER ERROL FONSEKA

Mersi Mr Speaker. *Again*, mon a komans lo sa dernyen kestyon Onorab. Mersi pour kestyon. Parfwa i annan sityasyon ki en dimoun in ganny en *P.I Notice* in

ale, e i kapab ganny fer retournen pour li kontinyen, si i annan en *court case* par egzantp *ok*?

Ouswa i depan lo son sityasyon i kapab fer en *appeal* pli tar, menm si deor e parfwa ou vwar zot Avoka zot vin ek en serten, serten *appeal* pour lo zot *behalf*. So, sa i kapab demare e i pour depan tou lo gravite sa sityasyon ki'n arive.

En *P.I* normalman, i en keksoz otomatikman ki arive ler permi en viziter par egzantp i *run out*, ouswa en *GOP* i *run out*, otomatikman pour vin dan sa *lane P.I* si oule.

E i pa neserman touzour ki ou'n fer en gro krim, me sa i fason ki ou dan pei pour sa moman *illegally*. So, sa i en sityasyon mannyer *P.I* i monte. Aprezan nou, nou bezwen servi nou bann prosedir pour get sa bann e *deal* avek dapre i ete.

So sa bann ki *P.I, CIO* in mansyonnen pli boner. Lo sa sityasyon viktim ek en zafer Lakour, sa definitivman en dimoun i pour depan ki sa Ziz i ordonnen e ki sa ka sa sityasyon. Si i annan en serten menas lo en dimoun, *then* ou kapab ganny en *court order* pour *caution* sa dimoun ki pa vizite. Be selman i pa en keksoz ki ganny *set*, sa sityasyon dapre

Lakour *then* i a kapab zize ki fason sa ka pour ganny trete.

Me sa en keksoz osi en keksoz Lapolis osi, ki Lapolis i annan en *role*, en rol pour zwe ladan. Mersi Mr Speaker.

MR SPEAKER

Mersi. Onorab Sandy Arissol.

HON SANDY ARISSOL

Mersi Mr Speaker. Bonn apre midi Minis avek ou lekip, bonn apre midi tou bann dimoun ki pe ekout nou dan lakour. Mr Speaker mon ti a kontan dir ek Minis, an vi ki bann Iranyen zot vin lo bann dav lo lanmer, e bann Nizeryen zot vin lo avyon e zot vin avek bann kapsil dan zot vant pour anmenn drog dan nou pei, mon ti a kontan...

MR SPEAKER

Onorab ou pe tourn lo *PNQ* la?

HON SANDY ARISSOL

Mr Speaker. Be bannla in retourn lo *PNQ*, mon pe demann mon kestyon mwan.

MR SPEAKER

Wi lo kestyon Onorab.

HON SANDY ARISSOL

Mon pe kestyonn lo kestyon, *yes*.

MR SPEAKER

Lo kestyon Onorab, *ok*.

HON SANDY ARISSOL

Alright. Mon kontiny mon kestyon. Mon ti a kontan alor lo sa ki mon'n dir pli boner demann Minis, felisit ou Minis pour sa travay ki ou pe fer, pour ki tou bann etranze ki rantre dan nou pei ki fer dezord dan nou pei, bann krim organize zot ganny *deal* avek nenport ki nasyonalite, nenport ki ras, nenport ki kouler fer zot retourn dan zot pei!

(APPLAUSE)

HON SANDY ARISSOL

Felisitasyon pour sa travay. Alor lo mon kestyon lo sa enn ki Onorab Deshiela in demande, mon ti a kontan demann Minis de pti kestyon. Premyerman mon ti a kontan demann Minis letan madanm in dir ek nou i annan sa deportasyon *in regards to P.I.* Lekel ki peye sa deportasyon?

Par egzanp letan nou met en dimoun lo avyon pour fer li retourn se li lekel ki pey sa deportasyon pour li?

Dezyenm kestyon lo la i mon kestyon final, mon ti a kontan demande kekfwa konbyen etranze an term laz par egzanp, nasyonalite an term *sex*, msye ek madanm ki'n

ganny *P.I* e ki nou'n fer zot ale?
Mersi bokou Mr Speaker.

MR SPEAKER

Mersi Onorab. Minis oubyen *panel*? Silvouple endike lekel ki pour reponn.

MINISTER ERROL FONSEKA

Mon pour reponn sa Mr Speaker. Zis mon pe...

MR SPEAKER

Minis.

MINISTER ERROL FONSEKA

Kalkil sa, sa kestyon avan sa enn dernyen la.

HON SANDY ARISSOL

Si ou permet mwan Mr Speaker. Mon dernyen kestyon ki mon'n demande se konbyen bann dimoun ki'n ganny *P.I*, an term laz, nasyonalite, zonn oubyen fanm ki'n ganny deporte pour al dan zot pei? Mersi.

MINISTER ERROL FONSEKA

CIO i a donn sa bann sif Mr Speaker.

MR SPEAKER

CIO.

CHIEF IMMIGRATION OFFICER ERICA DUFRESNE

Mersi Mr Speaker. Mersi Onorab pour ou kestyon.

Onorab nou lenformasyon ki annan la avek mwan i pa pe ganny *disseminated* dan sa fason ki ou anvi. So, mon kapab fer ou ganny larepons pli tar, *ok*?

Me selman parey mon'n dir ou, oparavan ler mon'n reponn Onorab Bastienne, mon'n donn li *figure* lakantite *arrivals P.I* ki nou'n donner pour *arrivals* e i 132, e pour *departure* i 192. Prezan nou a - pli tar mon ava donn ou detay kantite madanm, kantite msye. *Alright. Ok. Mersi.*

MINISTER ERROL FONSEKA

And Mr Speaker, pour reponn son dezyenm kestyon Onorab. lo kestyon peyman *P.I*, natirelman si i annan en dimoun ki'n vin *inadmissible* dan pei e nou kapab fer li al sot lo sa menm avyon, sa i ganny retournen e sa kou i ganny pran par sa avyon.

Lo en lot sityasyon nou fer bann *employer* pey zot, zot *extradition of* sa bann dimoun ki bezwen ale. E i annan sityasyon kot Imigrasyon i bezwen peye osi.

So nou rod tou lezot fason avan, me parfwa nou bezwen pran sa kou nou menm. Mersi Mr Speaker.

MR SPEAKER

Mersi Minis. Onorab Pillay, kestyon.

HON SEBASTIEN PILLAY

Mersi Mr Speaker. Mr Speaker mon'n ganny sans ekout sa size *P.I* e taler dan *PNQ*, in *raise* serten size. Me lo sa enn ki la spesifik, kekfwa sa madanm Dufresne? I kapab klarifye pour mwan.

Dan ka en dimoun ki'n ganny tyonbo pour trafik drog, ki nou dir in ganny tyonbo pour trafik drog. Akoz ki nou deklar li *P.I* e deport li dan plas ki i al Ankour?

E par egzantp dan sa ka - Onorab Woodcock pour kontan sa enn. Dan ka sa ki zot dir sa fiy la, Nassim la, *hmm*, nou ti deport li, ou ou'n dir poudir in ganny deklare *P.I*, i ganny 48erdtan, me in napa 48erdtan zot anbal, anbal li met li lo en avyon, nou pa'n ni konnen si in al Ankour. Be i ti ava al Ankour la nou ti a konnen lekel ki dan trafik drog.

Be akoz ki Gouvernman i zis deport sa bann dimoun, san ki i fer en prosedir legal Ankour pour nou konnen kwa ki pe arive dan sa bann *case*? Sa i mon premye kestyon akoz sa bann pa'n ganny 48erdtan?

Mon dezyenm kestyon, mon pa le anmenn sa size *PNQ* akoz parey ou'n dir Onorab

Arissol taler, me selman i konsern sa size *GOP* fini. Vi ki se mon krwar ou ki'n *issue* sa bann let klarifye pour Lasanble.

Dan sa bann let ki'n ganny *issued* ek bann konpanyen sekirite, eski zot in target bann eleman dan sa bann konpanyen sekirite pour fer zot *P.I*, ki pe *involve* dan *organized crime* oubyen zot in target tou travayer sa konpanyen sekirite, ki spesifikman sa nasyonalite ki nou ti pe koz lo laba dan *PNQ*, pour deklar zot *P.I* baze lo kestyon ki'n ganny demande? Mersi Mr Speaker.

MR SPEAKER

Mersi Minis. *Panel*?

MINISTER ERROL FONSEKA

Mersi Mr Speaker. Mersi Onorab pour kestyon. Lo sa premye kestyon ki ou pe demande lo ki mannyer nou *P.I* en dimoun toudswit san anmenn li Ankour? I pour baze lo en sityasyon ki ou bezwen fer serten desizyon.

Natirelman si ou'n vwar li ek serten levidans konkret ou pour bezwen anmenn li, *arrest* li anmenn li Ankour.

Me i annan sityasyon ki pa tro kler, me menm nou annan serten lenformasyon ki sa dimoun i *involve in organized*

crime, e ou napa sa gran *concrete* levidans devan ou selman tou lendikasyon i montre ou, dan sa ka nou *P.I* li deswit, e sa i en desizyon ki nou bezwen *rely* lo *expertise* nou bann *border control officers* pour zot kapab fer sa.

Lo kestyon, lo kestyon *GOP* dimoun ki nou *PI* ouswa dimoun ki nou pa pour *renew* *GOP*, i baze lo lenformasyon ki nou annan an relasyon avek krim organize, ki parey mon'n repete en bon pe letan pase en kantite fwa, ki i annan en kantite diferan kalite krim organize ki pe arive dan pei, ki nou bezwen pran swen avek. Mersi Mr Speaker.

MR SPEAKER

Mersi mon annan 3 minit pour mwan pran en lot kestyon, mon pran kestyon Onorab Cosgrow.

HON WALLACE COSGROW

Mersi Mr Speaker. Mr Speaker lala koman mon pe koz ek ou la i annan en dimoun ki annan en *self-catering* ki *call* Imigrasyon konsernan en Nizeryen ki sipoze vizit son letablisman, in ganny dir ki i annan en *blanket ban*.

So lekel ki vre sa zofisye Imigrasyon ouswa Minis, i annan en konfizyon total. Lekel ki pe koz laverite Minis? So, i

annan en konfizyon total dan tou sa bann zafer.

MR SPEAKER

Ok. Si ou annan en kestyon, demann Minis.

HON WALLACE COSGROW

Wi mon kestyon Mr Speaker, ver Minis i se ki, ki arive avek en etranze ki son *GOP* in *expire*, me li in travay li, i pe, in ganny en novo Kontra ek son anplwayer in sinyen tou normal, son anplwayer in dir li *GOP* i *ok*, me apre i ganny dir poudir, i ilegal Sesel, e i pe ganny - i ganny *PI*, e i pour ganny deporte.

Eski sa dimoun sa travayer i annan en posibilite pour li kapab fer serten *appeal* ouswa lager kont sa *P.I* dan en sans, an vi ki pa son lafot, in ganny anbete par son travay - son anplwayer? E ki aksyon ki Imigrasyon i pran ek sa bann anplwayer. Mersi.

MR SPEAKER

Mersi. Minis ou a fer sa bref.

MINISTER ERROL FONSEKA

Mersi Onorab pour kestyon. Premyerman en dimoun ki travay pour en anplwayer sa anplwayer ki deside, pour ganny son *GOP* pour li. Si en *GOP* in fini e sa anplwayer in

deside pour *renew*; e i ganny permisyon pour li *renew* aköz sa post i ankor aktiv *then* dan sa tranzisyon i annan moman ki sa dimoun pour vin son - o moman ki son *GOP* i *expired*, me selman son *GOP* pe ganny *process* i pour en *PI* li lo papye.

Selman i pa en *P.I* ki nou tro trakase, i zis dan sa moman tranzisyon pour arive.

Si ou vwar ki en dimoun in ganny *PI* savedir i pa'n ganny *renewed* son *GOP*, i *obvious* ki sa *employer* pa'n le kontinyen ek sa travayer, ouswa i pa'n ganny sa Lotorite sorti kot *Employment*.

So, me selman dan – dan ou sityasyon mon pa vwar li si en dimoun i kapab ganny *P.I* aköz son *GOP*, in i pe ganny *renewed*, ouswa dan sa ka napa en problemn.

Mon pa ganny en konpran ki mannyer i kapab ariv dan sa sityasyon ki ou pe dir ki en dimoun i anvi reste, e son louvraz i la, selman i pe ganny *P.I.* e son anplwayer in ganny lord pour kapab *employ* li. Mon pa vwar sa sityasyon mannyer i marse.

MR SPEAKER

Mersi. Mon le pran en lot kestyon annan nou pran poz aköz mon le permet sa de zofisye ale. Mon pour pran

kestyon Onorab Terence Mondon. Onorab Mondon.

HON TERENCE MONDON

Mersi Mr Speaker. Mon kestyon i lir koumsa:-

Eski Minis i kapab dir Lasanble konbyen ka zot in detekte kot viziter in donn fo lenformasyon dan zot laplikasyon *Travizory*, ki aprezan apel *Seychelles Electronic Border System (SEBS)* pou rantre Sesel, ki mannyer sa i afekte Sesel e sa viziter, e kwa ki pe ganny fer pou adres sa problemn? Mersi Mr Speaker.

MR SPEAKER

Minis.

MINISTER ERROL FONSEKA

Mersi Mr Speaker. Mon a pas ek *PS* pour reponn sa kestyon. Mersi Mr Speaker.

MR SPEAKER

Byen *PS*.

PS IMMIGRATION & CIVIL STATUS ALAIN VOLCERE

Mersi Mr Speaker. Bonn apre midi tou dimoun, bonn apre midi tou bann Manm Onorab e tou dimoun ki a lekout.

Pour reponn sa kestyon, nou fer sorti ki en laplikasyon viziter *Electronic Border System (SEBS)* pour antre Sesel dabor i

konteni sa bann lenformasyon swivan.

Ou bezwen soumet ou kopi passport, litinerer sa pasaze, enkli dat arive, dat depar nimerò vol, rezervasyon lotel oubyen lendikasyon landrwa reste, *contact number*, peyman e osi ou bezwen anvoy en *selfie*.

Dan premye 6 mwan, sa lannen lakantite ka lenformasyon soumet par vwayazer etranze i swa fo, mank presizyon oubyen pa konplet, e ki'n ganny detekte letan in fer laplikasyon lo *SEBS* pour antre Sesel i an mwayen 12poursan laplikasyon ki ti neselit entervansyon zofisyè *SEBS*.

Zis pour donn en legzanp pour mwan Zen i annan 32mil213 e ladan 12poursan i bezwen annan sa lentervansyon.

Sa viziter ki mannyer i ganny afekte prezan se ki, i ganny afekte dan lesans ki son aplikasyon i swa ganny rezete ouswa kestyonnen. E lafason pour adres sa fenomenn se pour mentenir vizilans letan aplikasyon pe ganny trete.

E Mr Speaker, nou osi annan en zouti ozordi, en zouti modern ki Sesel aplike e i apel *Advance Passenger Information and Passenger Name Record*

koman en mwayen verifikasyon adisyonnèl. Mersi.

MINISTER ERROL FONSEKA

Mr Speaker, zis mon anvi azout en bout lo la zis pour reponn sa kestyon ki mannyer nou pour adres sa. Bann defi lo *border control* i e pli ale i pe vin pli souvan – pa zis Sesel otour lemond lo kestyon imigrasyon dimoun pe *travel*, dimoun pe *cross borders*, *organized crime*, i pe vin en keksoz nouvo, ki vremen pe tap partou.

E zanmen krwar ki i pour arete, i pa pour arete, me selman nou, nou bezwen vizilan e servi nou bann zouti.

Mon le fer osi resorti ki sa sistenm ki nou servi pour nou *review* bann tel menas kont pei, i en keksoz bon pour nou *tourism*. Akoz sa *electronic border* sistenm i en rekomandasyon *ICAO* ek ki tou pei pour mars ver sa e si ou pei i annan sa sistenm i ganny vwar koman en pei ki pe fer serten sekirite bann vol avyon ki vin isi i pe ganny annan serten bon lizye sekirite lo la, so i vin en lavantaz dan en fason. Mersi Mr Speaker.

MR SPEAKER

Ou siplemanter Onorab Mondon.

HON TERENCE MONDON

Mersi Mr Speaker, zis enn pti kestyon ki swiv, parey Minis in dir, mon konnen ki zofisye Imigrasyon i osi verifiye landrwa reste serten viziter ler zot annan dout. Eski Minis i kapab dir nou ki zot dekouver atraver sa legzersis verifikasyon? Mersi.

MR SPEAKER

Mersi. Minis?

MINISTER ERROL FONSEKA

Mr Speaker, mon a pas ek *CIO* lo sa lenformasyon.

MR SPEAKER

Tre byen, Mrs Dufresne?

CHIEF IMMIGRATION OFFICER ERICA DUFRESNE

Mersi Mr Speaker. Mersi Onorab pour kestyon. Bon ki nou'n vwar? Be nou'n vwar poudir i annan viziter zot pe fer, zot met laplikasyon lotel, zot met en *booking* lotel, zis pour ganny larantre pour antre Sesel.

Lemoman ki zot ariv kot Imigrasyon, sa akomodasyon in fini ganny kennsel. Sa i bann fo lenformasyon ki nou'n vwar, ki viziter in fer. E baze lo sa bann detay ki nou pe gannyen, annavans nou kapab fer nou louvraz, nou kapab fer nou

louvraz en pe pli byen mon kapab dir Onorab.

Ki nou kapab kontakte sa bann lotel verifiye, i annan lenstans ki lotel in ganny peye apre in ganny kennsel. Zis zot in fer sa koman en mwayen pour zot ganny sa *authorization*, pour zot antre Sesel.

E sa i enn sa bann fo dokimantasyon, fo lenformasyon ki bann pasaze i donn - i sey *attempt* pour donn zofisye Imigrasyon pour zot kapab antre Sesel lo la. Mersi Onorab, mersi Mr Speaker.

MR SPEAKER

Mersi. Onorab Pillay, ou kestyon.

HON SEBASTIEN PILLAY

Mersi Mr Speaker. Mon vwar ou konsyan letan mon pour al vreman vit, tre *straight forward*. Mr Speaker kestyon in demande konbyen? Eski nou kapab ganny en sif konbyen? Dan plas fer letour, *unless* mon pou bezwen krwar se pa Gouvernman ki ansarz *Travizory*, be en lot dimoun *somewhere*.

So kestyon i konbyen – mon repet ankor konbyen ka zot in detekte kot viziter in donn fo lenformasyon? Konbyen? Mersi Mr Speaker.

MINISTER ERROL FONSEKA

Mersi Mr Speaker. Mersi Onorab. Ant Zanvye ek *June* lakantite dimoun ki ti *apply though the system* ki ti'n *travel through the system*, ti 217, 284 pour sa 6mwan e ladan 26mil74 ki reprezant apepre 12poursan ti annan bann *question* lo la ek osi...

HON SEBASTIEN PILLAY

(Off-Mic)

MR SPEAKER

Onorab. Onorab silvouple ler ou demann kestyon, ou demann kestyon, les Minis reponn.

MINISTER ERROL FONSEKA

Yeah! Sa en konbinasyon sa bann ki fo, ki mank presizyon e menm bann kestyon ki nou bezwen - nou apel sa "*question on arrival.*" *Ok? So sa i workout at 12percent*, ki sa sistenm ki ou'n demann mwan, napa nanryen fo ladan, in demann ki mannyer sa sistenm i marse? Ki i detekte? E sa ki nou pe donn li, i apepre *workout about 12percent.* Mersi Mr Speaker.

MR SPEAKER

Bon, mersi Minis. *Ok* nou a termin la pour sa kestyon, mon a remersye *PS* avek *CIO* Dufresne, pour zot partisipasyon akoz zot pa pour

ek nou pour bann kestyon ki pe swiv. Minis byensir i a kontinyen avek nou. Nou a pran en poz e nou retournen 4er.

(BREAK)

MR SPEAKER

Madanm raporter nou ava apel delegasyon zofisyè. Alor bonn apre midi e byenveni bann zonn dan liniform. Mr Ted Barbe *Commissioner of Police*, Mr Francis Songoire *Deputy Commissioner*, Mr Antoine Desnousse *Assistant Commissioner* e osi ASP Joseph Bibi *Direkter Zeneral Administrasyon*. Nou pe al lo kestyon 113, Onorab Egbert Aglae.

HON EGBERT AGLAE

Mersi Mr Speaker. Bonn apre midi ankor enn fwa Minis, Komisyoner, Mr Desnousse e Mr Bibi. Kestyon i lir *comme swivan*:-

Eski Minis i kapab dir ek sa Lasanble, ki bann mezir son Minister pe pran pour amelyor devlopman e kondisyon travay pou bann zofisyè lapolis sirtou bann ki pe fer *long shift* e *night shift*? Mersi.

MR SPEAKER

Mersi. Minis?

MINISTER ERROL FONSEKA

Mersi Mr Speaker. Mersi Onorab pour ou kestyon. Mr Speaker, mon a pas sa larepons ek *DG* ki pour reponn sa kestyon, ki pour komans reponn sa kestyon apre mon kouver pli tar. Mersi.

MR SPEAKER

Mersi. *DG* ou a pran laparol.

DG ADMINISTRATION JOSEPH BIBI

Bonn apre midi Mr Speaker. Bonn apre midi tou Manm Onorab, manm piblik ki pe ekoute. Mr Speaker oparavan, en zofisyé lapolis, ki ti travay *shift duty*, ti travay 6 zour e ganny 1 zour repo par semenn. Sa sistenm *shift* ti 8er bomaten a 4er apre midi - 4er apre midi ziska minwi e minwi ziska 8er bomaten.

Nou ti vwar sa sistenm i en pe tro bokou pour kalite louvraz ki en zofisyé i fer, alor ladministrasyon ti sanz sa sistenm *shift* e entrodwir en *3 shift system*.

Ladministrasyon lapolis in sey diferan sistenm avek le bi pour donn bann zofisyé en pe plis letan repo, annan plis letan ek zot fanmir, e pour amelyor zot prodiktivite e devlopman profesyonnel.

E pour sa rezon Mr Speaker, apre bokou resers e refleksyon ladministrasyon lapolis ti decide entrodwir en sistenm 4 *shift*. Avek sa sistenm Mr Speaker, en zofisyé ki travay lo *shift* i normalman fer 12erdtan par zour, zofisyé i travay 2 lizour, e 2 aswar.

Mr Speaker apre sa, sa zofisyé i ganny en zour repo letan ki i fini son dernyen lannwit travay. Sa i swiv par 2 zour *off* e en zour ankor pour sa ki nou lapolis i apel *field work and personal development*, ouswa ou pour tann Lapolis dir sa *FPD*, kot bann zofisyé i vin son travay, oubyen swiv en kour kot zot stasyon, oubyen Lakademi Lapolis.

Mr Speaker, sa dan li menm i montre komitman ladministrasyon lapolis pour kontinyelman amelyor kondisyon travay pour nou bann polisye ki travay lo *shift*. An plis ki sa Mr Speaker, tou zofisyé Lapolis ki travay *shift*, i benefisyé atraver en *night shift allowance*.

Anliny avek nouvo plan stratezik, nou pe osi amelyor kondisyon bann stasyon avek bi pour kree en lanvironnman pli favorab pour nou bann zofisyé ki pour osi benefisyé, sirtou bann zofisyé ki travay *shift*. Mersi Mr Speaker.

MINISTER ERROL FONSEKA

Mr Speaker, avan mon kontinyen, mon a pas enn pti parol ek *ComPol* apre mon a kontinyen. Mersi Mr Speaker.

MR SPEAKER

Tre byen. *ComPol* ou annan laparol.

**COMMISSIONER OF POLICE
TED BARBE**

Mersi Mr Speaker. Bonn apre midi tou Manm Onorab, bonn apre midi tou bann ki a lekout. Zis mon pe al eksplik enn pti pe lo sa, eklersi enn pti pe sa *field and professional development*. Nou'n entrodwir sa zisteman pour nou kapab donn zofisyè lapolis en sans, ou plizyer sans pour zot devlop en pe keksoz ki pour ed zot profesyonnelman.

Sa i kapab atraver petet bann aktivite parey si i annan en nouvo *S.I.*, ki'n sorti, en nouvo amannman. Nou pa pran zot lazournen antye nou. Si sa letan pour sa amannman i lerdtan, zot vini zot vin fer sa lerdtan apre zot al se zot.

Me osi si i annan serten travay lo *preventive action* ki devret ganny pran, dizon i 3erdtan zot osi ganny apele pour sa. Konmsi nou *compliment*, nou – i en pe varye. Me nou pa kas sa zour poudir

zot pe re-travay ankor. So, i zis en mon anvi eklersi sa enn pti pe.

Si i annan en resers osi pour fer lo en serten topik, zot kapab partisip ladan, so i sa letan ki zot servi. Mersi Mr Speaker.

MR SPEAKER

Mersi.

MINISTER ERROL FONSEKA

Mr Speaker zis mon le, mon le azout sa sanzman ki lapolis in mete. I vremen – ou kapab gete petet in redwir en pe bann *shift*, me selman i annan en bi ladan pour fer anmenn pli efikasite. E par ler *productivity* i baze vremen lo mannyer ou travay ek dimoun.

E parey *ComPol* in dir, sa *field and work and personal development*, i bann moman ki *team building* i arive, *familiarization* ek lekipman nouvo i arive, en *new product*, en *new* fason fer keksoz, *debriefing* i arive lo sa bann zour.

So, i bon pour bann *regional commanders* ki ansarz landrwa, ki anvi met zot bann nide *forward* e i annan *voluntary work* osi ladan. Ok nou bezwen *bring* Lapolis pli pre ek kominote, e parey nou fer dan respe nou vwazinaz

program, nou bezwen anmenn sa lyen ek lakominote. So, sa *shift* ki zot in fer – *well done, congratulation!* Les mwan dir zot, i travay byen dan sa nide. Mersi Mr Speaker.

MR SPEAKER

Mersi. Siplemanter Onorab Aglae.

HON EGBERT AGLAE

Mersi Mr Speaker, Minis ComPol e Mr Bibi. Mersi pour zot larepons. Minis *anyway* nou valoriz travay tou sa bann zofisye lapolis. Mon konnen i en travay ki pa fasil pour fer. Baze lo sa Minis, eski i dan lentansyon Departman Lapolis, akoz dan lepase nou'n koz lo la – lo kot i konsern *welfare* nou bann zofisye lapolis. Mon konnen i annan diferan grad dan Lapolis pa tou ki kapab pe ganny reminere parey.

Premyerman Minis parey ou'n koz lo sa *night duty allowance* ki zot fer, Minis; par egzant pour en senp *special constable* kot i pe ganny li environ R700, eski zot pe mazin revwar sa? An menm tan i annan i sityasyon manze osi. I annan ki i dir ou i pour vin ek son manze, me i annan ki i bezwen al reste *takeaway*.

zot pe ganny environ R700 e letan mon kalkile, si nou pe

aste en bwat manze apepre R60 zot pe fer 4 par semenn, ki dan en mwan i tonm apepre R960. I menm i annan en defayans la. Eski zot pe mazin osi vwar sa?

E dernyerman Minis, i annan bann ki pe fer sa bann *long duty* ouswa *night duty* ki parfwa, sirtou parey mon get dan konteks Port Glaud ki en *post*, zot vwar zot tousel sirtou aswar. Eski zot pe mazin revwar akoz i annan serten lenstans kot serten lensidan in arive, *respond* e menm dimoun in vin kot stasyon li menm pour sey, pour sey fer serten *attempt*, zot vwar zot enn pti pe tousel.

Eski zot pe mazin revwar osi, pour fer sir ki letan i annan sa bann *night duties at least* i ava annan de dimoun la, e si pour *call backup by then* lensidan pe arive zot a kapab *manage* pour zot *deal* ek okenn sityasyon ki leve? Mersi.

MR SPEAKER

Mersi. Onorab.

MINISTER ERROL FONSEKA

Mersi Mr Speaker. Mersi Onorab pour ou kestyon e osi mersi lefe ki ou valoriz sa bann travay zofisye e ou konpran byen lenportans *welfare* ki enportan.

Night duty ki ou'n mansyonnen i pa en gran defi

akoz zot pe *2-night duty* dan sa sityasyon, taler mon a les *probably DG* ouswa *ComPol* koz lo bann *allowances*, ki kouver *food*, kouver serten diferan *allowances* zot gannyen.

Annou *train* dimoun osi pa zis pour aste *takeaway* – anmenn sa manze ki zot manz se zot i pli *healthy* ki *takeaway*. So annou ankouraz dimoun. Zot pa pe fer bokou *night shift*, i annan ase *night shift* ki zot fer, me pa neserman get sa larzan zis dan sa ki ou pou aste *takeaway*. Rod ou manze anmenn se ou ler – anmenn travay ler ou pe travay.

Long duty ou pe koz lo enn pti gin – ou'n mansyonn Port Glaud dimoun, enn pti pe *isolated* laba, mazin en toultan sipor i la ki nou pe fer sir ki tou zofisyé i kapab vin byen e *efficient* lo zot *radio communication*.

Ki zanmen, kantmenm menm si ou vwar en zofisyé li tousel, zanmen i li tousel, aköz i annan sa kontak ki i annan sa posibilite pour li, pour li *call help* si oule.

Mon pa konnen si *ComPol* pour – *ComPol* ou anv i azout lo la. Mersi Mr Speaker.

MR SPEAKER

Wi, *ComPol*?

COMMISSIONER OF POLICE TED BARBE

Mersi Mr Speaker. Wi lo size bann *allowances* definitivman i annan bann travay pe ganny fer lo la, lefe ki nou a prose pou revwar nou *Scheme of service*.

So, ou espekte ki nou sanz – nou ekspekte ki nou sanz enn pti pe *allowances* fer li enn pti pe pli pour *match* avek konmela.

Parey Minis in dir lo size en gard tousel dan stasyon i - Minis pe fer konpran poudir wi zot annan radyo, zot annan bann kontak. An plis ki sa, sa rezyon ki ansarz ki sa kordgard i tonm anba la, i bezwen *provide* patrol; i bezwen *provide* patrol pour vwar sa gard detanzaot.

An plis ki sa nou Sant Komann i osi annan en sistenm kot zot pe *call* bann stasyon, pe revwar ki mannyer sityasyon i ete. I parey patrol, *sometime ago* i ti en demi erdtan zot bezwen *call*, ki pe arive eksetera, kapab in sanze me selman i bann keksoz ki nou fer.

So, Port Glaud pa neserman tousel e bann lezot landrwa osi, pa neserman tousel, me pour amelyore wi nou pour annan plan pour amelyore definitivman. Mersi Mr Speaker.

MR SPEAKER

En klarifikasyon Onorab, wi.

HON EGBERT AGLAE

Minis, *ComPol*, mersi. Minis lo sa size manze la, i annan bann ki osi zot bezwen regarde ki i bezwen double li, parfwa i ganny demande pour double. I vini bomaten i sipoze pe ale me selman i kapab ariv en evantyalite kot i bezwen pe vwar – i ganny demande pour reste.

So, sa bann kategori ki la zot, zot pa pou kapab pran en bwat manze depi bomaten e ekspekte pour manz sanmenm apre midi, ouswa aswar. So, sa bann ki dan sa bann kad koumsa ki nou bezwen regarde,

E osi an terminan permet mwan Mr Speaker, bann ki'n fer sa *long shift* osi, ki osi ler zot fini pour zot al se zot, parfwa zot bezwen al tyake, ouswa pran en bis, eski provizyon en pe parey dan militer i fer, zot ganny en transpor pour anmenn zot se zot? Akoz zot fatigue zot osi. Mersi.

MR SPEAKER

ComPol, wi, adrese?

**COMMISSIONER OF POLICE
TED BARBE**

Mersi Mr Speaker. Mersi Onorab. Annefe nou pa ankouraz double *shift* dan lapolis. Nou annan leksperyans

ki'n arive ler ou double *shift*. Me si i annan lokazyon kot dizon i annan enn pti erdtan an plis *or whatever*, nou fer sir manze i ganny *provided*.

Ouswa si zot pe vin enn pti pe pli boner manze, transpor i ganny *provided*, manze i ganny *provided*. Pour *drop off* osi nou aranze, piske nou annan 4, 4 bann *omnibus* ki nou fer sir, zot aswar sirtou nou *convey* zot ladan.

So, i annan bann provizyon ki nou fer, si i annan landrwa kekfwa ki in annan enn pti zafer ki pa'n marse, so zot tande e nou fer sir nou aranze sa. Mersi Mr Speaker.

MR SPEAKER

Mersi.

MINISTER ERROL FONSEKA

Mr Speaker, zis pour azoute. Mon krwar – nou'n ekout Onorab an tou si oule, *welfare*, kondisyon travay in byen aranze dan Lapolis pour lenstan, la nou bezwen fer sir nou ogmant nou efikasite, ganny enn pti pe plis rezilta, e bon konportman, e sa ki nou le *focus* lo la enn pti, pa enn pti gin toultan.

Me selman nou'n get zot, zot an bon Leta, nou kontinyen get sa *welfare*, selman osi nou

bezwen demann sa rezilta osi.
Mersi Mr Speaker.

MR SPEAKER

Mersi Minis. Onorab Michel Roucou.

HON MICHEL ROUCOU

Mersi Mr Speaker. Minis laplipar mon kestyon in ganny demande par Onorab Aglae. Me selman si ou kapab dir nou apepre en *shift* konbyen zofisye i annan ladan?

E si an ka i annan serten *shift* ki petet i annan sa mankman lakantite zofisye, dan bann *shift*? Mersi.

MINISTER ERROL FONSEKA

ACP Desnousse a reponn sa Mr Speaker.

MR SPEAKER

Byen. Yes.

ASSISTANT COMMISSIONER OF POLICE ANTOINE DESNOUSSE

Bonn apre midi Mr Speaker. Bonn apre midi tou Manm. Mersi Mr Speaker, mersi Onorab pour ou kestyon. Zofisye lo bann *shift* i baze lo demann ki annan, lo bann stasyon, lo bann rezyon, i annan rezyon ki annan 7 zofisye, i annan ki annan pli mwens, me pa plis ki detrwa.

Souvandfwa nou vwar nou avek en *deplete* se ler i annan bann *sick leave*, ouswa *annual leave*, me sa nou fer sir ki – ou konnen i annan bann rezyon, bann rezyon ki ler nou vwar i annan serten bann mankman i annan bann kouvertir ki vini.

Sirman i pa sa ki nou ti ava oule. Nou le ki nou annan nou plis zofisye lo tou bann *shift* pour nobou deservi piblik. Me sa bann keksoz ki nou pe travay, nou ankor to firamezir nou pe fer bann *training* nouvo zofisye, ki kontinyelman antre dan sistenm, ki apre, ki nou kapab konplimant bann *shift*.

Me par kont osi nou bezwen pran kont ki nou annan osi bann *unit* ki nou bezwen pe travay avek. I depan lo bann demann e levennman osi ki vini, lo bann rezyon e dan bann stasyon. Mersi Mr Speaker.

MR SPEAKER

Mersi. Onorab Regina Esparon?

HON REGINA ESPARON

Mersi Mr Speaker. Mr Speaker eski Minis i kapab dir nou oparavan ti annan sa konplent kot bokou zofisye Lapolis pe dir poudir letan zot ganny konze Dokter, zot ganny demande pour rann, eski sa i ankor, i ankor pe ganny pratike e si wi akoz? Mersi.

MR SPEAKER

Mersi. Onorab.

MINISTER ERROL FONSEKA

ACP a reponn sa.

MR SPEAKER

ACP Desnousse.

MINISTER ERROL FONSEKA

Mr Speaker, *thank you*.

**ASSISTANT COMMISSIONER
OF POLICE ANTOINE
DESNOUSSE**

Mersi Mr Speaker. Mersi Onorab pour ou kestyon. Mr Speaker mon krwar i annan en konsep ki'n arive ki bokou zofisyè zot pe dir rann *sick leave*, *sick leave* pa rann! Ki nou'n dir, ki Polisi ki annan en plas se sa zofisyè ki ganny *sick leave*, lo son papyè *sick leave*, i mete ki zour i devret retourn travay e sa zour ki i devret retourn travay i bezwen retournen.

Akoz si ou pe travay 2 aswar 2 lizour, ouswa ler ou 2 aswar ou rod *sick leave*, sirman ler in ariv ou ler pour retourn travay ou zour ou bezwen retournen. E i tou depan lo sa *commanders* ki la, si ozordi mon *sick leave* in fini mon retourn travay, sa *commanders* i a pran

en desizyon si poudir mon a retourn kot mwan.

Nou ti okouran sa bann sityasyon, e nou'n fer sir ki nou dir non! Napa sa zafer rann *sick leave*, *ok* i pa egziste! Nou pa rann *sick leave*! Me sa dat ki mete lo ou papyè pour ou retourn travay, ou bezwen retournen. E parey mon'n dir i depan lo sa *commanders* ki la si ou devret pe reste travay, ou reste me *or else* i kapab dir ek ou, be ou en dimoun ki donnen alor al kot ou, *ok* - esper ou *shift*, vin travay.

Nou pa antre dan sa zafer kot en zofisyè lapolis i bezwen rann *sick leave*, sa si i ankor pe egziste parey *ComPol* i dir pli boner, lo bann sityasyon ki nou, nou pa pe okouran, vini vin devan dir nou e nou, nou ava *take up*. Mersi bokou Mr Speaker.

MR SPEAKER

Mersi ACP. Onorab Bistoquet.

HON ROSIE BISTOQUET

Mersi Mr Speaker. Bonn apre midi Minis avek ou delegasyon. Mr Speaker mon'n ekout *DG* letan in dir sa devlopman profesyonnel ki ganny en zour apre zot *off*. Mon ti a kontan konnen ki – ki kalite ki kad *training* bann *recruit* i ganny formen avek apre ler zot *exit*,

avek kwa ki zot *exit* en diplom, en sertifika ouswa kwa?

Aprè ki bann - pour asir *professionalism*, eski i annan okenn inovativ kot i konsèrn *continuous professional development* mon a pe koz lo sirtou in *service training* ant 3mwan-lan pour kapab ogmant spesyalizasyon sa bann zofisye isi Sesel. Mersi.

MR SPEAKER

Mersi.

MINISTER ERROL FONSEKA

Mersi Mr Speaker. Mersi Onorab pour ou kestyon mon a pas ek DG pour donn enn pti pe plis lo la, *especially* lo *in-service training*. Mersi Mr Speaker.

MR SPEAKER

Tre byen. DG?

DG ADMINISTRATION JOSEPH BIBI

Mersi Mr Speaker. Mersi Onorab pour ou kestyon. *Basically*, letan en polisye i zwenn nou apel sa *recruit course*, normalman i baze la 4 mwan, so sa i son *basic policing*, en? Enn fwa ki i fini sa, detanzantan, detanzantan nou annan sa ki nou apel *in-service training*. *In-service training* ennler i baze lo bann *trance* ki nou trouve; bann keksoz

enportan pour fer sa polisye vin pli efektiv. E osi an sa ki konsèrn sa nou annan osi *overseas training* ki nou anvoy nou bann zofisye partisip ladan, sa i kapab kouver loperasyon oubyen lo nivo *CID* lanket ki mannyer fer lenvestigasyon.

Me enteresan osi nou annan sa kour lan, ki nou fer *Certificate in Policing*, ki en zofisye i sorti avek en *Certificate in Policing* i osi i annan son *allowance* ki vin avek pour *certificate*. I annan son *Diploma in Policing*.

E tre resaman la nou'n diskite avek Liniversite Sesel, kot nou'n ganny sa *Diploma* dan *Paralegal*, sirtou pour bann zofisye enn pti pe pli avanse.

E tou sa ki nou pe sey fer se kontinyelman donn nou bann zofisye lantrennman, pa zis lantrennman, pa zis lantrennman pratik, me osi lantrennman teori, ki zot kapab sorti avek en sertifika ki ganny rekonnet, e ki zot kapab pourswiv *further studies*; pa zis dan *policing* toulezour, me osi dan bann lezot. Menm nou'n lyez ek ANHRD pour *Masters*.

Menm nou annan enn ki pe bouze la pour tre byento pour son *PHD* e nou osi annan bann *training* spesyalize, kekfwa nou annan bann *unit*

spesyalize, kot nou bezwen donn zot bann *training* spesyalize, pour zot kapab vin pli efikas dan zot travay.

So an gro se ki nou zofisye lapolis i kontinyelman ganny lantrennman dan zot karyer koman en polisye. Mersi Mr Speaker.

MR SPEAKER

Mersi DG. Prosen kestyon 114 Onorab Aglae.

HON EGBERT AGLAE

Mersi Mr Speaker. Kestyon 114 i lir *comme* swivan: -

Eski Minis i kapab donn detay sa Lasanble, lo *fleet* transpor ki Lapolis i annan anba son departman, e konbyen loto lwe ki sa departman i ankor pe servi? Mersi.

MR SPEAKER

Mersi Onorab. Minis.

MINISTER ERROL FONSEKA

Mersi Mr Speaker. Mersi Onorab pour ou kestyon. Ankor enn fwa mon a pas ek DG, apre nou a kouver pli tar Mr Speaker.

MR SPEAKER

Yes, DG?

DG ADMINISTRATION
JOSEPH BIBI

Mersi Mr Speaker. Mr Speaker nou annan plis ki en 100tenn transpor dan nou *fleet*, sa bann transpor i ganny distribye dan tou stasyon e *unit* lo Mahe, Praslin e La Digue. Nou *fleet* transpor i aze, i annan ki menm plis ki 20an, sa i vedir ki zot in depas zot lannen servis.

An se moman nou pe depans bokou lo - pour kapab fer mentenans e gard zot an operasyon. I enportan note Mr Speaker ki laplipar nou bann transpor i an servis lo en baz 24er toulezour e sa i fer ki son probabilite pour antre garaz avek bann defo *mechanic*, i tre o.

Ladministrasyon Lapolis in vwar ki i nesesit en sanzman zeneral dan lakantite e kalite transpor ki nou annan, me sa Mr Speaker i bezwen ganny fer par staz, baze lo alokasyon bidzeter.

Mr Speaker, ladministrasyon lapolis in antreprann en letid lo kalite transpor ki kapab konpatib avek natir nou travay e teren an zeneral. E nou'n trouve ki en transpor patrol ideal pour kout en lavalèr 1.2milyon pour met lo semen. En *fleet* transpor ideal pour lapolis kapab ranplas zot bann transpor, ki

aktyelman pe donn nou bann problem *mechanic* i 35.

Sa i Mr Speaker ki lapolis i a kapab antreprann en plan konpreansif, pour rearanz bann transpor ki deza an servis e fer provizyon pour dispoz bann ki nepli bon.

An sa ki konsern transpor lwe Mr Speaker, nou kapab konfirman ki sa nouvo ladministrasyon, in fer son mye pour minimiz lakantite transpor ki nou lwe.

Mr Speaker, par kont nou realize ki i annan serten loperasyon Lapolis ki bezwen servi transpor lwe lo en baz kontinyel. Dan bann lezot sirkonstans transpor i ganny lwe pour e kourt letan pour ranplas - pour ranplase ler ki nou bann transpor i dan garaz, ou pour bann loperasyon kourt term. Mersi Mr Speaker.

MR SPEAKER

Mersi DG. Ou siplemanter Onorab Aglae.

HON EGBERT AGLAE

Mersi DG pour ou larepons. DG mon premye kestyon i lo lasante zot bann transpor. Eski lapolis in fer demann pour annan bann transpor modern? An vi ki mon vwar dan Gouvernman i annan bann diferan transpor ki pe antre,

Minis i ganny pour li, la mon vwar *Cadillac*. Eski lapolis in fer rekomandasyon pour ganny bann transpor modern? Sa i enn.

Dezyenmman, lo kote *car hire*, anvi ki ti annan dan lepase, sizyenm Lasanble sirtou ti annan en latak asarnen lo kote *car hire*, eski – ou pa'n dir mwan konbyen *car hire* ki zot pe servi? Menm si mon pa pe al dan detay kote i ete mwan, konbyen e konbyen pe koute?

E dernyerman kot i konsern *maintenance*, i vre ki i annan konsern par bann zofisyé lapolis e menm mwan mon'n apersevwar serten transpor lapolis ki pase ki ou pe tann en bann kalite tapaz ki pa sipoze. Eski zot satisfé ek garaz, louvraz, servis ki sa bann garaz pe donn zot?

E eski i annan verifikasyon osi ler i sorti garaz, poudir travay ki i sipoze fer lo sa bann transpor in ganny fer? Mersi.

MR SPEAKER

Mersi. Onorab. Minis nou a pas kestyon ek DG.

MINISTER ERROL FONSEKA

Wi DG. Mr Speaker, mersi Onorab pour kestyon, DG i a kontinyen ek lo la. Mersi.

DG ADMINISTRATION
JOSEPH BIBI

Mersi Mr Speaker. Lasante nou bann transpor an zeneral parey mon'n dir pli boner nou ti a kontan i vin – i ti a vin pli an bonn sante e parey mon dir parfwa i tre difisil, akoz letan en transpor i – nou apel sa kase, savedir i annan defo *mechanic*, i pa donn ou bokou letan pour nou kapab fikse sa an antye, parfwa akoz loperasyon i *still going on*.

Parey mon dir nou servi li pour 24erdtan, me nou seksyon transpor i fer son mye. E nou annan bann dimoun ki kot nou kot seksyon transpor ki si i bezwen al garaz sa dimoun i akonpany sa transpor garaz pour fer sir ki travay neserer i ganny fer lo la. Me i annan bann travay ki pli lonterm ki nou bezwen mentenir sipervizyon lo la.

An sa ki konsern *maintenance* nou annan en program *maintenance*, me parfwa legzizans travay osi i met en pe presyon lo - i met en pe presyon lo nou seksyon transpor pour donn transpor pour kapab kontinyelman travay.

Lo konsernan *car hire* nou - letan nou ti vini, nou *car hire* ti *over forty* e la mon kapab dir ou ki nou dan en 20tenn, ler

mon dir ou en ventenn posibleman nou annan en 12zenn ki en pe pli *fulltime*, me parey mon'n dir i annan *breakdown* ki tanzantan nou bezwen *pull* enn in pour kontinyelman travay.

Me parey mon'n dir nou pe kontinyelman fer zefor, pour nou tir *car hire* pour nou kapab ranplas li avek bann transpor ki pour nou menm Lapolis.

E finalman, parey mon'n koz lo kalite transpor ki lapolis dezire annan, i bann transpor ki parey bann *four-wheel drive*, petet nou a kapab donn zot nou bann spesifikasyon ki nou pe rode pour ki resers nou'n fer e sa nou ava *provide* ek Lasanble pour zot kapab get lo i;, parey nou dir bann *custom made* ki nou'n donn nou bann spesifikasyon, ki vreman nou oule lo la.

MR SPEAKER

Thank you. Onorab Aglae si ou annan en klarifikasyon lev lanmen silvouple.

HON EGBERT AGLAE

Wi zis en klarifikasyon ki mon - zis mon anvi aborde.

MR SPEAKER

Ale.

HON EGBERT AGLAE

Eski zot in fer sa demann avek Gouvernman pour dir mon bezwen sepa 15, 20 transpor parey i pe dir? Sa ki mon anvi konnen.

MR SPEAKER

Bon DG, ou kapab zis reponn sa?

DG ADMINISTRATION
JOSEPH BIBI

Annefe dan – pour Bidze 2024, nou parey mon'n dir ou nou pe fer li pa staz, nou'n fer nou *request* e nou osi annan en bon dyalog ek Komite Sekirite e Ladefans, ki pe vremen pous sa azanda devan, me parey mon dir ou nou bezwen fer li par staz, de tou depandan lo alokasyon Bidzeter. Mersi Mr Speaker.

MR SPEAKER

Mersi. Onorab Pillay ou kestyon.

HON SEBASTIEN PILLAY

Mersi Mr Speaker. Mr Speaker, baze lo levidans ki nou annan e nou travay ki bann Komite FPAC in fer dan lepase ek Oditer Zeneral, ti annan en lodit performans ki ti ganny fer lo transpor lapolis.

Ler mon tann ou dir ki ou annan transpor ki plis ki 20an, ou pa dir nou ou annan

transpor ki ou'n fek gannyen. Ou'n annan plizyer *batch* transpor ki zot in gannyen. Si mon pa tronpe i annan en *batch* ase resan ki zot in gannyen, apre i annan en *batch* 36 veikil ki zot ti gannyen *sometimes around* 2018. E sa ti anba *India line of credit* ki lapolis ti gannyen.

So si ou annan 100 veikil, ou pe dir nou ou annan plis ki 20an pa *dramatize*. Sa ki nou le konnen nou se ki konbyen veikil ou annan? Ou'n dir nou apepre 100, so zot bezwen annan lenformasyon devan zot la ki pe dir nou konbyen veikil ki Lapolis i annan ki pe servi ozordi? Konbyen? En *figure*.

Dezyenm, konbyen *car hire* ki zot pe lwe, pour lapolis servi? Sa de kestyon aköz nou bezwen konnen Mr Speaker, pour nou kapab klarifye serten keksoz be nou pa pe ganny sa lenformasyon avek lapolis ozordi apre midi. Mersi Mr Speaker.

MR SPEAKER

Mersi. DG, ou pour rebran?

DG ADMINISTRATION
JOSEPH BIBI

Mersi Mr Speaker. Sa kestyon egzakt konbyen i annan, ki kalite i annan, mon kapab pli tar demen, avan midi fer

Lasanble gannyen. Mersi Mr Speaker.

MR SPEAKER

In demann ou osi lo kestyon loto lwe, me selman loto lwe mon krwar in reponn. In dir apepre 20, me i varye. Klarifikasyon Onorab?

HON SEBASTIEN PILLAY

Mersi Mr Speaker. Mr Speaker nou pe *deal* avek Departman Lapolis. Dan - an sa ki konsern transpor Departman Lapolis ou pa kapab annan apepre 20. Sa kestyon in vin lo *Order Paper* in ganny anvoy-e kot Departman Zafer Entern depi 2 semenn *at least la*.

So, i pa akseptab ki nou pe ganny – nou pe demann en kestyon pour nou konnen konbyen transpor i annan. Ki zot dir prezan zot bezwen anvoy kot nou demen. Rezon pour sa akoz nou bezwen etabli si i *natural wear and tear* ki pe fer ki sa bann transpor lapolis in ganny afekte.

Akoz lesansyel pour ou delivre en servis ki efikas se ki ou annan ou, si ou annan ou 26 kordgard, espektasyon popilasyon se ki tou le 26 kordgard i kapab annan en transpor pour fer travay.

So, akoz ki zot napa sa lenformasyon? E eski zot annan

en *transport manager* oubyen *fleet manager* dan Lapolis pour manage sa *fleet* transpor ki zot annan Mr Speaker? Mersi. Mon ti a kontan ganny presizyon Mr Speaker. Mersi.

MR SPEAKER

Mersi. Minis nou al kot DG ankor?

DG ADMINISTRATION

JOSEPH BIBI

Mersi Mr Speaker. Sa lenformasyon i pa avek mwan la devan mwan, parey mon'n dir Manm Onorab mon a fer li gannyen avan midi demen. Mersi Mr Speaker.

MR SPEAKER

Bon. Onorab Michel Roucou.

HON MICHEL ROUCOU

Mersi Mr Speaker. Minis annefe dan sa *batch* transpor zot in dir Lapolis i annan si sa i enkli bann moter ki seksyon trafik i servi, parey mon vwar tou le bomaten dan bann zofisye dan trafik i servi moter?

E osi lo kote pour *maintain* zot transpor, kantite garaz ki zot lapolis zot anmenn zot transpor pour fer servis, ouswa okenn travay *mechanic* lo la? Mersi.

MR SPEAKER

Mersi Onorab. *DG* kontinyen.

DG ADMINISTRATION
JOSEPH BIBI

Mersi Mr Speaker. Wi dan sa *fleet* i enkli nou bann moter, me osi moter mon le fer resorti ki li osi nou bezwen fer – nou'n fer en travay lo la pour nou rod bann moter ideal pour lapolis.

E sa i a fer ki nou a kapab donn en meyer servis. E garaz ki nou pe servi nou annan apepre 6 garaz, garaz ki pe ed nou avek nou mentenir nou *fleet* transpor. Mersi Mr Speaker.

MR SPEAKER

Mersi *DG*. Onorab Monthy.

HON PHILIP MONTHY

Mersi Mr Speaker bonn apre midi Minis avek ou delegasyon. Kestyon i en pe dan laliny siplemanter ki Onorab Aglae in demande lo son kestyon. Lo nivo sipervizyon, mon ti a voudre konnen, eski zot satisfes avek sa nivo sipervizyon ki zot annan lo travay ki pe ganny fer par sa bann garaz lo sa bann transpor? E eski zot asire ki napa kolizyon ant okenn zofisye ki responsab pour transpor dan zot Departman Lapolis avek okenn garaz?

Akoz mon pe dir sa, aköz mwan personnelman mon'n

vwar serten travay ki sorti kot serten garaz, kot nou kapab apel sa en travay *cowboy*, kot pyes in ganny *weld* kot i sipoze ganny sanze, *ok*?

So eski zot satisfes poudir sa nivo sipervizyon i alaoter e napa sa bann pratik ki pe deroule ant serten zofisye e serten garaz? E lot kestyon eski zot pe mazin al dan laliny reentrodwir zot prop garaz, parey ti annan dan leparse? Mersi.

MR SPEAKER

Minis, *panel*, Minis endike lekel ki pour reponn.

MINISTER ERROL FONSEKA

DG i a reponn en bout apre *ComPol* i a fini lo sa dernyen kestyon.

MR SPEAKER

DG, ou annan laparol.

DG ADMINISTRATION
JOSEPH BIBI

Mersi Mr Speaker. Annefe, Mr Speaker, nou'n entrodwir pour ed nou avek sipervizyon lo kalite travay, lo nou bann transpor, nou'n entrodwir nou sistenm *fleet management* ki permet nou *monitor*, ki permet nou *monitor from fuel*, sanzman pyes, kan i dan garaz, kan i sorti e sa nou pe fer *training*

avek tou nou bann stasyon avek tou nou bann zofisyé.

E santral nou annan sa sistenm e bokou nou bann *heads* i annan sa sistenm, kot nou kapab *monitor* enn pti pe nou tou ki sa ki pe pase avek nou bann veikil ki dan *fleet*.

E nou osi annan bann *report* ki nou - bann stasyon i donnen tou le bomaten lo leta bomaten ler zot pran *duty*, ki mannyer leta transpor i ete si zot krwar i demann okenn entervansyon avek.

E tousala i dan sa fason pour nou kapab – donn en pli bon sipervizyon ki mannyer nou *fleet* i ganny *maintained*. Mersi Mr Speaker.

MR SPEAKER

Byen *ComPol* pour kontinyen?

COMMISSIONER OF POLICE TED BARBE

Mersi Mr Speaker. Mersi Onorab pour sa detrwa kestyon. Lo size *malpractice*, mon zis anvè fer resorti ki i annan lensidan ki nou'n pran aksyon avek dan lepase. E si i annan okenn ki monte la, parey *DG* in ekspliké, nou annan fason *monitoring* enn pti pe pli pres si oule avek teknolozi, dan Sant Komann zot kapab *monitor* kote transpor i ete egzaktéman, apre kot

Transport Unit zot kapab – zot annan sa *fleet management system* kot zot kapab *monitor* depi *fuel and you name it*.

So nou'n bouz enn pti pe ver teknolozi lo sa bout. Me selman pour dan lavantaz - nou bezwen fer en *study*, pour gete si vreman ti a pli meyer e petet Gouvernman i kapab reget enn pti pe ladan osi, vi ki nou en lafors sekirite.

E *nature* – natir nou travay petet nou ti ava annan en fasilite garaz avek en serten lasistans petet osi. Me selman i ganny *manage* par nou menm, kekfwa nou ava annan pli kontrol.

Mon konnen sa bann *practice* dan lepase ti egziste, apre in ganny fer arete me selman nou kapab revwar avek plis kontrol, *management* eksetera, kekfwa nou kapab reentrodwir. Nou bezwen fer en proze lo la get ki nou kapab vin avek ki pli rantab pour Lapolis ekonomikman pour pei an zeneral. Mersi Mr Speaker.

MR SPEAKER

Mersi *ComPol*. Nou a pas lo prosen kestyon e sa se *Question Without Notice* dan non Onorab Churchill Gill. Onorab ou a poz ou kestyon.

HON CHURCHILL GILL

Mersi Mr Speaker. Kestyon i lir koumsa: -

Vi ki i annan zofisyé Lapolis ki'n ganny poste Mahe sorti Praslin resaman, ki prosedir pour bann zofisyé ki ganny poste sorti Praslin oubyen La Digue

a) Eski zot ganny akomodasyon avek *allowance* e konbyen?

b) Eski zot ganny okenn tiket ler pou zot al vizit zot fanmir?

c) Eski tousala i ganny diskite avek sa bann zofisyé avan ki zot al kot zot in ganny poste? Mersi.

MR SPEAKER

Mersi. Minis?

MINISTER ERROL FONSEKA

Mersi Mr Speaker. Mersi Onorab Gill pour ou kestyon. Larepons tou le trwa ou kestyon i wi, e mon a pas ek ACP Desnousse pour donn ou enn pti pe plis detay. Mersi Mr Speaker.

MR SPEAKER

Tre byen. ACP?

**ASSISTANT COMMISSIONER
OF POLICE ANTOINE
DESNOUSSE**

Mersi Mr Speaker. Mersi Onorab pour ou kestyon. Mr

Speaker, les mwan komanse par dir ki letan en dimoun i deside pour zwenn Lafors Lapolis, dan son prosedir entervi i ganny dir ki a nenport moman zot kapab ganny transfer lo en baz rotasyon ki swa lo Mahé, Praslin ou La Digue.

Mr Speaker, transfer i osi form parti dan plan stratezik lapolis.

Mr Speaker mon kapab konfirman swivan sa transfer resaman wi, ladministrasyon lapolis in fer provizyon pour sa bann zofisyé ki zabitan Praslin, e La Digue ki'n ganny transfer isi Mahe, zot ganny akomode avek en lozman, e zot pour ganny *disturbance allowance* R1500 ki en *one-off*, e R400 *island posting* li i pour tou le mwan.

Mr Speaker, transfer i ankor pe kontinyen ganny fer antre Mahe, Praslin, La Digue. Mr Speaker, wi ladministrasyon lapolis i fer provizyon ki sa bann zofisyé ki ganny poste Mahe, i ganny en tiket tou le mwan pour al vizit zot fanmir, e i parey bann ki ler i ganny poste Praslin ouswa La Digue zot osi, zot ganny tiket pour desann, pour vin Mahe pour zot vwar zot fanmir.

Mr Speaker, sa bann zofisyé i ganny kriye par en

Board Transfer, kot zot ganny enformen lo sa desizyon. Apre zot annan drwa fer rapel kont zot transfer, e sa i ganny rediskite e desizyon i ganny pran baze lo merit sa lapel.

Me i enportan ki nou note ki annan bann *transfer senior officers* ki Komisyoner Lapolis avek Komite Egzekitiv, *Board* Egzekitiv i zwenn zot pour diskite avek zot.

Mr Speaker, bann transfer ki'n ganny fer resaman, i annan ka kot *Board* Transfer in pran konsiderasyon rapel e sa bann dimoun in reste dan zot *posting* kot zot ti ete. Mersi Mr Speaker.

MR SPEAKER

Mersi *ComPol*. Ou siplemanter Onorab Gill.

HON CHURCHILL GILL

Mersi Mr Speaker. Mersi pour ou larepons. Mon siplemanter se sa akomodasyon ki ganny donner avek sa bann dimoun ki ganny poste, eski ou kapab dir nou si i *semi-furnished* oubyen si *fully furnished* e kwa ki ekipe sa akomodasyon?

E wi, i kler ki sa bann zofisyete sorti Praslin zot in ganny *accommodate*, e i kler osi ki zot in ganny diskite. Me selman sa *one-off*, si mon ti kapab ganny en - ti kapab donn Lasanble en leksplikasyon sa *one-off*. Akoz

apre ou dir nou i annan *posting* R400 ki swiv tou le mwan. Mersi.

MR SPEAKER

Thank you.

MINISTER ERROL FONSEKA

Yes. Mersi Mr Speaker *ComPol* i a kouver sa akomodasyon ek sa *one-off*.

COMMISSIONER OF POLICE TED BARBE

Mersi Mr Speaker. Onorab mersi. Sa *one-off* mon a donn enn pti pe *history* si oule, pa pour tarde.

Oparavan dan lepase zis bann zofisyete ki reste Mahe ki pe al Praslin ou La Digue transfer, ki ti ganny sa *one-off*, avek sa *island posting*. Be apre nou'n vwar poudir – en pe letan nou pe koz lo la nou'n dir be ou pour bezwen fer li nivo partou, sa ki reste Praslin ek La Digue ki pe transfer zot bezwen ganny egzaktaman parey, so nou'n fer sa la nou.

Sa transfer i - si mon pour dir ou i date en pe letan nou pe travay lo transfer Praslin/La Digue/Mahe, Mahe osi in annan transfer *by the way, from* stasyon Mahe *across* Mahe. So, sa *one-off* i en *one-off* savedir i ed ou, i pa en *disturbance*, i ed ou ou'n ganny *disturb* dan ou

landrwa so pour ou pey enn pti pe ou deplasman si oule; so i *one-off*.

Me *whereas the island posting continues*, i pour ale ek ou *as long as* ki ou dan sa kalite transfer. I *furnished*, landrwa i *furnished*. Nou pa pour kapab –

(Off-Mic)

**COMMISSIONER OF POLICE
TED BARBE**

Non, i *furnished* avek sa ki en dimoun pour antre dan en lakaz, i pour annan son sez, sirman lili bann zafer - ou konnen? *TV*; *TV* i pa neserman - mon krwar - i annan landrwa ki nou'n deza. Mon krwar Praslin nou'n deza asiste, nou asiste kot nou kapab, even boutey gas nou asiste. So nou, nou asiste nou. Mon pa konnen si mon'n reponn antye. Mersi Mr Speaker.

MR SPEAKER

Ale en klarifikasyon, Onorab Gill.

HON CHURCHILL GILL

I annan zis enn. Zis pour - mwan mon ti a sizere vi ki bann zofisyé sorti Praslin in ganny poste, si i posib pour mwan ganny en vizit avek ou pour al get sa akomodasyon, ou a zis

les mwan konnen kan i posib pour sa.

Apré dezyenm, vi ki ou'n donn sa 1500 *one-off*, mon krwar ou realize poudir, i reflekte serten tranzaksyon ki sa bann dimoun i fer. Be dan sa 400 eski zot manze ler zot pe travay Mahe i form par ladan, oubyen sa Lapolis i donn zot separeman? Mersi.

MR SPEAKER

ComPol, yes?

**COMMISSIONER OF POLICE
TED BARBE**

Mersi Mr Speaker. Mersi Onorab. Sa 400 non, i pa form parti aköz zot annan zot *meal allowance*. I apar sa. i dan *Scheme*. I apar - wi, wi. Zisteman vizit *welcome*. Annefe nenport ki dimoun pour *welcome* pour zot vin vizite.

Apré mon ti a kontan zis azoute poudir Praslin, La Digue, Mahe nou la tou lazournen nou pour fer, nou abitye fer. Me Praslin, La Digue Egzekitiv Lapolis ki Komisyoner son Depite, Asistan, *DG* avek sa ki ansarz finans, nou pe al Praslin La Digue *as from Zedi* apredmen, non? Zisteman pour al vizit enn pti pe nou bann zofisyé, koz ek zot tou le de zil koz ek zot enn pti pe ki nou ekspekte de zot.

Zis ranforsi enn pti pe zot konnen ki zot lobzektif zot manda, me selman zis pour nou *ensure ki everything is ok and they are ok in their new*, kot nouvo landrwa kot zot in ganny transfer.

E osi, nou le osi anmenn enn pti pe sa travay kolaborasyon avek bann lezot lazans ki *stakeholders* ki lo sa de zil, egalman parey Mahe nou pe fer kot; *SFRSA, Fire Service, DA, Port Authority, Lanvironnman, you name it*. Tou bann *stakeholders* ki nou konnen i lo La Digue ek Praslin, zot pour ganny en vizit ansanm ek nou, kot zot fer sir ki i annan sa kolaborasyon si oule, nou konn enn pti pe ki pe arive. Mersi Mr Speaker.

MR SPEAKER

Mersi. Vi ki sa ti en *Question Without Notice*, mon pa pour prolonz siplemanter, mon pour pran 2 kestyon enn kote isi, enn kote isi Onorab Woodcock ek Onorab Vidot.

HON WAVEL WOODCOCK

Mersi Mr Speaker. Minis sa size i enn i annan enn de konstab ek lenspekter in aport dan mon latansyon; ki annefe mon adrese avek *ComPol* e osi avek Asistan Komisyoner Wirtz.

Mon apresye desizyon ki Lapolis in pran pour osi fer provizyon ki bann zofisye ki sorti Praslin/La Digue ki bouz Mahe zot ganny sa bann *allowance, displacement allowance, island posting*.

Me mon kestyon i baze lo akomodasyon. Ozordi Lapolis pe depans bokou larzan pour lwe bann lakaz prive e mon konnen i en kou ase, ase signifikan. Me dan lepase Lapolis ti annan apele barak Lakaz Gard, parey la zisteman Praslin Tamatave Estate ki ti en – bann lakaz gard ti la in ganny kraze, en *housing estate* in ganny fer. E mon konnen ki annan serten diskisyon ant Lapolis avek Minister pour Later ek Lakaz, pour ki enn de sa bann flat, i ganny *allocate* avek bann zofisye ki ganny - parey mon dir - *displaced* sorti Mahe pour vin Praslin ouswa pour al Mahe.

Me *going forward* eski i pa pour fer plis sans si nou kapab retourn lo lafason ki keksoz i ganny fer avan, ki annan bann barak, ouswa bann lakaz spesifik ki ganny fer pour bann gard ki ganny *displaced* sorti en zil pour al lo lot?

Ki ava ede koup sa bann depans, sa bann gro sonm larzan ki Gouvernman pe

depanse pour lwe bann lakaz?
Mersi.

MR SPEAKER

Mersi. *Panel?* Lekel ki pour adrese?

MINISTER ERROL FONSEKA

Mersi Mr Speaker. Mersi Onorab pour ou kestyon. E byensir i annan en keksoz ki nou'n osi diskit avek Minis Later, i menm ler zot fer bann diferan *housing, housing block apartments*, ki sey a tou moman sey *allocate* en lakaz, en apartman ek en zofisyé lapolis e lezot *law enforcement*, ki kapab servi sa - konmsi ou kapab annan en dimoun dan *uniform* dan okenn blok.

Sa en bon keksoz aköz *straight away* ou annan en dimoun disiplin la si i annan okenn *emergency*, i kapab pe ede, me apre anmenn enn pti pe disiplin osi. Parfwa sa bann *block* i enn pti pe an dezord ler zot in ganny li.

So, en dimoun dan *uniform* la i a ed en kantite, i a anmenn sa polisye o bor kominote ankor enn fwa, so tousala bann bon nide. E en landrwa spesyal osi pour fer, nou annan en pti bout later mon krwar nou pe koz ek Minis Later lo o bor simityer Mont Fleuri.

So, i annan enn de landrwa ki pour Lapolis ki nou pe kalkil fer egzakteman sa. Mon krwar *ComPol* i annan okenn keksoz pour azoute?

**COMMISSIONER OF POLICE
TED BARBE**

Mersi Mr Speaker. Mon a fer li kourt mon azout zis enn de pti zafer. Lontan ler en dimoun i antre gard, enn bann keksoz ki ti si oule *insti...* enn pti *incentive* (wi-wi, mersi) enn pti *incentive* ki sete zot ganny akomodasyon. So, ti annan 2, *two types*; ti annan sa ki *single barrack* pour en boug ki tousel, en madanm gard ki tousel, apre ti annan pour *married couple* ki ti en lakaz.

So, ou ti *already feel* enn pti pe konfortab, enn pti pe pli *secure* e anvi zwenn. Apre sa, mon krwar tou dimoun ki la i konnen ki'n arive, nou'n ganny, nou tou nou bann landrwa in ganny pran, kot tou kordgard ti annan barak, ti annan fasilite barak avek akomodasyon pour bann koup. Me malerezman tousala in ganny pran, in *phase out*, nou napa.

So, mon apresye sa bann demars ki pe ganny fer zisteman. Ler nou pe koz petet nou ganny en *ground plus two, plus three*, nou pa pe mazin zis Praslin/La Digue, nou pe mazin

Mahe osi, i annan bann *single* ki reste, *single officer* ki reste en pe lwen, ki pe travay dan serten distrik kekfwawa ki pre avek kot sa akomodasyon i ete ki ti a kontan petet ganny en landrwa pli pre. So i ease enn pti pe problemm transpor e konvenyans pour sa stasyon e pour zabitan dan sa distrik.

So lontan ler nou ti annan akomodasyon, mon pa ti dan mon lepok ler ti annan sa fason ki mon pe dir, me mon konpran parey Mont Fleuri ler ou pez en bouton pa konnen ki pour fer ek gard. Napa ase plas dan *pickup* pour met gard ladan. Akoz? Akoz ti annan akomodasyon *just across the road*.

So, mon zis donn sa pti *history* pour nou konnen ki i annan en lavantaz. *And* wi, nou bezwen fer li retournen sa zafer lakaz la. Mersi bokou Mr Speaker.

MR SPEAKER

Mersi *ComPol*. Onorab Vidot, ou kestyon.

HON AUDREY VIDOT

Mersi Mr Speaker. Bonn apre midi ankor enn fwa Minis ek ou delegasyon. Mon kestyon pour Minis oubyen *ComPol*, eski zot in fer sir ki tou bann zofisyete ki'n transfer zot in ganny enformen? Eski zot pe donn nou en

lasirans nou Lasanble ozordi, ki sa prozesis i pour kontinyen mars parey? E dan sa dele, eski osi dan sa dele letan ki normalman zot enform bann zofisyete pour sa transfer?

E dezyenm, eski – mon konnen pli boner ti annan sa kestyon *welfare*, mon pa'n le antre akoz mon ti le vin spesifikman pour lo zil. Ler sa zofisyete i transfer pour al lo bann zil, eski zot transfer avek zot bann lekipman parey *utility belt* ki zot gannyen? Oubyen i annan bann nouvo, nouvo lekipman ki zot ganny donner ler zot ganny transfer lo zil? *Thank you.*

MR SPEAKER

Mersi Onorab. *Panel* lekel pour reponn?

COMMISSIONER OF POLICE TED BARBE

Mersi Mr Speaker. Mersi Onorab. Tou - *well* dele letan pour enform zofisyete e - *well* i baze parey mon pe dir enn pti pe *strategic* sa bann zafer la, ler pour ou transfer en dimoun *its all about* stratezi sa lafors, ki ou pe fer? Lekel ki ou pe transfer? Kote ou pe plas li? Akoz ou pe transfer li?

Petet i annan plizyer, plizyer fason, i annan *leadership* ki nou'n transfer

leadership tou, nou pe al fer la ler tou dimoun i annord dan zot landrwa nou pe - mon krwar nou'n deza komans pibliye, me selman nou pour fer li enn pti pe pli *official*. Kote tou dimoun i ete? eksetera, eksetera, sirtou bann ki dan *leadership*.

So, transfer i baze enn pti pe parey mon'n dir stratezi *leadership*, performans sa dimoun. E osi si en dimoun in fer en keksoz mal dan en landrwa ki ase grav, - en transfer i en solisyon kot i pa ganny akse avek *whatever* mal ki i ti pe fer dan sa landrwa. So, sa i sa.

Prosesis i mars parey. Savedir tou sa ki nou'n dir lo size ki konsern mouvman, akomodasyon, *allowances*, tousala i pour tenir. Ti annan en keksoz ki pa ti neserman *justify way back* ki mon krwar la nou'n viz zistifye li.

So, *when to inform an officer?* Nou fer sir ki i ganny letan *still* pour fer sa *handing over*, ler nou dir li. Sa ki enportan. Mersi Mr Speaker.

MINISTER ERROL FONSEKA

Mr Speaker. Mon kapab? Mon anvizis azout enn pti keksoz lo la. Byensir ou anvizis *inform* dimoun ase letan. Me selman *at the same time*, nou dan en sistenm disiplinier e i annan en

demann ki vin vitman, i annan en, en sityasyon i kapab monte ki ou kapab fer en serten keksoz.

E annou pa met dan lespri dimoun osi ki tou keksoz i mars dan en fason ki ou ganny, si ou pa swiv sa bann zafer ou pa kapab *deal* ek en *emergency*.

Nou dan en sistenm disiplinier dan lapolis e *Commissioner of Police* bezwen annan sa *ability* pou fer desizyon vitman e parfwa en dimoun i kapab ganny bouze vitman e i devret pran sa dan par son louvraz. Mersi Mr Speaker.

MR SPEAKER

Mersi. Ale terminen Onorab.

HON AUDREY VIDOT

Non konsernan lekipman. Mon pa'n tann li reponn. Apre zis pour en leklersisman. Lo rezon ki mon ti met lanfaz lo dele letan, se plizoumwenn akoz ler ou pe dir get *welfare* ou bann travayer, ou annan ki transfer zot fanmir osi i bouz lo zil, so pour zot kapab aziste sa dele letan pour zot aziste. Mersi.

MR SPEAKER

Mersi. Komanter, wi *ComPol?*

COMMISSIONER OF POLICE TED BARBE

Mersi Mr Speaker. Mersi Onorab. Lekipman zot pour bouz avek zot lekipman. *Ok?* I annan parey nou'n dir pli boner, i annan *appeal* dan son fason *appeal*, ki i annan ki nou'n rezete, i annan ki nou'n al avek, nou'n donn zot.

I annan osi bann dimoun ki'n - bann gard ki'n fer nou konpran poudir zot annan serten *issues*, tousala nou'n tenir, nou'n dir be *ok* fini.

I annan ki pe al fer en mwan depi ki sa transfer in fer i ale pour en mwan, pour li nobou organiz son lekor. So nou, nou get ka par ka, nou sa sirtou bann zafer lekol, bann transfer eksetera, ki bezwen ganny fer. Nou pran konsiderasyon ler i annan sa bann zafer. Mersi Mr Speaker.

MR SPEAKER

Mersi. Mersi Minis ek bann zofisye pour zot partisipasyon e mon swet zot bonn kontinyasyon. Mersi tou Manm pour zot kestyon. Nou aret la pour ozordi, nou'n termin nou azanda pour ozordi. Lasanble i *adjourn* e nou a rebran demen *matin 9er. Adjourn.*

(ADJOURNMENT)

